

BIBLIOTEKA

Zakl. Nar. Im. Ossolińskich

XVII


3501

BIBLIOTEKA

Zakl. Nar. Im. Ossolińskich

XVII

3502



67.

7

W

S=5676


1150



*Ex Libris Com. Branicki
Sucha*

1150

1151



VITA ET MIRACVLA
Serui Dei,
VINCENTII
KADŁVBKONIS,
SIMONE STAROVOLSCIO
Scriptore.



CRACOVIAE,

In Officina Christophori Schedelij, S. R. M. Typ.

Anno Domini, 1642.

Rad. Martin. Schedel.
W. Opatowski 1642

APPROBATIO.

EGO Iacobus Vstiensis S. Th. & I. V. Do-
ctor ac Professor nec non Ordinarius per
Diæcesim Cracouiẽ Librorum Censor, VITAM & MIRACULA SERVI DOMINI VINCENTII KAD-
LVEKONIS, ab Admodum Rñdo Dño SIMONE
STAROWOLSKI, Ecclesiæ Collegiatæ Tarnoui-
ensis Cantore ex certis & authenticis documẽ-
tis conscripta: legi & in omnibus Catholicæ
veritati consona comperi, qui nimo vitam ra-
râ heroici animi in contemnendis mundi ho-
noribus ac opulentia generositate aliarumq;
virtutum excellentia præfulgentem, miracu-
la eximiæ Serui Dei Sanctitatis & in æternita-
te gloriæ testes. Quæ vt in maius fidelium so-
latium & infidelium cõfusionem Typis man-
dari possint, concedo facultatem.



XVII - 3501 - III



Illustrissimo ac Reuerendiss: Dño, Dño,

PETRO GEBICKI

Dei, & Apostolicæ Sedis, gratia
EPISCOPO PREMISLIENSI

NOMINATO CRACOVIENSI,

Supremo Regni Poloniæ

CANCELLARIO.

SIMON STAROVOLSCIVS

utramq; Felicitatem.



ANCTI VINCENTII
KADŁVBCONIS, pijsi.
mi olim Cracouiensis Episcopi,

A 2

Ci-

Cisterciensisq; postea familiæ re-
ligiosissimi alumni, vitā Tibi dedi-
co, ac quasi rediuium statuo, IL-
LUSTRISSIME AC REVEREN-
DISSIME DOMINE. Vt Te suc-
cessorem suum præclarū Reipub.
Polonæ columen inuisat: Antisti-
tem vigilantissimum, olim eiusdē
sedis Præsul salutet: Senatorem
Patriæ, & Ducem Seueriæ, sapiē-
tia quondam Venerandus Dyna-
stes amplectatur & agnoscat, suiq;
similem faciat. Cum enim Te vi-
deam, illis Virtutum & miraculorū
splendoribus delectari, quibus san-
ctos

Et os suos ornauit, Sanctorū omnium caput Christus, statim animo coniunctio, eius Te corporis esse membrum, cuius illi quoque membra sunt. Non enim facile ijs delectaretur, qui vel Fidei cōfessione, vel morum prauitate ab illis dissentiret. Virtus & Fides vniūt animos, quibus Spiritus S. hanc largitur gratiam, vt idem sapiant, idem dicant omnes, & suauis quadam cōfensione animorum, diligentissimam bonis exercendis operibus, vitijs profligandis, virtutibusq; cōsectandis nauent operam. Quam-

uisigitur diffitis temporibus vixe-
runt, S. Stanislaus Martyr, Ioan-
nes Grott, Ioannes Prandota, &
Vincentius Kadlubcus, Anteces-
sores Tui gloriosissimi, Sanctitu-
dinem attamen domus Domini æ-
qualiter omnes custodiêrunt, pro-
que veritate & iustitia pectora sua
intrepido corde opposuerunt, si-
cut & alij zelosissimi eorum succes-
sores, Gedeon, Sbigneus, Iwo,
Radiuillus, Sanctissimi huius Ca-
thedræ Pontifices. Quorum dum
Tu vestigia teris, & thronum sum-
mo cum applausu omnium con-
scen-

scendis, facile dabis mihi veniam
P R Æ S V L A M P L I S S I M E, quod
in laudes Tuas non excutram, nec
partos in Repub. honores calami-
stris exornem, sed potius Sancti
Confessoris vitam sub Tuis auspi-
cijs in conspectum & lucem pro-
ducam: Quod non sum ita naturâ
difertus, vt possim pro dignitate
omnes virtutes Tuas explicare, &
quod Tibi Episcopo meo, quem
constituit Dominus super familiã
suam non humanas laudes, pro ijs
sed æternam mercedem, vel huius
Sancti Viri suffragatione exoptẽ.

Cùm

Cum nemo ita peregrinus in
Patria sit, qui nesciat Sedem Cra-
couiensem primariam post Me-
tropolitanam Gnesnensem esse,
ad quam nonnisi magnæ & raræ
virtutis viri promouentur, idque
post tot exanthlatos in Repub. ho-
nores quos Tu pede indefesso
PRÆSVL VIGILANTISSIME
percurristi. Vt itaque Tuâ vigi-
lantiâ, studio, atq; conatu, Magnus
hic Dei Cōfessor VINCENTIVS,
victis aduersariorum maleuolenti-
is & inuidia, in Beatorum nume-
rum adscribi valeat, prout Tuo
fauo-

fauore è humiliori loco subleuari
meruit, dum post obitum Vene-
randi Antistitis Martini Siscouij,
hanc Episcopam, bono omine,
administres, futurus & ipse ali-
quando Sponsus illius: ideò quic-
quid in conscribenda illius vita &
miraculis operæ & studij posui, sub
Illustrissimo Tuo nomine prodire
volui, vt hoc ipso apud omnes te-
statum efficerem, me Tibi Pasto-
ri & Patrono meo non aliunde,
post sera fata, beatitudinem opta-
re, quam à Beatorum fauore.
Oro itaque maiorem in modum

B

vt

vt Illustrissima Celsitudo Tua,
hos qualescunque labores meos
& solita humanitate complecti, &
authoritate aduersus maleuolos
obtrectatores tueri velit. Ita Te
Deus, Ecclesiæ, Reipublicæ, ami-
cis, atque nobis Clientibus, inco-
lumem seruet,

Can-

Candide & Pie Lector

S A L V E.

E*A semper proborum hominum fuit consuetudo, & is tenor antiquus, ut lecta scriptoris cuiusvis pagina, non statim librum damnerent aut authorem, sed toto opere diligenter reuiso, scopum scriptionis & intentionem scribentis inuestigarent, atque tum demum iudicium ferrent; sed pro sua probitate semper in partem meliorem, & excusando defectus scriptoris. Secus maleuoli aut inuidi, qui etiam optimè dicta sinistrè interpretantur, nec parcunt authori; præsertim si persona displiceat. Proinde Lectorem meum rogatum esse volo, ut si quid in opere hoc absonum, aut rustico stylo editum inuenerit, non statim damnet argumentum, sed pro suo cādore, excuset ingenij defectum, & pro pietate, approbet erga Diuum affectum. Non enim eruditis conferri, sed simplicibus & in veritate laudanti-*

B 2


dantibus Dominum, hac rudi scriptione prodesse intendimus; non ignari & illius: Quod & inter spinarum multitudines, etiam soleat interdum de frugis semine spica succrescere. Et ideo, qui Sanctorum utriusque sexus hominum vitas describendas sibi sumpserunt, cum ineffabili profecto fructu eas ad posteritatis notitiam transmiserunt, inquit, elegantissimus scriptor Surius, eo, quod tam simplices, quam eruditos homines, plus moueant, fortiusque ad Christianam pietatem existiment Sanctorum exempla, quam Doctorum, aut Predicatorum verba: pleniusque sit, omnis aetatis & conditionis mortales opere docere, quam subtili ratiocinatione, rotundum ore de virtutibus disputare. Hinc est quod in veteri Testamento Ecclesiasticus compluribus in locis Sanctorum, qui in hac vita Deo placuerunt exempla commemorat, atque nobis ob oculos spectanda & imitanda proponit. Sed & Matthias eximius ille Legis zelator, ab hac vita abiturus filios suos nulla re alia magis, quam recitandis Patrum gestis, ad agen-

agendū fortiter pro Deo, eiusq; sanctissimis mandatis, exhortatur & confirmat. In nouo autē Testamento, imprimis D. Paulus ipse prolixus est, in precedentiū SS. Patrū celebranda fide. Deinde Abdias Babilonius, suis Cōmentarijs extollit SS. Apostolorum feruentem Christi predicationem, & mortes. Postmodū D. Hieronymus, & Ioannes W. Patriarcha Hierosolymitanus, diuersorū Anachoretarum vitas, atq; demum innumera- biles Ecclesiasticæ Historiarum vniuersales, tū particulares Scriptores, qui Sanctorū virtutes & amorem Christi, tanquā inestimabilē quendā thesaurū Catholicæ Ecclesiæ, posteritati ad imi- tandū stylo florentissimo tradiderunt. Et meritò sane. Talibus enim & tyrones in fide Christiana roborantur, & qui progressi sunt in aliquo pieta- tis studio, spei fiducia animantur, & Sanctorum so- cietati, quos iā tenet beatitudinis sinus, quantoci- us adnumerari conātur. Ex horū collegio nos vni- us Vincentij Kadlubconis sanctitatē proponēdā esse duximus, vita illius & miraculis breuiter cō-

notatis: quatenus exēplo ipsius, amercē celestiū potiūſ quam terrenorū homines sibi proponāt, spre-
tisq; honoribus & diuitijs temporaneis, possint
in aeterna beatitudine exaltari.

Nec tamē omnia hīc miracula intercessione D.
Vincentij patrata adnotauimus, in quo Lectorē
Piū candide admonitū esse voluimus, sed ea tātū,
quæ verorū hominū relatu didicimus, & ex dia-
rijs Monachorum decerpſimus. Alias permulta
Sancti huius viri miracula narrātur, quæ cū ad-
huc eſſet in viuis perpetravit, sed veterum Mona-
chorū incuriā non sunt scripto cōprehēſa, sicut &
ea, quæ ab obitu statim apud tumultū eius fiebant,
traditione eorū qui proximē vixerant, in vulgus
ſparſa. Verū enim uero maluimus iſta reticere, nè
leuitatis arguamur, quam ex dubia relatione,
gloriā, notitiæ antiquitatis, aucupari. Tu his quæ
authenticē collegimus, Lector amice fruēre, nihil
ambigens quod eorum lectio ingentes atque vber-
rimos fructus tuo animo ſit allatura. Vale
& Vne.

Vita



VITA ET MIRACVLA
Serui Dei,
VINCENTII
KADLVBKONIS.

PRÆLOQVIVM.



Vi mortalem vitam nostram considerat, præter mutationem & corruptionem, nihil in ea perpetuum inueniet. In cælis habitat qui rebus dat perpetuitatem, solus omnis non modo mortalitatis sed etiam mutationis expers. Hic sub cælo; si quid diuturnitatis est, & memoriæ longæuæ, non nisi ex virtute prouenit.

Fama

Fama quoque bona, & vt vulgo dicimus, gloria immortalis, suam mortalitatem habet. In hac si aliqua perennitatis species oculis hominū obuersatur, hæc vel ab armis fit, vel à literis, vel à sanctimonía vitæ: virtusq; omnis non alijs, quam his tribus fundamentis nititur. Qui igitur bonum nomen cupiunt, & Supremo Numini res à se gestas dicant, & in cælo, mortalitate exutâ immortalitatem promerentur, & inter mortales ob præclara sua facinora, pro immortalibus habentur. Eiusmodi virorum prouentus, ideo ubiq; terrarū conspicitur, quia generis humani Sator ubique semina virtutum mentibus humanis insperfit, quæ tamen ad vberriam & cælo dignam cum fructus segetem prouehere est dignatus, vbi Euangelicæ veritatis splendorem lucere voluit. In nostra Sarmatia barbara olim & rudi litterarum, strenui complures, militiaq; boni vixere, ast pietate, doctrinâ,

na, sanctimoniaq; vitæ, ante aduentum Saluatoris in orbem, credo omninò nulli. Sed propagata demum Christiani nominis claritudine in Arctoo, Lechia quoque nostra inclyta, cæpit Diuûm domus haberi: Musisq; è Latio & Græcia euocatis, Diuæ Libertatis templum vocari. Hinc maiores nostros multis ante sæculis res præclaras gessisse, sapientiâ & litteris claruisse, atque demum contemplatione diuinarum rerum innotuisse comperimus; qui & bellis pro gloria Crucis, contra Barbaros susceptis, non dubitarunt mortem oppetere: & rebus domi prudenter gestis, lumen notitiæ posteritati calamo tradere, & agnitam Diuinitatem pio atq; Catholico ritu, pro vniuersa Patria, imò pro vniuersa Christianitate exorare, conatu assiduo & mente casta haud neglexerunt. Quos inter

V I N C E N T I V S, cognomento K A D L V B C V S, gente Roseus, primo Episcopus Cracouiën.

C

post-

postmodum Professus Ordinis Cisterciensis, in Conuentu Andreouienfi. Is cum esset genere nobilis, potuit more cæterorum Equitum Polonorum armis gloriam quærere, & ad summum decus militiæ, vel cognatione, vel fortunâ promouente, peruenire: non tamen hisce sæculi blanditijs Genium suum passus est defraudare, sed ad spiritualem militiam conuersus, sanctimonixq; vitæ, ac literis deditus, Senatoriam simul atque Episcopalem dignitatem consecutus est. Et Patriâ prudenter, pro indole sua administratâ, literisq; ad posteros illustratâ, veræ sapientiæ tandem litauit, atque seipsum respexit. Hoc est, mundo & eius concupiscentijs dicto forti animo vale, se claustro mancipauit. Vbi verò, & quam gloriosè vitæ curriculum exegerit, ex subsequentibus, Lector amice, facile pernosces.

CAPVT PRIMVM.

*De Monasterio Andreouienſi, in quo Seruus Dei
Vincentius, ſeculo valere inſo, reliquum
Pelagus vitæ tranauit.*

MIra prouidentia Dei & ordinatio. vt cum nullâ re egeat, & ſit largitor omnium bonorum, quæ tamen in gratiarum actionem offeruntur ei à nobis, ſuſcipit clementer, & retribuit mirificè. Quod probè conſiderans, eximiè pius Antiſtes, Ioannes de proſapia Griphonum, cum fratre ſuo Clemente; Heroe incomparabili, Palatino Cracouienſi, tempore quo Diui Bernardi inſtituto, reformata Benedictinorum Sodali-um Religio, reſcendere in Gallijs cœperat, de bonis hæreditarijs partem non contemnendam Chriſto Deo obtulerunt; nidumq; do-

mus suæ villam Brzeźnicam, propè oppidum Andreouienſe ſitam, vnà cum eo, & circumuicinis poſſeſſionibus alijs, in dotem Eccleſiæ nouiter à ſe erectæ adſcripſerunt. Cura illius commiſſa Religioſis Fratribus Ordinis Ciſterciensis, Morimundo è Burgundia euocatis. Vnde Andreouienſe quoque Monasterium in fundo prædij Brzeźnicenſis erectum, minor Morimundus appellari cœpit. Huius autem erectiouis publicum Inſtrumentum, aſſeruatur in archiuo cœnobij vſque in præſentem diem; & eſt eiufmodi.

In Nomine Sanctæ & Indiuiduæ TRINITATIS.

Q*Via nos qui diſpenſatores Eccleſiæ ſumus amplius cæteris Deo debemus, & quo plura de donis eius ipſo largiente accepimus, eo ſane vigilantius nobis curandum eſt,*

ut

ut quæ nostra tutela credita sunt, hæc studeamus
procurare, ut quando messis Diuina aduenerit,
fructum nostri laboris mereamur percipere. Ho-
nestum ac beatum constat esse votū immo sanctū
ac laudabile patet esse commercium, dare sua
transitoria, & recipere pro his æterna, sibi displicere
& caelestia possidere. Huius itaq; tam san-
ctæ negotiationis amore. Ego Ioannes Polono-
rum Archiepiscopus superna inspirante gratia
medullitus ignescens decorem domus Dei, & lo-
cum habitationis gloriæ suæ diligens, simulq; in
libro vitæ cum iustis conscribi cupiens, Patrimo-
nij mei liberam portionem Villas has, scilicet Ra-
kosyno, Potok, Likasowo, Lantcezyno, Rako-
wo, Tárśawá, Chorewá cum Decimis suis Præ-
terea Episcopus bonæ memoriæ Maurus qui ean-
dem Ecclesiam consecrauit, & Radosth succes-
sor suus Decimas super villas has addiderunt sub
Anathemate Ozarowice, Prenestawe, Micho-
wo, Bechtowo, Borowa, Prekopa, Linowo, omni-

um bonorum largitori Deo ad gloriam & laudem eiusq; Genitrici, nec non & Decimam villæ quæ vocatur Holosyce Beato Adalberto ad honorem cum intima deuotionis humilitate contradi-
di. Et exinde in vna conscriptarum villarum Brysinik videlicet domicilium Deo fieri, dotari, inuestiri, cum deuota desiderij puritate institui. Pro cuius Domicilij spiritualiter disponendi gubernatione, pro continuâda ibi Diuinæ seruitutis administratione, pro statuenda etiam ibidem Regularis ac spiritualis disciplinæ Religione, viros quosdam spirituales militantes Domino sub Regula Beati Benedicti in Ordine sancto Cisterciensium, à quo sequestrata est omnis iniquitas, vel prorsus relegata impietas, prout potui, reuerenter aduocavi, suscepi, dilexi, locavi. Quibus in eodem Brysinik scilicet loco spiritualiter degentibus villas prætitulatas cum redditibus earum vniuersis in usum liberrimum ex tunc & in perpetuum quasi pauperibus Christi, pauper ipse sine
vlla

*N*ulla contradictione delegavi. Quas ergo oblationes nostræ devotionis pias, & ut speramus Domino acceptas hac in membrana litteris signari volumus, ad notitiam successorum nostrorum, ut inuolabile robur obtineant per succedentia tempora, ceram ipsi imprimi præcepimus, insignitam sigillo nostræ dignitatis, & autoritate Domini nostri IESU CHRISTI, nec non & Principum Apostolorum Petri & Pauli, ac Domini nostri Romanæ Sedis Episcopi, & omnium Orthodoxorum Patrum, & nostri Banni sententia eis consummationem illibatam indicimus, nè quisquam vel Magnificentie homo, vel potentie præsumat supra dicta donaria aliqua ratione alienare ab Ecclesia cui donatâ à nobis tantâ autoritate constant. Si quis autem in tantam mentis suæ cecitatem ceciderit, ut post hanc nostram confirmationem adeo terribilem, prædictam oblationem quocunq; modo inquietare præsumpserit, sciat secum IUDÂ proditore Domini

nostri IESV CHRISTI sententiam aeternae damnationis subiturum. Nisi forte poenitentia ductus cuncta ablata legaliter Ecclesiae restituat quam laesit cum omni compensatione Canonica. Observatoribus verò ac amatoribus huius nostri instituti, sit Domini pax & pium gaudium cum omnibus sanctis nunc, & per infinita secula. Facta est autem hac oblatio siue donatio nostra humilitatis. Anno Millesimo, Centesimo Quinquagesimo Quarto. Primae Sedis Pontificale regimen tenente Domino digne ac verè Beato Eugenio Tertio, nec non Boleslao, Mescone, Henrico germanis Fratribus Principatum in Polonia tenentibus, multis astantibus Nobilibus, quorum haec sunt Nomina. Ego Ioannes Archiepiscopus & Clemens frater meus Dominus Iaczo, Michora, Mechislaus, Martinus Zbiluth Nicolaus Tribunus, Comes Bogomelus.

CAPVT SECVNDVM.

De auctione reddituum Monasterij Andreouienſis per Vincentium Kadlubcum dum adhuc in Pontificatu eſſet

AVxerat dotem Cœnobij Brzeźnicenſis (nondum enim appellabatur Andreouienſe, propter exigua tunc initia oppidi Andreouienſis, quod non niſi proceſſu temporis conſurrexit, & à ſua celebritate Monasterio quoque nomen dedit) ſupra nominatus fundator Ioannes Archiepiſcopus Gneſnenſis, præterque bona in priuilegio expreſſa, multas villas per ſucceſſionem ad ſe deuolutas iſdem Sodalibus iterato dedit: decimaſq; complures menſæ ſuæ Archiepiſcopalis dicto Monasterio attribuit. Cuius egregiam pietatem æmulatus deinde incomparabi

rabilis vir, Gedeon Episcopus Cracouiensis, quoniam & ipse de domo & stirpe Griphorum ducebat genus, decimas nonnullas Monachis Andreouiensibus à mensa sua dedit, & perpetuo inscripsit. Sed & qui templum eorum cōsecrauerat, antecessor Gedeonis Maurus Gallus, in honorem Beatissimæ Virginis, sub cuius titulo Ecclesia erecta, & sancti Adalberti Martyris, decimas manipulares in certis villis donauit, & publicis monumentis consignauit. Cuius deinceps immediatus successor, Gaudentius seu Radost, non modò antecessoris sui ratam habuit donationem, & speciali Priuilegio confirmauit, sed superadditis adhuc alijs tribus decimis, suam bonam largitionem exauxit. Vtriusque autem huius liberalitatem in Sacrum Ordinem Cisterciensem & Cœnobium Andreouienſe confirmauit Vincentius Kadłubecus, cum post obitum Fulconis, Episcopam Cracoui-

en-

ensem regendam suscepisset, adiunctisq; nonnullis decimis: De sui patrimonij proprietate Karwow & Nikisiołka villas attribuit Monasterio Coprzywnicensi, eiusdem instituti Cisterciensis, Monachis, à Cazimiro Poloniæ Monarcha exstructo. Quæ verò, in augmentum dotis Andreouiensibus contulit, ea eiusmodi instrumento comprobauit.

In Nomine Sanctissimæ & Indiuiduæ Trinitatis.

Ego Vincentius Dei prouidentia Cracouiensis Episcopus. Omnibus tam præsentibus, quam futuris saluē in perpetuū, &c. Quia magna negligentia culpa est, culpari super eo nolumus, quod ex officio commissō in alijs corrigere tenemur. Vidimus enim Cænobiij de Andreioz Privilegia ex neglectu parum deleta & mutilia & ad interitum & lapsum domus laben-

D 2

ben-



bentia. Vnde dignum duximus imminenti temporum ruina succurrere, quia satius est ante tempus occurrere, quàm post tempus remedium querere. Communicato igitur cum fratribus nostris consilio totius Cracouiens. Ecclesiæ tam personarum, quam Canonorum approbatione & consensu prædicti Cænobij Priuilegia innouare statuimus, futuris in perpetuum seclis valitura, ne de ipsorū aliquomodò fide ambigatur, quæ sub tantorū solennitate, ac prudentia virorū constat esse roborata. Priuilegia hæc sunt: Ego Maurus Dei gratia Cracouiensis Episcopus & ego Radost eiusdem Mauri successor dedimus Deo & Fratribus prædicti Cænobij de Andrzejow decimas super has villas, Rákossyno, Potok, Łysakow, Łanczyno, Rákowo, Társawá, Chorzewá, Przastaw, Konáry, & in utraq; Michotice in Berlowa, Borowa, Prokopo, Linowo, Polossyno; facta est autem hæc oblatio siue donatio nostra humilitatis. Anno Millesimo Centesimo Quin-
qua-

quagesimo Quarto. Primo Pontificale regimen
tenente Domino dignè ac verè Beato Eugenio
necnon Duce Boleslao Mefione, Henrico germa-
nis fratribus principatum in Polonia tenentibus:
Multis nobilibus astantibus quorum sunt hæc no-
mina. Joannes Archiepiscopus, Clemens frater
eius, Dominus Iaczo, Michora, Mechislaus,
Martinus Zbylnik, Nicolaus tribunus, Comes
Bogumelus: Item ego Gedeo supradictæ Craco-
uien: Ecclesiæ Episcopus addidi Deo, & Beatæ
MARIE Virgini, & S. Adalberto, & Fratri-
bus iam dicti Cænobij in consecratione veteris Ec-
clesiæ decimam ad mensam meam pertinentem
omnium subscriptarum villarum in Episcopatu
meo positarum, quarum nomina hæc sunt, Viazd,
Blonie, Senth: Blonika, Skowrodno, Pauenchic,
Serekna, Buskow, Tropisowo, Biala, Grambo-
tow, Besen, Mirzawa, Branachia, Skroniow,
Waslino, & alterius ville quæ sedet super Nidi-
kam, in qua sedent Konarij duæ, hoc est, inter vil-

lam Bugiuoij & villam Niegoſtaji: Teſtes huius donationis ſunt hi. Dominus Meſko, Dominus Kaſimirus Domini terræ, Abbas Tineceñ: Hildebrandus, Abbas de Caluo monte Syluanus, Abbas de Sieciechow Alnodus, Abbas de Lochna Symon, Dominus Maximil: Dominus Quacoſlaus, Gneomirus, Stephanus, Jacobus, Ioannes, Clemens, multi comites Nobiles Capellani quorum nomina ſcribere longum eſſet. Sunt autem hi per quos facta eſt & confirmata innouatio: Ego Vincentius Craconiensis Episcopus Kylſlaus Decanus, Januſ Archidiaconus, Boguchalus Præpoſitus, Benedictus Summus Magiſter, Laurentius Cantor, Nicolaus Cuſtos, Henricus Subcuſtos, Rudolphus Sandomiriensis Archidiaconus, Ioannes Cruſuiceñ: Decanus & prædictæ Eccleſiæ Canonicus, Richardus, Blaſius, Pancratius, Woyko Alexander, Stephanus, Petrus cognomento Barrabas, Dominus Nicolaus Pantoflaus, Troianus Canonici. Ego poſtea Vincentius

*ſepius iā dictæ Crac. Eccleſiæ humilis miniſter
in cōſecratione iſtius Eccleſiæ addidi, ſupra nomi-
nato clauſtro, & Fratribus ibidē Deo ſeruiētī-
bus triū villarū Decimas, quarū vocabula ſub-
notāiur, Gonozinice, Wilchice, Negoſtawice,
Teſtes Comes Gōricius, Comes Iacobus Abbas de
Caluomonte, Abbas de Camiena, & alij quam
plures Nobiles & mediocres qui in eadē cōſecra-
tione interfuerūt. Quicumq; itaq; de iſtis omni-
bus abſtulerit, vel dempſerit præter voluntatem
Abbatis, & fratrum ſit anathema maranatha. Fa-
cta eſt autē hæc innotatio ſiue confirmatio. Anno
Verbi Incarnati. Milieſimo Ducēteſimo Decimo
Epiſcopatus verò noſtri Anno ſecūdo.*

*Ex Inſerto in nouos libros Beneficiorum Mo-
naſteriorum ſub Sigillo V. Capituli Craconiē.
deſumptum.*

Locus ✠ Sigilli.

*M. Lucas Groblicki publicus
Aſtorum V. Capituli Eccleſiæ
Cathedr : Crac : Notarius.*

CAPVT TERTIVM.

*De Pontificatus administratione, Resignatione
dignitatis, & ingressu Religionis, Inimitabilis
viri, Vincentij Kadlubconis, variorum Scri-
ptorum testimonia.*

R Ara eiusmodi modestiæ & humilitatis
exempla in omni æuo reperiuntur, vt
conscenso quis summo dignitatis api-
ce, vel fortunam quam maximè ambiebat de-
ferere vellet, vel commoditatem quæ cuius-
que sensum titillat sincero animo postpone-
ret. Fuere attamen non pauci Numine sacro
æfdati, qui cum diuersis temporibus, diuer-
sisq; in partibus orbis, spretâ mundi fallacis
pompâ mentem recollegerunt, tum inclytum
etiam Cisterciensem Ordinem ingressi, in
humilitate spiritus Altissimo seruiuerunt. Nu-
me-

merantur passim à qualibet Congregatione Religiosa Principes, Duces, Imperatores, Reges; & quidem sexus vtriusque, qui sanctitatem vitæ, diuitijs & diadematibus prætulerūt. Longumq; eiùsmodi virorum cathalogum, vel soli Cistercienses recitant: & quos inter Magnum Reipublicæ Polonæ Senatorem, Sanctissimumq; Ecclesiæ Cracouiensis Præfulem Vincentium KADLVBCVM connumerant. Qui sub Theodorico, natione Gallo, Secundo Abbate Andreouienfi (nam primus Andreouienfis Abbas, sub quo erectum & fundatum erat Monasterium accitis Fratribus è Burgundia, Virricus appellabatur) resignato Episcopatu, Anno à Natiuitate Domini, Millesimo Ducentesimo Decimo octauo, Religionis habitum suscepit. Cuius rei mentionem diuersi Scriptores fecère, sed imprimis vetustissimus rerum Polonicarum connotator Ioannes Długossus. Tomo Hi-

storiarum suarum Primo. Libro verò Sexto,
in talem modum.

Anno Domini, 1207.

Post mortem Fulconis, alias Peška Episcopi Cracouiē. in locum eius conformi electione Magister Vincentius KADLVBKONIS de Karwow vico propè Opatow sito Præpositus Sendomiriensis cū esset genere Nobilis, de domo & familia Rosæ, licet aliquam dignitatem, aut præbendam in Cracouiē. Ecclesia non obtinērit propter excellentiam ingenij & doctrinæ quibus pollebat postulatus ab Innocentio III. confirmatus sufficitur. Cui naturæ prægnantis diues & fæcundus vterus præclarum ingenium cōtulerat quem iam benigno lumine astra inspexerant, vt sine externæ opis adminiculo nouum cōdendo corpus de Annalibus Polono-

norum Historiæ, magnificos per seipsum literarum sensus expresserit, & literarum studijs decus, & ornamenta, mores ingenuos, & normam rectè viuendi comparauerat. Disciplinam pro Nobilitate, pro patria, pro parente, pro nutrice, adoptauerat.

Hic Magister Vincentius eodem anno per Henricum Gnesnensem Archiepiscopum ex Mandato Innocentij III. consecratus est. Anno Domini 1215. Nobilem & illustrem Cracouiensem Ecclesiam Vincentius Episcopus sui Pontificatus tempore amplius illustraturus, pro habendis quotidianis refecti-
onibus vndecim Decimas manipulares & septem pecuniarias in villis circumcirca Cichow oppidum sitis ad mensam suam Episcopalem pertinentibus, deuotione perpetua cōtulit, & donauit. Ex quarum introitibus, in vino, luminaribus, cæterisque suis necessitatibus procuratur Cracoui. Ecclesiæ & præ-

latis Canonicisq; Ecclesiam ipsam frequen-
 tantibus distributiones frequentes, & quoti-
 dianæ largiuntur. Nîmîum fortunatus nîmî-
 umq; liberalis Episcopus æterna in laude
 versād9, quod & Ecclesiæ suæ prouidit neces-
 sitatibus & plurimum illi contulit stabilimē-
 ti & decoris, amplissimam sitim doni com-
 pensationem per gratiam Pontificis & remu-
 neratoris superni abunde iam consequutus.
 Nè autem de nominibus villarum decimas
 huiusmodi afferentium à quopiam ambigi
 posset, etiam nomina earum inserui. Primo
 quidem Manipularium, Gnoinik, Gołprido-
 wa, Thimowa, Tworkowa, Iurkow, Viazd,
 Opatkowice, Łuczławice, Iaszcuchowa,
 Konczyńska, & Zdania. Item pecuniarium,
 Brzozowa, Olszowa, Słona, Bieźnik vel Bro-
 nik, Polichta, Pozna. Item in Oppido Casi-
 mirien. Crac. vicino ita vt candela inextin-
 guibilis nocte dieq; ardeat in Altari, reliquum
 Canonici in suos vsus auferant. *Idem*

Idem Author continuat.

ANno Domini 1218. statum suum Pontificalem Vincentius KADLVBKONIS Cracouiensis Episcopus intelligens diuersis curis & periculis implicitum esse ex pelago multifariorum naufragiorum euasurus cum esset vir raræ doctrinæ & religionis immensæ, Episcopatu, quem iam annis propè duodecim gesserat, cedere decreuit. Id dudum longo ante tempore perficere nequiuit, aduersantibus eius sancto proposito Leszkone Albo Duce, & Cracouiensi Capitulo, qui & Rempublicam, & Ecclesiam personâ tam egregiâ, & insigni spoliatum iri, vehementer dolebant. Tandem frequentibus precibus & humilitate profunda & Ducalem & Capitularem renitentiam expugnauit. Cui dum successor idoneus, quæreretur, Iwo fili-

us Saulis Comititis de Konskie genere Nobilis de domo Odrowasfz & natione Polonus Cantor Gnesnensis Canonicus Cracouien. & Leskonis Albi Cracouien. & Sendomirien. Ducis Cancellarius inter cæteros Duci & Capitulo dignior videbatur. Qui & propter literarum peritiam, & prudentiæ humanæ fulgorem Vincentio in Episcopatu succederet. Verum dum in admittenda Vincentij cessione per summum Pontificem difficultas timeretur. Iwo assumpto sibi in Comitem & Consultorem Iackone de Opoliensi Prouincia, & villa Lanka Canonico Cracouien. Viro Versato, & industriofo, ad Honorium III. in urbem se contulit, & tam Vincentij cessionem admitti, quam suam Nominationem confirmari, & in Cracouiensem Episcopum se promoueri, personam suam Vgolino Cardinali Episcopo Hostiensis propter familiaritatem præcipuam, quam inuicem in studio Parisiensi

ensi contraxerant coram Papa, & Cardinalium Collegio altis efferente laudibus facile obtinuit.

Sequitur in eodem Authore

ET Iwo quidem, ex Roma reuersus ab Henrico Gnelnen: Archiepiscopo in Episcopum Cracouiensem consecratus est. Vincentius verò in Andreouienſe Monasterium vbi tunc ſacra Cisterciensium Religio magnis Fratrum studijs colebatur se conferens, & habitum & Ordinem suscepit. Et ex bono optimus effectus, nudus Christum sequi, & in vitæ austeritate Deo suo militare cepit. Vndosum hoc quod internos & Deum peccatis inter latrantibus separat, præsentis vitæ salutem Pontificali exutus amictu & cura expeditius tranaturus. Cuius generosus Spiritus ad superna & cælestia summiq; boni

boni verticem semper anhelans haud tolerare poterat, interrenis prorsus educari, nisi ad cælestes radios in sanctæ religionis austeritate, mentis suæ aciem attentius dirigeret.

Idem Author.

ANno Domini 1223. Vincentius KADLVBCONIS olim Cracouien: Episcopus cum Annos quinque in Ordine Monasterij Andreouien: religiose exegisset, Octauâ die Mensis Martij (Aliter in libro Mortuorum Monasterij Andreouienfis quarta Aprilis obitus eius commemoratur, Cui magis fidendum noscitur) laborum suorum immarcescibilem coronam à Christo propter quem omnia deseruerat percepturus, carnis ergastulo solutus est, & in eodem Monasterio in chori medio sepultus est. Quicum Episcopatum Cracouien: adhuc rexisset

set Cathedram viuacitate ingenij, quâ polebat, de rebus gestis patriæ dilerto, politoque stylo (quæ incipit: Tres, tribus ex causis theatrales odere solennitates) edidit Chronicam, quam sic accurate, cogitateq; scripsit, ut ad priscorum laudem maximè accesserit, quos tantopere admirantur. Multa de exteris gestis, plura quam de proprijs perstringens per varia Historiarum quidquid concinnum & aptum Polonis fuit pulcherrimâ varietate intexuit. Quæ à multis Polonorû celebratur & legitur, & ob raritatem tam domesticæ, quam peregrinæ Historiæ, & ob elegantiam scripti grauitate verborum lucens non vulgarium referta. Hic decem Præbendas in Kielcen: Ecclesia fundasse & dotasse asseritur. Decimas quoque manipulares iuxta Cchow consisten: ab Ecclesia Parochiali in Brzezie abstractas, Capitulo & Ecclesiæ Cracouien: pro administratione vini & olei, contulisse dicitur. F MA-

MATTHIAS MIECHOVIENSIS

De eodem, ad Annum Domini 1207.

MAgister VINCENTIVS KADLVBCONIS de Karwow vico propè Opatow, nobilis de domo Rossæ, Præpositus Sădomiriensis, propter ingenij excellentiam, per Capitulum Cracouiense in Episcopum Cracouiensem electus est, quamvis in Ecclesia Cracouiensi nullam obtineret Præbendā, ab Innocentio III. confirmatus, & ab Henrico Archipræsule Gnesnen: consecratus. Hic vndecim manipulares Decimas & septem pecuniales in villis circa Oppidum Cchow sitis ad mensam Episcopalem; vel quod alij astruunt ad Ecclesiam in Brzezie pertinentes Ecclesiæ Cracouiensi perpetua donatione contulit. Ex quarum introitibus in vino, oleo luminaribus, cæterisque necessitatibus

Ec.

Ecclesia Cracouien: & Prælati cum Canonicis eam frequentantibus, quotidianis distributionibus prouidentur. Nomina villarum Manipularium Decimarum sunt hæc. Gnoynik, Gothprzydowa, Thymowa, Tworkowa, Iurkow, Viazd, Opatkowie, Luczśławice, Fásowszowa, Konczyńska, & Zdania. Nomina verò pecunialium, Brzozowa, Olszowa, Słona, Bieśznik, Polichta, Pofzna, Item de Cafimiria Cracouiensi vrbi vicina. Idem Vincentius Kadłubconis Episcopus Cracouiensis & habitum & Ordinem Religionis Cisterciensis in Monasterio Andreouiensi professus resignato Episcopatu assumpsit. Ex bono factus optimus, nudus nudum Christum secutus est, Anno Domini 1218. Et post quinque annos erga stulo carnis solutus in Domino quieuit, Oſtaua die Mensis Martij Anni Domini 1223. in Monasterio Andreouiensi in medio chori sepultus.

Hic dum Cathedram Cracouien: regeret. Chronicam Polonorum (quæ incipit: Tres tribus ex causis theatrales odere solennitates.) scripsit. Plura de exteris, quam Polonorum gestis, nodosè & inuolutè, in primis tribus libris perstringens.

MARTINVS CROMERVS

In sua Chronica ad Annum Domini

1206.

ANnus autem quo hæc acta sunt, fuit post Christum natum 1206. Insequenti anno Fulco quoque siue Pelka Cracouienfis Episcopus, Palatini frater vita excessit: qui sibi, & successoribus suis prærogatiuam loci & suffragij secundum Archiepiscopum in Gnesnensi Prouincia, ab Innocentio III. Pontifice maximo impetrauit.

Suc-

Succesit autem ei Magister Vincentius, cognomēto KADLVBCVS, Præpositus Sendomirien: gente Rosæus, vir doctus, vt tunc ferebant tempora, & pius: qui primus Polonorum, historiam gentis suæ conscripsit, liberis collegij sacri suffragijs creatus & expetitus, quamuis ipse in eo collegio non esset. Perfecerat enim id collegium per Ioannem Archidiaconum, vt libera sibi deinceps esset electio Episcopi. in quam se Principes peruerso more etiam tunc ingerebant.

I D E M.

VINCENTIVS Cracouiensis Episcopus, cum Basilicæ Cracouiensi, cuius suppellex vniuersa, tacto de cælo ærario conflagrarat, multa contulisset, decimasque nonnullas collegio eiusdem Basilicæ in distributiones quotidianas, & in lucernam

quæ perpetua in templo arderet, addixisset, Episcopatu se abdicauit, ne quicquam aduersante Principe, ac disuadente collegio sacerdotum: & in Andreouienſi Monasterio reliquos quinque vitæ annos Religioſè exegit, cum 10. annis Episcopus fuiſſet.

Ex Chronico Monast:
S. CRVCIS.

VINCENTIVS ipſe fuit filius Kadſubkonis de Karwow. Et quia fuit homo literatiſſimus, mortuo Fulcone Episcopo Cracouien: Cum eſſet Præpoſitus S. MARIE Sendomirien: per Capitu: Cracouien: in Episcopum poſtulatur & ab Innocentio Papa confirmatur, & per Henricum Archiepiſcopum Gneſnen: conſecratur, Anno Domini 1208. Tandem de licentia Honorij Papæ

pæcessit Episcopatu & intrat religionem
Cisterciensis Ordinis in Monasterio Andre-
ouienſe vbi quinque annis in magna vixit ab-
ſtinentia. Tandem Anno Domini 1223. mo-
ritur & in medio Chori Monasterij Andreo-
uienſis ſepelitur. Hic ſcripſit ſtilo ſublimi li-
brum Cronic: de geſtis Regni Poloniæ. Eius
tempore Ærarium Eccleſiæ Cracouienſis ful-
mine percuſſum eſt & ſcrinium in quo Caſu-
læ & Cappæ præcioſiores erant accenduntur,
& comburuntur. Hic Eccleſiam S. FLORI-
ANI conſecrauit.

ABRAHAMVS BZOVIVS

In Annalibus Eccleſiaſticis ad Annum

1209

IN Polonia per id tempus VINCENTIVS,
cognomento KADLVBKVS Cracouienſis
Episcopus cum Basilicæ Cracouienſis, cu-
ius

ius supellex vniuersa, tacto de cælo ærario, conflagrarat, multa contulisset, decimasq; nonnullas Collegio eiusdem Basilicæ in distributiones quotidianas, in lucernā quæ perpetuo in templo arderet addixisset, Episcopatu se abdicauit nec quidquam aduersante Principe, ac dissuadente Collegio sacerdotum, & in Monasterio Andreouienſi reliquos quinque vitæ annos religioſe exegit, cum decem annis Episcopatum geſſiſſet.

CHRISOSTOMVS HENRIQUEZ

S. Th. Magister Ord: Cisterciensis Historiographus, in Monologio Ordinis sui.

Quarto Nonas Februarij. In Polonia
B VINCENTIVS Episcopus Cracouienſis qui vt liberius Deo vocare poſſet, dignitate ſe Sponte abdicauit, & in
An-

Andreouienſi Cœnobio habitum Cifterci-
enſem aſſumpſit, vbi admirandis virtutibus
celebris feliciter obdormiuit in Domino.
Hoc Cœnobium à quibuſdam Andreouien-
ſe nuncupatur, ab alijs ſverò Monafterium
de linea Morimundi.

D. S E G V I N V S.

*Libro 3. Virorum Illuſtrium Ordinis
Cifterciensis.*

VINCENTIVS cognomento KADLVBKVS
natione Polonus, legitimis ſuffragijs
Cracouiensis Episcopuſ electuſ. pro-
fuit Anno Domini Milleſimo Ducentefimo
Sexto, qui cum per decem annos Paſtoris
munuſ obijſſet, coram omnibus in Canoni-
corum Capitulo congregatis, mitram, annu-
lum, & ſandalia deponens Pontificatu ſe li-
bere

berè abdicauit, & in Andreouienſi Cœnobio
Ordinis Cifterciēſis, regularem obſeruan-
tiam elegit: vbi nonnulla doctiſſima exara-
uit opuscula, de quibus in ſecundo libro
ex parte mentionem fecimus. Obijt igitur
anno 1229.

CHRISTOPHORVS KONTSKI

*In Vitis Archiepiſcoporum & Episcoporum
Eccleſiæ Cracouiēſis.*

XVIII. Episcopus, VINCENTIUS KADLVBKVS.

*M*Vnere perfunctus bis-ſenis Præſulis annis,
Fit Monachus, charum deſeruitq; gregem.
Officiū graue Paſtoris ratus. Arrigat aures,
Qui capit intrepida tanta pericla manu.
Conſcripſit Regum vitas & geſta ſuorum,
Hinc patria æternum nomen ab orbe feret.
Assum-

Assumptus 1208. Sedit annis 10. cessit
Episcopatu 1218. Mortuus 1223. In Mona-
sterio Andreouienſi ſepultus.

CAPVT QVART VM.

*De Vita, moribus, probitate, atque pietate, Re-
ligioſſimi Præſulis, VINCENTII
KADLVBKONIS.*

INter alia complura, digna approbatione
& laude, hæc quoque duo Venerabile Ca-
pitulum Cracouienſe habet. Libros Be-
neficiorum, non modò Eccleſiæ ſuæ authen-
ticè conſcriptos, & Regia manu, ſigilloque
communitos; ſed totius etiam Diœceſis Cra-
couienſis, eruditiffimi viri Ioannis Dlugof-
ſij, rerum Polonicarum ſcriptoris veridici,
ac pro eo Nominati à Rege Caſimiro Iagel-
lonide Archiepiſcopi Leopolienſis, opera &
labo.

labore immenso connotatos. Tum Catalogum Episcoporum Ecclesiæ Cracouiensis, curâ diligēti, & nullo adulationis fucō aspersum: eo, quod, & in Capitulo viri generosi, magnanimi, & nō nisi è præcipua nobilitate, aut eruditione selecti censeantur; qui & minas, & preces, aut fauores, facilè vniuscuiusque contemnere possunt. Et vitas Episcoporum suorum, non nisi post obitum, benè ac prudenter recensitas, albo Antistitum suorum inscribere, consuetudinem & legem antiquitatis habeant. Vndè Innocentissimi quoque Vincentij KADLVBKONIS, se & mundum Vincentis Pontificis, ac quasi ad cælum suis successoribus pontem facilè præstruentis, desumere volumus.

Ex Catalogo Episcoporum Cracouiensium.

FVLcone mortuo, Magister Vincentius
KADLVBKONIS, natione Polonus de
Villa Karwow propè Opatkow de do-
mo & Familia Rosæ Præpositus Sandomi-
riensis, decimus octauus in numero per Ele-
ctionem Canonicam succedit, & Anno Do-
mini Millesimo Ducentesimo Septimo, per
Innocentium Papam III. in Episcopum Cra-
couiensem confirmatur, & per Henricum Ar-
chiepiscopum Gnesnensem consecratur. Et
quamuis ad illa vsque tempora Principes &
Reges Poloniæ, & ij præsertim qui apud
Cracouiam principabantur pro suo more &
beneplacito Episcopos Cracouienses surro-
gabant: tamen pro ea vice Prælati, & Cano-
nici Cracouienses, de quorum numero Ia-
nusz

nusq; Archidiaconus vnus erat, viri elegantes,
& fortes Ecclesiæ Columnæ, huic abufioni
& corruptelæ se viriliter apponentes, vnani-
miter præfatum Magistrum Vincentium de
Karwow in Episcopum Cracouiensem ele-
gerunt, & electionem eius Innocentio III.
præsentarunt qui præsentatum confirmauit,
& per Henricum Archiepiscopum Gnesnen.
mandauit consecrari confirmatum. Hic in
Ecclesia Sanctæ MARIÆ Kielcen: suæ Diœ-
cesis Decem præbendas asseritur fundasse &
dotasse. Hic Vincentius vir doctus erat, mi-
ræ religionis, & deuotionis, qui gesta Re-
gum, & Principum Poloniæ, singulari stylo
conscribens in vnam Chronicam redegit,
quæ à legentibus Vincentiana appellatur
quem tanto lumine & tam benigno Astra re-
spexerāt, vt sine externæ opis adminiculo no-
uum condendo corpus de Annalibus Polo-
norum Historiæ magnificos per seipsum li-
tera-

terarum sensus expreſſerit. Sedit annis propè duodecim, Anno autem Duodecimo Pontificatus sui, de Licentia speciali Honorij Papæ, honori & oneri sponte renuntiavit & Monasterium Andreouienſe ingreſſus, Ordinem Cisterciensem professus. Millesimo Ducentesimo, Decimo octauo vbi quinque annis sub Regulari obseruantia Deo militans moritur, Octaua Martij 1223. Et in Monasterio prædicto Andreouienſi in chori medio ſepelitur. Hic Decimas Capitulo Cracouiensi, manipulares, & ad Ecclesiam de Brezie pertinentes abſtrahens, circa Cehow conſiſtentes ne valore Centum Marcarum pro Subminiſtranda cera, vino, oleo, & cæteris neceſſitatibus incorporauit, & adſcripſit: Statuens vt candela inextinguibilis nocte & interdiu ardeat in altari, reliquum Canonici in vſus ſuos conuertant. Huius temporibus ærarium Ecclesiæ Cracouiensis fulmine

mine percussum est, & Scrinium in quo Cas-
sulæ erant accenditur & Cappæ pretiosiores
& ornamenta comburuntur. Nobilis hic erat
ex Patre Boguslao, & Matre Benigna de do-
mo Rosæ. Hic specialem gerens ad Ordinem
Cisterciensem deuotionem, Villas Patrimonij
sui Czyrnikow, & Goyczow, Anno Domini 1212.
in Colloquio & iudicijs publicis sub præsentia
Henrici Gnesnensis Archiepiscopi Gedeonis Płocen : Oggeri
Crusvicen : Episcoporum, & Mszczugij Ducis
Pomeraniæ Pontificatus sui anno quarto
Monasterio de Suleiow Gnesnen : Diœcesis;
villas verò Niekisiałka & Karwow hæreditarias
etiam & paternas Monasterio Koprzywnicensi
Ordinis Cisterciensis liberalitate ingenua
perpetuo contulit, & donauit, interdicēs
nepotibus suis germanis filiis fratris sui
Boguslai videlicet Boguslao & Sulislao earundem
Villarum quas Monasterijs præfatis ple-

pleno iure donauerat, sub graui anathemate omnem impetionem & quam libet vendicationem hæreditatum prædictarum.

Scripterunt etiam & priuati nonnulli, vitam Beati VINCENTII, fama miraculorum apud sepulchrum eius gestorum exscitati: Sed quia singulorum textus recensere, esset eandem cantilenam canere. Ideo omnis minoris notæ vitæ eius scriptoribus. Ioachimo Bielski, Martino Bielski & Mathia Vbiszewski diligenti eius miraculorum collectore: vnus inclytæ huius familiæ Cisterciën: Professi. Fr. Alberti Tarlouij Monasterij Claræ tumbæ, alias Mogilensis Monachi, ex Chronographis Poloniæ collectam, Diui KADLVBKONIS vitam, religiosumque eius animum contemplabimur. Eximij olim viri & Summi Theologi Andreæ Schonæi, Academia Cracouiensis Rectoris, licentia speciali, Anno Salutis Instauratæ, 1614. in lucē editā. Cuius tenor est talis

H

Sem-

Semper fuit operæ pretium in Ecclesia Dei (attestante id Doctore mellifluo S. Bernardo) vitas & gesta præclara Sanctorum commemorare; vt sint in speculum, exemplum, & quasi quoddam cōdimentum vitæ humanæ super terram. Per ipsorum enim sacra gesta & facta, exemplum vtile posteris datur, ædificatio fidelibus traditur & ars belli in ipsis Christi militibus demonstratur. Licet autem immensa, ac propè infinita Sanctorum ac Beatorum Dei eximiam spirantia pietatem, litterarum monumenta prodire, ita vt sufficiāt ad quodcunq; genus vitæ piè traducendū: nihilominus quia haud rarò euenire solet, vt quis exemplo sui sancti contraneus, cuius Patriam moresque nouit, magis quàm alterius, accendatur: id causæ est, quòd tales à nobis speciatim sunt tractandi & honorandi. Sanè si qua gens alia, nostra præ cæteris Polona, hoc habere videtur,

tur, de quo Deo Opt: Max: cuius solius est beneficium, meritò gratias agere possit ac debeat; quòd ex ea, tanquam ex illo equi Troianorum alueo, tot Sancti ac Beati Dei, ingenti multitudine processère. Vt enim taceam S. Adalbertum, Stanislaum, Cazimirum, tum Hyacinthū, Quinque fratres, Cantium, Simonem Lipnicium, Stanislaum, Costcam, cæterosque plures Sanctos ac Beatos, qui iam olim sunt celebrati monumentis nobilissimorum ingeniorum, ita vt nulla possit eos delere obliuio: nostrum B. VINCENTIVM KADLVBKONEM, haud decebat in latebris delitescere, cuius vita tam extitit gloriosa ac omni pietate refertissima; vt in ea tanquam in patenti & spatiofo prato, venustis odoriferisque floribus confito, diuersarum virtutum flores pulcherrimi, maximeq; odoriferi spectentur & appareant. Præ cæteris autem (non est enim præsentis instituti

plures recensere) virtus humilitatis in hoc Beato instar splendidissimi syderis enituit; quippè qui in lublimi sede Episcopatus Cracouien: Metropolitotius Regni collocatus, spretis honorum titulis, monasticam vitam est professus: sicque ex bono factus optimus, eligens abiectus esse in domo Dei magis, quam habitare in palatijs Principum, nudus nudum Christum secutus est. Habuit hoc iam olim in signis Cisterciensium familia, vt ad illam tanquam ad tranquillum portum salutis æternæ, penè innumerabiles Christi fideles, ex omni statu mundi confugerent; vt haud sciam, an qui infructuosum nobis obiectant otium, seseque solos aliorum promo- uendæ salutis natos destinatosque gloriose prædicant, fructuosius quid vnquam laudabiliusque præstiterint. Hinc etenim est, quod tot Pontifices Infulis depositis, simplicem cum Dei famulis monachatum ducere gaude-

derent. Reges quoque ac Principes (quorum nonnullorum inferius Cathalogum subiiciemus) reiecta gloriæ mundanæ pompa, quidā ex eis monachorū cucullā, alij cōuersorum barbam, cæteri fratrum Laicorum statum eligerent. Horum igitur attractus odore virtutum, horum, inquam pauperum Christi militum, & hic Beatus imitator factus est egregius, se suaque omnia huic sacro Ordini resignando. Estne autem aut fuit multis sæculis in Regno hoc inclyto aliquis, cuius simile factum, cum huius Beati Viri potuerit comparari? qui non iniuria mihi videtur illorum simillimus fuisse, quos olim Christo dixisse legimus. Ecce nos reliquimus omnia & secuti sumus te. Sed quid illi nisi nauiculas & retia piscatoria relinquerunt? VINCENTIVS verò noster, tantos honores ac titulos, repudiandos potius esse duxit, quo liberior Christus sequi posset. Id quod ex

H 3

eius

eius vita, quam breuiter tractandam aggregior, manifestius liquet. Vir hic dilectus Deo & hominibus in latifundio Karwow nobili familia de domo Rosarum oriundus, Equitis Poloni Boguchwalij & matris Bognae filius fuit; qui ab eisdem parentibus auitae & Christianae religionis ac pietatis, summa cura & studio in timore Domini educatus, in ipsa iuuentute liberalibus disciplinis est traditus. In quibus ita mirum in modum profecit ut omnes coetaneos suos acri ingenio, & eloquentiae studio (quo inter omnes illius aui Polonos maiorem in modum excelluit) superasse videretur. Tandem aetate maturiori, fontes Sacrae Theologiae pleno postquam ore delibasset; omnium oculos in se conuertit: ad familiaritatemq; magnorum aetate sua virorum, praecipue vero Fulkonis Episcopi Cracouiensis accersitur. Is namque per motus Beati Viri vitae integritate, Diuinarum huma-

humanarumque rerum peritia, consilij maturitate, agendi que dexteritate, Præpositum Sendomiriensem eum instituit: vbi sanè inter reliquos eius Ecclesiæ Prælatos, Vincentius haud aliter atque stella matutina in medio nebulæ emicuit. Vnde fit Fulkone è viuis abeunte, per liberam solius Capituli Ecclesiæ Cathedralis Cracouiensis electionem, idem Vincentius ad Episcopatum Cracouiensem, nemine renitente, Anno Domini 1207. eligitur, ac per Innocentium III. Papam confirmatur: demum per Henricum Archiepiscopum Gnesnensem consecratur. Hic igitur in tanto dignitatis Pastoralis gradu constitutus officium sibi commissum strenuè aggressus, ab officio pietatis, & cultus diuini cura illud exorsus est. Etenim non contentus, quod plurimorum egenorum prouisor, debilium curator, pupillorum Patronus, viduarum & personarum afflictarum & oppressarum

rum protector indefessus fuerit, quod ingenia fœlicia adolescentum fouerit: plurimum liberalitatis, plurimis Ecclesijs, tam ex bonis mensæ Episcopatus sui; quam (quod magis est) de proprio & hæreditario patrimonio præstitit. Ecclesiæ namque Kielcensi, protunc exiguos prouentus habenti, in honorem Beatissimæ Virginis MARIE fundatæ decem præbendas attribuit & donauit. De bonis verò paternis Cōuentui Andreouienfi, à Ioanne Episcopo Wratislauiense & eius fratre de Armis Gryphonum erecto & fundato, villas Czernikow, & Soyczow in præsentia Henrici Archiepiscopi Gnesnen: Gedeonis Plocensis, Ogieri Cruswicensis, Episcoporum in perpetuum donauit. Insuper Conuentui Coprzywnicensi duas villas itidem paternæ hæreditatis, Niekisiałkę & Karwow iure perenni dicauit: anathemate graui contra nepotes ex fratre suos; scilicet Bogu-
fla-

flaum & Suliffaum, interposito, ne bona præfata Ecclesiæ collata, adimerent, tantæ autem authoritatis, dum adhuc Præpositum Sendomiriensem ageret, apud Lesconem Albū Monarcham Poloniæ, B. Vincentius est habitus, ut eidem custodia & officiū Oratoris, in reducenda ad Regnū Haliciæ B Salomea filia eiusdē Polonorum Monarchæ, delegaretur. Summa itaque cum laude, spatio decem annorum Ecclesiæ Cracouiensi præfidens, de eademque & Regno Poloniæ optimè meritis vita sancta monastica præ opibus Episcopalibus electa, impetrata ab Honorio Summo Pontifice Romano licentia simul atq; se Episcopatu Crac. abdicat, ac Monasterium Andreouienſe Ordinis Cisterciensis ingreditur, susceptoque habitu ac probationis expleto anno, eandem Regulam profitetur. Vbi sub Regulari disciplina in maxima vitæ austeritate, obedientia, humilitate, ieiunijs, vigilijs, assiduis orationibus

quinquennio commorans; plurimis cœpit
clarere virtutibus & miraculis. Vnum hîc re-
ferre licet. Cùm quodā tempore fratres de mo-
re Vigiliis Matutinas canerent, Vir Dei altæ
orationi ac cœlestium meditationi intentus,
in sua cella se continuit. Quod dum Abbas
cum fratribus aduerisisset; sciscitari cupiens,
quid Beatus in cella conclusus ageret, rima
per fores concipatus, Virū Dei immenso cir-
cumfusus lumine genibus flexum, & extra se
quasi raptum conspexit: nihilque horum fra-
tribus indicās, & visione hac, & cæteris donis
Beato collatis, summoperè lætabatur. Tum
vir Dei ex illa meditatione ad se rediens, è cel-
la egressus, Abbatē supplex precatur, vt negle-
cti diuini officij, sibi veniam daret. Abbas ve-
rò vt potè quem res ipsa non latebat, culpam
hanc facillè dimisit & fratribus ne eidem in a-
liquo molesti sint mandauit Volens autē Præ-
sulpius gratificari genti Polonæ & egregia
ipfius

ipsius facta ab obliuione memoriæ vindicare,
Chronicon Regni Poloniæ (quod nullus ante
eum fecerat) alto contextum stylo, in modum
Dialogi conscripsit, opus certè vtilissimum,
quod huius temporibus nuper est impressum.
Tantis igitur ornatus virtutibus, & donis, æta-
te matura, pluribus laboribus in vinea Domi-
ni superatis, dierum bonorum & operum plen-
nus, Sacrosanctis Sacramentis summo cum
desiderio ac deuotione susceptis, lætus animā
puram in manus Creatoris sui reddidit. Anno
à salutifero Virginis partu 1223. die 8 Mensis
Martij sepultus in eodem Monasterio in choro
templi ante Altare maius, cum in sculpto Epi-
taphio in hunc modum:

Hic iacet illustris VINCENTIUS KADLVB-
KONIS de Villa Karwow. de Armis Rosarum,
Vir acris ingenij, Diuina & humana literatu-
ra insignis, ex Præposito Sandomiriensi Anno
Domini 1208. per Capitulum in Præsulem Cra

couienſem electus, per Innocentium III. Papam confirmatus, & per Henricum Archiepiſcopum Gneſnen: conſecratus. præſedit annis decem. Demum obtenta licentia ab Honorio Papa renunciando Episcopatu, Religionem Cisterciensis Ordinis in Monasterio Andreouienſi proficitur, atque ibi ſub Regula in Obſervantia Luſtro vno exacto, Chriſto Chriſti miles ſpiritum reddidit, & in medio chori corpus eius à fratribus terræ commendatur Anno Domini 1223. 8. Martij,

Ca.

CAPVT QVINTVM.

De Abbasibus Monasterij Andreouensis, sub quibus & Ordo Cisterciensis in Polonia restoruit, & Sanctitas Diui Patris VINCENTII KADLVBKONIS, Orbi Sarmatico innotuit.

Postquā Orbi Christiano, sanctitas Diui Patris Bernardi Ordinis Cisterciensis institutoris, eiusq; sequacium innotuit, statim odor virtutum, & cōuersationis illorū probatissimæ, ad nostras quoq; Aquilonares partes peruenit. Religiosissimusq; Antistes Gnesnensis, uti iam supra diximus, è Burgundia euocatos, (in bonis suis hæreditarijs Brzezink dictis, pro illorum stabilitate, templo & Cænobio extructo) in Poloniā nostram induxit, & ita Principibus ipsis cōmendauit, ut

breuitēpore in vtraq; polonia, tā Maiore quā Minore, aliquot Monasteria possiderent.

Primus itaque Abbas Brezinenſis ſeu Minoris Morimundi (nam Andreouia oppidum, tunc temporis nondum exſtabat, ſed ab Abbate iſto in fundo Brzezinenſi designatum, primordia ſua habere cœpit) fuit VIRRICVS GALLVS, Vitæ probitate & eruditione inſignis. Quamuis Chriſoſtomus Henriquez Ordinis Ciſtercien: Hyſtoriographo ſcribat, primum Abbatē Andreouiſem fuiſſe Nicolaum quendā Burgundum. Sed is fuerat, ſenior Frater Sodalium in Poloniam ad recipiendam fundationem miſſorum, non Abbas formalis, qualis fuerat Virricus ſtabilitate Religioſorū iam firmata, & clauſtro exſtructo.

Secundus Abbas fuerat THEODORICVS GALLVS, Cuius tempore, Beatus Vincentius Epiſcopatu reſignato, primus ex Polonis Sacrum Ciſtercienſem habitum ſumpſerat.

Nam

Nam omnes tunc Fratres vel Gallicæ, vel Germanicæ nationis fuerant. Eodem Abbate regimen Monasterij tenente duæ aliæ Abbatiæ & Monasteria scilicet Ciricense in Polonia (Cuius Fundator Theodorus Palatinus Cracouiē: de Armis Grifonū extitit) Año 1234. & Raudēse in Silesia cōstructa sunt, ad quæ tūdāda & in colēda Fratres ex Cōuētu Andreouienſi seu Brezinenſi dati sunt & miſſi. Vnde Monasteria prædicta filiæ Monasterij Andr: dicūtur, à quo originem ducunt. Erectū quoq; est hac ætate Monasterium Suleouiēse & Vachocēse Ord: eiusdē Cister: diuersis tamē annis & tēporibꝯ.

Tertius Abbas GARINVS GALLVS, sub quo nullus adhuc Polonus in Religione ista fuerat, præter supradictum B. Vincentium Monasticā austeritatē cunctis abhorrentibus.

Quartꝯ Abbas Minoris Morimundi fuerat HVGŌ, itidem Gallus, sed cuiꝯ sub regimine multi iam Alemani fuēre.

Quin-

Quintus IOANNES, nescitur cuius nationis, sed qui iā Andreou: Abbatē se esse scribebat, impetrato Priuilegio pro ciuitate sua Andre: à Boleslao Pudico Principe Poloniæ & Kungunda cōsorte sua, fæmina sãctissima, quaten⁹ incolæ ei⁹ vti possēt iure Theutonico secundū vsum & cōsuetudinē aliorū oppidorū Poloniæ.

Sextus Abbas fuit cognomēto DR O G O.

Septim⁹ WIARDVS, cuius fit mētio in Monasterio Andr: quolibet año 18. Decembr: in libro mortuorum.

Octauus Abbas Andr: GERALDVS THEVTO.

Nonus REINERVS cuius obitus memoria fit. 12. Kal. Iunij.

Decim⁹ nomine FRANCO. qui in Vigilia SS. Apo: Petri & Pauli obiit, Anno Salutis 1357. sepultus in capitulo.

Vndecimus GVILHELMVS, qui Priuilegium libertatis ratione possessionum à iudicibus Palatinis Castellanis, & quauis alia Iurisdictione, à Cazimiro Magno impetrauerat. Duo

Duodecimus GERALDVS, qui obiit Anno Domini, 1373. Maij die 7.

Decimus tertius ARNOLDVS natione GALLVS.

Decimus quartus VILHELMVS Germanus.

Decimus quintus, GERAMVS.

Decimus sextus, BERTRANDVS.

Decimus septimus CONRADVS, quem successores fundatorum huius Monasterij, heredes de Michow violenter inuasert, Monasteriumque spoliauerant. Sed à Vladislao Iagellone Regè pientissimo, cum suis complicibus fuerant puniti.

Decimus octauus Frater IACOBVS, qui multa bona monasterio fecit.

Decimus nonus ADALBERTVS POLONVS de Przyłonk doctrinâ & probitate conspicuus, quamuis vltimus in ordine congregationis suæ.

Vigefimus Fr. PETRVS electus Anno
1422.

Vigefimus primus NIEWSTOMPIVS qui
Concilio Bafilienfi interfuit, & à Concilio-
vltum Mitræ impetrauit, vt pater ex Priuile
gio, dato Bafilæ 7. Idus April. 1442.

Vigefimus fecundus NICOLAUS ODRO-
WVNSCH, pro tempore Liber Beneficiorum
à Ioanne Dlugofio Canonico Cracouiensi
conscriptus fuit. Et omnes Abbates. Cifter-
ciensis Ordinis in Polonia contribuebant,
pro eliberando Monasterio Cifterciensi à de-
bito contracto; hoc enim onus totus Ordo
fufceperat. Præfedit hic Abbas annis quin-
quaginta, cum laude & vtilitate Cœnobij
fui, obiitque in bona fenectute. 1496. No-
nis Martij.

Vigefimus tertius fuit IACOBVS MICHOWSKI, de Armis Vulpium, eiusdem domus
Profeflus, quia hactenus nullum extraneum

Ab-

Abbate Andreouienſe Monafterium habuit. Quinimò è medio Fratrum aſidue Sczyri- cenſi Monafterio Abbatem designabat tan- quam ad Coloniam à ſe locatam gubernan- dam. Cumque Abbas iſte prænominatus multa bona Monafterio Andreouienſi, in quo omni pietate inſtitutus fuerat, feciſſet; & bona ſua hereditaria eidem attribuiſſet; tan- dem Stanislao Potocki Profeſſo eiufdem Cœnobij Abbatiam Sedis Apoſtolicæ licen- tia reſignauit. Ipſe verò Suffraganeus Vil- nenſis factus, ſub Sigismundo I. Rege Polo- niæ, à Leone X. Pontificalia exercendi pote- ſtatem impetrauit.

Vigefimus quartus Abbas Andreouien- ſis STANISLAVS POTOCKI, fuit. Cuius tempore Liber Retaxationum initium ha- buit. Anno 1520.

Vigefimus quintus ADALBERTVS CLO- DAVIVS. vir bonus & religioſus, qui præfu-

it annis 30. multaꝓue Priurlegia & Confirmationes à Serenissimis Regibus, Sigismundo Primo, & Sigismundo Augusto impetrauit.

Vigesimus sextus IOANNES IANOWSKI, qui primo Abbas Sciricensis fuerat, sed liberâ electione Fratrum ad regimen Abbatiale Andreouiam vocatus, in locum suum de cõsuetudine antiqua Petrum Borowski Priorem Andreouensem, Abbatem Sciriciensem fecit.

Vigesimus septimus STANISLAUS BIALOBRZESKI, opera fratris sui Martini Białobrzeſki Abbatis Claræ tumbæ per Regiam Maiestatem promotus, & hic vltimus iam fuit Abbas Andreouensis, ab eius enim obitu Commendatarij cõperunt esse.

Primusꝓue Commendarius fuit STANISLAUS RESCIVS Canonicus Varmienſis, & Decanus Varſouienſis, per Serenissimum Stephanum Regem, pro hac vice tantum

tum datus. Vir præclaræ vitæ, & eximie doctrinæ, ut ex scriptis illius prælo vulgatis patet. Hic antea fuit amanuensis, & domesticus, Magni illius Cardinalis, Stanislai Hosij: cumque illo interfuit, toti ferè Concilio Tridentino, quod annis octodecim duravit. Moriens tempore Iubilei Romæ 1600. Bibliothecam suam Clericis Societatis Iesu legauit, quam sibi Neapoli instructissimam comparauerat, Internuncij Regij personam ibi longo tempore agens, & manuscripta Hosij ac sua Academiæ Cracouien: consignauit.

Secundus Commendatarius Abbatiae Andreouienfis fuit, BARTHOLOMÆVS POWSINSKI, per Summum Pontificem Clementem VIII. Serenissimo Regi Sigismundo III. commendatus. Qui itidem Internuntius Reginus Neapoli mansit.

Tertius Commendatarius ADAMVS MAKOWSKI, qui itidem Neapoli Nuncius

Regius mansit, & anno quidem non expleto in officio illo, legationem ad Regem Catholicum suscepit, & in Hispania in itinere mortuus est.

Quartus Reuerendis. REMIGIVS KONIECPOLSKI EPISCOPVS CHELMENSIS, qui ossa Beati Vincentij Kadlubconis ANNO VERBI INCARNATI 1633. subleuauit, & loco honoratiore, exstructo Mausolæo marmoreo publicâ authoritate reposuit. Cuius sacrum corpus per annos 410. in Choro Præbyterij olim à Fratribus humatum, requieuit, magna cum opinione sanctitatis.

CAPVT SEXTVM.

De modo & processu Subleuationis ossium Serui Dei, VINCENTII KADLVBKONIS.

Motus itaque pietate & zelo feruenti erga Diuum Vincentium, eximius Antistes

tistes Remigius Koniecpolski, Abbatiae Andreouiensis perpetuus Administrator, petit à Loci Ordinario ut moris est licentiam inferipto, quatenus sacros eius cineres, possit subleuare, quos cōtinuis miraculis corruscare videbat. Et obtinuit, in hunc ferè sensum.

Illustrissimo & Reuerendiss: Dño Remigio Koniecpolski Dei Gratia Episcopo Chelmeni, Abbatie Andreouiensis Administratori. Petrus Gembicki Decanus Crac. Custos Gnesnen: Sede vacante Episcopatus Cracouiensis Administrator, &c. &c.

Exponi nobis fecit Illustrissima & Reuerendissima Dominatio vestra, constituissè in animo, pie memoria Reuerendissimi olim VINCENTII KADLVBKONIS Episcopi Crac. ante aliquot centena annorum in Domino defuncti, & in Monasterio Andreouensi sepulti ossa

ex sepulchro illius leuare, & in honestiorem locum deponere, modo ad præmissa Cels: V. consensum nostrum præbeamus, Desiderio itaque & pia intentioni Cels: V. satisfacere volentes Authoritate Ordinaria quâ fungimur hac in parte Illustrissimæ Cels: V. facultatem damus, memorati Reuerendissimi olim Vincentij Episcopi Cracouiensis sepulchrum aperiendi, & ossa illius leuandi, ac in honestiorem locum deponendi, ita tamen ut id priuatim, & sine sollemnitatibus circa leuationem ossium Beatificandorum fieri solitis, fiat, personæq; seculares tum temporis indè excluduntur. In fidem maiorem præsentem manu nostra subscriptas Sigillo communiri iussimus. Dat. Crac. die 21. Mensis Iunij A. Dñi Millesimo Sexcentesimo Trigesimo Secundo.

Locus ✠ Sigilli.

Petrus Gembicki Decanus Crac. Admini-
strator Episcopatus eiusdem. m. p.
Die

Die itaque 26. Aprilis Anni sequentis, vti supra præmonuimus 1633. per Reuerendum virum P. Fridericum Szembek Societatis Iesu Præsbyterum facta inquisitio loci, in quo sacrum pignus reconditum fuerat. Primoque penes parietem, ossa ipsius perquisita fuerunt, vbi Epithaphium in lapide secto scriptum illi erat, & effigies habitu Episcopali exsculpta. Deinde in tumulo, ante altare maius, in medio choro lapide ingenti clauso: in quo eiusmodi litteræ exaratae conspiciebantur. HIC IACET VINCENTIVS KADLVBK EPISCOPVS CRACOVENSIS MONACHVS ANDREOVIENSIS.

Igitur magna cum lætitia omnium, sub Vesperum, lapide amoto, resplenduit conditorium, instar arcæ ex lateribus, nullo interiecto cæmento exstructum, & in eo Diuini viri corpus, magna ex parte integrum, suauissimum odorem spirans, ornatum Pallio

L

Archi-

Archiepiscopali, quo Episcopi Cracouienses, amisso titulo & prærogatiua Archiepiscopali, in præsentem vsque diem solennioribus festiuitatibus vtuntur. Terra itaque, cautè remota, & olsib9 vino lotis, omnes reliquæ vasis vitreis impositæ, & in arca per eundem P. Szembek sigillis obfignatæ in præsentia multorum fide dignorum virorum in armariolo Sacrarij ad tempus repositæ sunt; donec Illustris. & Reuerendis. Remigius Koniecpolski, ex sua Chelmenfi Dioccesi reuerteretur, & interim necessaria actui translationis præpararentur. Et quamuis perillustris Dominus Administrator Episcopatus Cracouiensis voluerit subleuationem reliquiarum eximij huius sancti priuatim peragi, & secularibus personis exclusis, mirabilis attamen Deus in Sanctis suis, qui serui sui Vincentij solutum vinculis corporis spiritum, stola immortalitatis induit, & ad consortium peren-

perenne, diuinitatis fruendæ admisit, non est passus amplius sacros eius cineres ignobiles latere, sed etiam tacentibus Monachis, pluribus, ac continuis miraculis, tanquam voluntatis suæ appositis signaculis, & euidentissimis amoris pignoribus, quibus sanctitatem eius in ipsa subleuatione cinerum eius attestaretur, corruscare voluit, mentēq; pijs ac Religiosis viris indidit, qua permoti, etsi non rogati quodam euentu ad actum tam solennem conuenerunt, & Benedictum nomen Maiestatis Diuinæ, cum in alijs Sanctis, tum in illustratione & gloria Eximij Antistitis Diui Vincentij Kadlubconis, adorantes collaudauerunt.

CAPVT SEPTIMVM.

*De Translatione Sacrorum Cinerum Eximij
Serui Dei, VINCENTII KADLVBCONIS
in eum locum, qui nunc è marmore, eleganti ope-
re & artificio elaboratus conspicitur, statu-
am Diui, ante Altare Crucifixi, decum-
bentem, spectandam exhibens.*

REbus itaque ad solennitatem festiuitatis præparatis, die 19. Aug. Anni eiusdem 1633. In Vigilia Sancti Patris Bernardi Patriarchæ huius, inclyti Ordinis Cisterciensis; sub cuius vexillo Seruus Dei Vincentius, muneri Pontificali renunciato, vitæ suæ residuum in maxima sanctitate exegit; sacra illius ossa, post decantatas Vesperas à Fratribus, ex Sacratio, vbi hætenus honorificè asseruabantur, ex illa arca, in qua vasis vitre-

vitreis imposita, sigillis communita fuerunt, per Illustrissimum Antistitem Remigium à Koniecpole, ad plumbeam tumbam transposita, & in Mausolæum ex marmore eleganter præparatum imposita, ac sigillis denuo communita, ferreisque laminis benè obfirmata. Præsentibus cum ipso Illustrissimo omnibus Patribus ac Fratribus eiusdem Conuentus, quos singulos recensere longum esset nimium: sed in tabulis Monasterij specificè sunt adnotati omnes. Similiter & extranei seu aduenæ ad hunc actum vltro accurrentes. Quod ex instrumento quoque à Notarijs Publicis ob fidē & perpetuitatē actus confecto, facilè quisque pernoscet; quod hic appono, Epigraphæ marmori incisa prius adnotata.

✱ HIC ✱ OSTENTVM ILLVD HVMI-
LITATIS CHRISTIANÆ, VENERABILIS
SERVVS DEI, VINCENTIVS KADLVB-
KONIS IN PACE QVIESCIT.

Qui in villa Karwow è Nobili Rosarum stirpe natus: primum Præpositus Sendomiriensis, deinde Cracouiensis Antistes; per Annos fermè XII. mira in Deum, diuosque pietate illustris: & munificentia in Ecclesias, Monasteriaque celebris: Annalium huius Regni Scriptor ex nostratibus primus omnium fuit. Et tandem monente & mouente Deo, Christum in contemptu sui continuo sub obedientiæ sanctæ iugo, imitari desiderans, dignitatem tantam (exemplo raro, & sæculis omnibus memorando) cum facultate Honorij III. Pontificis Maximi, sponte renunci-ans. Anno Domini 1218. Sacrum Cisterciensem Ordinem, in Monasterio hoc Andreouienfi, professus: post quinquennium sanctè & laudabiliter in statu Religiosò exactum, è stationè vitæ mortalis, tanquam miles bonus, victorijs sui ipsius, cæterisq; admirandis virtutibus clarus: ad Iesum Ducem suum

suum, feliciter commigrauit. Anno Salutis
1223. die 8. Mensis Martij. Cuius pij Cineres,
& veneranda ossa, Remigij à Koniecpole,
Chelmenfis Episcopi, Andreouienfisq; Ab-
batis, & Monachorum eiusdem Monasterij
cura, post annos 410. è priore humili in me-
dio chori sepulchro, terræq; pulueribus, pu-
blicâ authoritate leuata, in loco isto, hono-
rifice sunt condita. Anni 1633. Mensis Au-
gusti die 19.

CAPVT OCTAVVM.

*De Actu, & fide Translationis publica, per In-
strumentum aternitati consecrata.*

In Nomine Domini, Amen.

P*er hoc præsens publicum Instrumentum
omnibus euidenter pateat, & sit notum.
Quo.*

Vita & Miracula

*Quomodo Anno ab Incarnatione Domini nostri
Iesu Christi Millesimo Sexcentesimo Trigesimo
Quarto. Indictione secunda S. D. N. Urbani
D. PP. VIII. Anno ipsius Pontificatus, die verò
20. Augusti D. Bernardo mellifluo Doctore &
Ordinis Cisterciensis Patri Amantissima sacra,
Fratribus Conuentus Andreouensis eiusdem
Sanctissimi Patris sui festiuitatem deuotè ac so-
lenniter celebrantibus, inter alia eo ipso die exer-
citia & colloquia Spiritualia inter se conferen-
tibus subiit in mentem subleuationis & Transla-
tionis Reliquiarum Venerabilis Patris Vincentij
Kadlubconis Anno proximè elapso in Ecclesia
istà actus celebris, cuius memoria vt posteritati
extare possit, postulatum est nomine Conuentus à
me tanquam Notario publico, qui præsens rei
gestæ aderam, vt aliqua eius rei nota per me con-
ficeretur. Sciat itaq; lector præsentium in ipsis
exordijs Eratrum Ordinis Cisterciensis hic in
Poloniã aduenientibus vitam præsati Venerabi-
lis.*

His P. Vincentij incidisse, & ex Episcopatu Cracouienſi cui renunciauit Monasticam vitam profeſſum in Monasterio Andreouienſi cum opinione ſāctitatis vixiſſe, cuius rei celeberrimi quique rerum Polonicarum Scriptores latius teſtimonium in ſuis Chronicis ſue Annalibus reliquerunt, ut pote Cromerus, Dlugoffius, ſue Longinus, Miechowita, & plerique alij. Cæterum annis ab obitu ipſius multis elapſis, cum ex aula Clementis VIII. Pont: Max: Rndiſſimus Bartholomæus Powſiński Abbas olim Andreouienſis rediſſet, unde tanti viri ſepulchrum demiratus dignum honeſtiori Mauſolæo exiſtimans propoſuit & dixit, quam primum idem ex marmore ſe velle conſtruere. ſed anno eodem morte præuentus uni ex Fratribus dicti Conuentus nomine Benedicto perficiendi operis ipſa occaſio extitit. Is vero quoniam artem quam in ſaculo didicerat, etiam in Monasterio licitè de conſenſu ſuperioris cum per tempus à deuotione vacare liceret exer-

cuit; ex opere manuum suarum rem quidem humeris suis imparem, sed tamen Diuinâ ut apparet voluntate factam adorsus, cepit Fratres, in primisq; Abbatem ipsum sollicitare, ut Loci Ordinarium adire, ab illoq; facultatem subleuandi & loco honestiori collocandi reliquias defuncti obtinere vellent, offerens se labore manuum suarum sumptus si qui extruendo sepulchro forent necessarij subiturum sine grauamine prouentuum Monasterij qui in hac temporum iniquitate conspiciuntur satis attenuati. Nec mora facultas à Loci Ordinario obtenta, & negotium Patribus certis societatis IESV ab eodem commissum, ut ad locum sepulchri descenderent, & factis faciendis circa similia iuxta ritum & morem Ecclesie Catholicae fieri consuetis negotium id ipsum persicerent, quod quidem eo qui sequitur modo gestum est. Die 26 Aprilis Anni 1633. Patres Societatis IESV. Videlicet Reuerendus P. Fridericus Szembek superior ad S. Barbaram Crac: cum alijs in
 præ-

præsentia Notarij Publici & aliorum ut infra
vno & altero sepulchro magis vicino Epitaphio
Defuncti perscrutato, cum nulla indicia verisimi-
lia apparerent, visum est lapidem cõtiguum qui
erat quippe magnus valde ab ostio monumenti
reuoluere quo sublato monumentum ipsum re-
pertum est, instar Arcæ ex lateribus nullo interi-
ecto cemento extructum, in quo singulare indi-
cium ipsissimum Vincentij corpus esse palliũ Epi-
scopale quo Episcopi Cracouenses in diem hodi-
ernam vtuntur, magna ex parte integer reper-
tus. Terra itaq; quæ corpori defuncti adhærebat
cautè remota reliquæ corporis eius per nomina-
tos Patres Societatis honorificentissimè subleua-
te vitreis amplioribus vasis, ac scrinio benè ob-
scrato in Sacristiæ armario, tantisper donec lo-
cus sepulture honestiori pararetur repositæ sunt
sigillis obsignatæ. Virum stature procerioris fu-
isse monstrabant pleraq; ossa oblonga, & ca-
put a superiori mandibula ad verticem vno &

fermè dimidio palmo altius, reliquum corpus non in pulveres resolutum, sed instar massæ aliquius repertum, in prædictis ampullis repositum est. Ac sublevatione quidem hoc modò peracta, Translatio ipsa in aliud commodius tempus differenda videbatur, donec Abbas ipse Rndissimus Remigius Koniecpolski idemq, Episcopus Chelmensis, qui tunc in Ecclesia sua Chelmensi munus suum Episcopale obibat in Monasterium rediret, & interim necessaria eiusmodi actui & Translationi præpararentur. Interfuerunt autem Sublevationi ultra Patres Societatis ac Fratres Monasterij Andreouiensis cum suo Priore Martino Suleouensi, etiam duo Priores eiusdem Ordinis vnus Claræ tumbæ Albertus Tartonius, & alter Kopriuicensis Simon, Iacobus Chrostkouius I V. D. Canonicus & officialis Curelouensis & in Małogoszcz Præpositus, Nicolaus Sydlonius Iemelnicensis præpositus in Nawarzyce Parochus, sacra Apostolica:

Autho.

Authoritate publicus Notarius ad istum Actum specialiter vocatus & requisitus. Ioannes Zieliński Plebanus in Cierno, & alij complures vicinarum Ecclesiarum Parochi ac Sacerdotes ac alij viri seculares pij & graues.

Die itaq; 19. Augusti eiusdem Anni Vesperis de S. Bernardo cuius festum in diem sequentem incidebat decantatis, aderant prædicti Patres Societatis IESU, quibus negotium à Loci Ordinario erat commissum nec non Rndissimus ipse Abbas, idemq; in primis Episcopus Chelmensis solenniter Pontificalibus indutus multo vicinarum Ecclesiarum & Diœcesium Clero & innumerablem undiq; ex regno confluyente populo comitatus, qui deprompto ex armario Sacristiæ scrinio & sigillis benè in præsentia vnius & alterius Notarij publici reuisis, Clero ac populo inspectante ac Deum in sanctis suis benedicente sacras Reliquias cum suis vasis & Ampullis in aliud staneum ut potè honorificentius scrinium deposuerunt.

runt ac sigillis ipsius Rndissimi Abbatis & Episcopi circumcirca obsignatum, in nouum elegantius monumentum tumbamq, marmoream, non iam in terra sed in pariete Ecclesie excisam imposuerunt, aduolutoq, lapide ad ostium monumenti ferro ac plumbo desuper firmiter serârunt, sermonem ad populum habente Prædicto Rndo Patre Szembek celebritati actus illius seruientē, vitam viri stricte percurrentem, in quo singulare sanctitatis eius signum illud commemoratum est: quod cum senex ætate ingrauescente hora Matutino cōsuetæ in Choro aliquoties non adesset, & quidam ex Fratribus obmurmurassent, sepiusq, hac de re superiorem admonuissent qui quadam vice Fratribus Matutinum in Choro decantantibus ipse exiens ex Choro Vincentij Cubiculum adiit in quo eum orantem luce clarissimâ circumfusus prospiciens rediit in Chorum & assumens aliquos ex Fratribus ut secum irent orantemq, viderent, nec ampliùs sinistrè absenti-

am

Am eius in choro interpretari vel scādalizari velint, monuit. In eodem sermone commemoratum est quomodo Vir Dei ex seculari sacerdote à Capitulo Ecclesia Cathedral: Cracouien: unanimi omnium consensu cum ipse non esset Canonicus ad Episcopatum assumptus & vocatus est, & iam tunc probitatis & sanctitatis suae fundebat odorem. Iam verò dum hæc scribimus à subleuatione seu Translatione Reliquiarum eius, annus integer elapsus est, in cuius decursu quanta indicia sanctitatis eius, quanta bona inuocantibus opem & ad tumultum eius currentibus concesserit Deus difficilè est dicere. Diarius quippè gestorum ad eius Monumentum à Fratribus diligenter conscribitur Qui hac de re melius posteritatem docebit. Illud solum obiter Notandum hinc operæ pretium existimaui à tempore Translationis eius usq; adhuc ne vnā quidem diem abyssse in qua complures homines vel voti exsoluendi vel visitandi eius monumenti causâ ex remotissimis

mis Regni huius partibus turmatim non veniāt, qui singuli Pœnitentia & Eucharistia Sacramento refecti, pleriq; voti compotes Deum in sanctis suis laudantes domos suas redeunt, quorum excipiendis Confessionibus quandoq; decem & aliquando plures Sacerdotes vix sufficiunt. Sed nec illud prætereundum videtur prædictum Patrem Szembek in sermone quem ad populum habuit obiter inter alia dixisse, sciri non posse causas ob quas Diuinâ Maiestas aliquando seriùs aliquando citiùs quàm humano capui par videretur, Beatitudinem sanctorum suorum hominibus soleret reuelare, plerumq; tamen pro necessitate populorum iuxta arbitrium suum id concedere. Quàm verè id ab eò dictum fuerit præsens status rerum in patria nostra docuit. Vidimus enim & adhuc videmus magnas & graues ne dicam extremas necessitates nostras. Magna certè necessitas fuit Interregnum quod diuina bonitate præter omnem spem & expectationem euasimus.

At grauior illa irruentis Moschi sub tempus interregni impetus qui etiamsi propitiante Deo virtute noui Regis Vladislai elisus & retardatus sit, extremam tamen necessitatem nostram quis dubitet appellare, Turca ferocientis rabiem qui non millibus sed myriadibus militum cinctus cum exercitu instructo in persona sua ad excidium Regni istius, interim dum hæc scribimus dicitur aduertisse, & in sinibus Regni à nostris expectatur, hostis dispar viribus nostræ gentis. Valdè credibile Diuinam maiestatem quæ sola scit de thesauris suis depromere, noua & vetera necessitatibus nostris præuisis nouum precatorem & patronum cum hac occasione in Regno hoc inclarescere voluisse, & in hanc usque diem necessitatis nostræ sancti & amici sui beatitudinem quasi in occulto habuisse, ad cuius sepulchrum en hodie cum votis & gratiarum actionibus pro beneficiis per eum à Deo acceptis curritur. Acta sunt hæc in Ecclesia Monasterij Andreouiensis. Anno
*N**die*

die Indictione ac Pontificatu &c. quibus supra.
 Præsentibus ultra innumerabilem hominum
 multitudinem, intra nominatis testibus & nobis
 duobus Publicis Notarijs ad hoc specialiter vo-
 catis & requisitis.


Locus x Signi	Et quia ego Paulus Zyska
Notarij publici	S. Apostolica auctoritate
Sancte Casimire	publicus Notarius premif-
ora pronobis.	sis omnibus interfui eaq;
	ita fieri vidi & audiui ideo in fidem & evidenti-
	us testimonium præsens instrumentum publicum
	manu mea propria confeci & extradidi roga-
	tus & requisitus. Manu propria.

Thomas Oborski Dei & Apostolica Sedis
 gratia Episcopus Laodicensis Suffraganeus Ca-
 nonicus & Sede vacante Episcopatus Craconi-
 ensis Ducatusq; Seueriensis, Administrator
 omnibus & singulis quorum interest significamus
 & attestamur supra scriptum Rndum Paulum
 Zyska esse publicum Sacra auctoritate Apostoli-

Vincentij Kadlubkonis.

85

ca Notarium eiusq^{ue} scripturis & instrumentis
publicis tam in iudicio quam extra plenam sem-
per fidem adhiberi. In quorum fidem &c. Datum
Cracouia die 19. Nouembris Anno Domini 1642.
Thomas Oborski Episcopus Laodicensis qui su-
pra. Manu propria.

Lo  cus
Sigilli.

Confirmata autem sic per scripturam au-
thenticam Actus praefati fide, & solennitate, lo-
cum etiam in quo tot saeculis sacrum istud pignus
conseruabatur, tabula marmorea contexerunt,
& in rei perpetuam memoriam eiusmodi super-
scriptionem apposuerunt.

N 2

Hic

✻ H I C ✻

Q V O N D A M

VIR DEI D. VINCENTIVS KADŁVBKONIS

E X

EPISCOPO CRAC: MONACHVS ANDREOV.

F A C T V S.

PER SECVLA QVATVOR, ET DVO LVSTRA

Q V I E V I T.

CVIVS PII CINERES ET VENERANDA OSSA

EX HVMILI HOC LOCO, AD MAVSOLÆVM MARMOREVM

CVRA FRATRVM

SVNT TRANSLATA: IBIQUE HONORIFICE CONDITA:

ANNO MILLESIMO SEXCENTESIMO TRIGESIMO TERTIO:
MEN: AVG: DIE XIX.

CA-

CAPVT NONVM.

*De Miraculis, ante Subleuationem Cinerum
Diuini Viri VINCENTII KADLVBKONIS
ad Sacrum eius bustum factis.*

QVamuis non indigeant humanis encomijs qui Christi præsentia in cælis fruuntur, nec virtus eorum aliquod testimonium à nobis desideret quæ aulæ cælestis gloria excepta & circumfusa humana præconia & laudes superauit: attamen Christus cum per fideles seruos suos diuersa mortalibus beneficia tribuere soleat, cursum naturæ ordinarium excedentia, ea propter laudare Dominum in sanctis eius, pium opus est. patrataque ab eis miracula, ad posteritatis notitiam transmittere semper in Ecclesia Dei piè fuit obseruatum. Etsi igitur Kadlub-

kus Beatissimus, cuius vitam commemorare instituimus, diuersa Charismata & dona Spiritus S. possideret, multifariasque virtutes, vitæ sanctitatem, mirabilem abstinentiam, propè incredibiles vigilias, precandi indefessam assiduitatem, corporis durissimas castigationes & afflictiones, insigniaque demum miracula dum in terris adhuc esset Deus ad illius intercessionem operaretur atque exerceret: nihil horum tamen ad nos peruenit, partim ob temporis antiquitatem; partim ob deuastationem à Tartaris Cœnobij Andreouiensis; partim verò ob incuriam genti nostræ innatam, qui externa solum modo miramur & propria negligimus: partim denique ob simplicitatem & humilem sui æstimationem Monachorum inibi degentium, qui sanctitatis famam non quærunt, contenti secundum Christi doctrinam & institutum Ordinis sui honestè vixisse. Memores dicti
illi-

illius Saluatoris nostri, quod qui minimum se hic reputauerit maior vocabitur in cælis. Populus attamen innumera illi diuinitus gratiarum dona concessa & ex tot operum miraculis ab obitu eius lucusque non cessantium nunquam ad deprehendum sepulchrum eius accurrere, & in necessitatibus aut periculis vota concipere desistebat. Postea quam & Deus ipse viuorum ac mortuorum Dominus, non est passus sacros eius cineres ignobiles latere, sed plurimis ac continuis miraculis, tanquam voluntatis suæ appositis signaculis, & euidentissimis amoris pignoribus, quibus sanctitatem eius attestaretur, coruscare voluit. Semper igitur parietes pleni fuere appensorum insignium perennis gratitudinis, effigiatorum è cera testimoniorum: semper altare maius, ante quod depositus fuerat resplendebat diuersorum metallorum tabellis multis siquidem mortuis vi-

is vitam, cæcis visum, claudis gressum, & varijs languoribus oppressis ac in maximis necessitatibus constitutis, sanitatem, leuamen, adiutorium, consolationesque Diuus iste impetrabat. Quorum nonnulla ex Monachorum notationibus, qui proximè vixerant discere possemus, consultius attamen ea reticere, quam res dubias proferre putauimus. Non enim ille eget incertis testimonijs priscorum, quem Dominus hodie dum, præclaris operibus continenter illustret. Sed recentioris tamen memoriæ aliqua, & ante subleuationem sacrorum cinerum eius proximè facta adnotabimus libenter.

Anno itaque Instauraræ Salutis 1624. Nobilis Adolescens Balduinus Ossolinus ardentibus exagitatus febribus, iam iam vitam exspirans, per Venerabilem Presbyterum Nicolaum Mrozek, Serui Dei Vincentij Kadłubkonis patrocínio ac tutelæ commēdatus,

tus, voto ad sacrum eius sepulchrum sistendi iuuenem, cum fiducia magna concepto, protinùs meliusculè habere cæpit, & intra paucos dies, qui iam moribundus videbatur, optimè conualuit: missa que per eundem Sacerdotem tabella argentea die 27. Iulij ad tumulum Sancti, beneficium se accepisse testatus est. Quod & Pater eius, Illustrissimus nunc Palatinus Sendomiriensis, diligentissimusque Polonicarum antiquitatum indagator, paulò ante Anno eodem fecerat, cum periculosissimè decumbens, eiusdem Diui precibus, à limine Fati reuocatus fuisset. Exstatu rei testimonium in lamina argentea descriptum, per que eundem supra nominatum Nicolaum Mrozek, busto sacro appensum.

Qui etiam præfatus Mrozek, Præpositus Krzciecanfis, vxorem Nobilis cuiusdam viri, Domini Mleczeko, Sophiam vocatam, in extremis vitæ positam, & iam perceptis Catho-

O

lico

lico ritu Sacramentis, ferè agonizantem, Diuini viri Kadlubkonis Episcopi precibus & patrocinio commendauit, & iureiurando cum omnium astantium maxima admiratione, extemplò conualuisse recognouit, die 28. Augusti Aræ Christianæ 1630. Et ad Diui sepulchrum, cum illa ipsa, benè sana & valente veniens, post peractas gratiarum actiones Deo, & Seruo eius Eximio Vincentio Kadlubkoni, publicè affirmauit. Quod quotiescunque huius Sancti auxilium, siue in proprijs necessitatibus, siue indiuerforum ægrotantium periculis postulauerit, semper à Deo Patre misericordiarum exauditus, efficacissimas consolationes & desideria exoptata obtinuerit.

Sed & Nobilis quædam matrona (Anna Oraczewska de Kalina) non minùs beneficium Sancti huius, se agnouisse apud sepulchrum eius testata est. Cumque manuum
de-

debilitatem, ex diuturnitate morbi sentiret, nec officio suo fungi vllatenus valeret, ad Diui opem confugit; factoque voto visitandi sepulchrum eius, miraculosè statim die 20. Ianuarij, Anno 1630. conualuit.

Nec est quod omittam, puerum rustici cuiusdam ex villa Chorzewy, annorum circiter octo, in cognomine fluuio Nidka submersum, & die sequenti ad templum Monasterij Andreouiensis, à mæsto parente allatum, reuixisse miraculosè in oculis omnium, & qui nunc viuunt Monachorum nonnullorum Cœnobij prædicti, Anno 1593. vt primum ante Crucifixi imaginem in medio templo Diuum ingeminando Vincentium, cadauer exanimè reposuisset. Solebat enim antiqua consuetudine plebs circumuicina, in suis necessitatibus, ad hunc Sanctum recurrere, priusquam adhuc sua ossa subleuata fuissent.

Vnde & molitoris cuiusdam vxor, Agnes dicta, de villa Podlenze, propè Pin-czouiam, per octo continuas septimanas, morbis diuersis, sed phrēnesi præcipuè, ex ma-lignitate febris exagitata, per quendam seni-culum, panem ostiatim emendicantem, Diui Vincentij precibus commendata, iussuque adire bustum eius sacrum cum deuotione, illicò sanitatem recepit, & paucos intra dies non modò sana & lætè, sed miraculosè etiam robusta & valida, cum marito suo, pedes ad Diui Sepulchrum venit, peccata expiauit, & glorificans Deum in Sanctis eius domum su-am abiit. Anno 1633. die Ianuarij 20.

Similiter & Honeſta Agnes Pilchowa, de villa Slupia, die Febr : 7. anno eodem, du-os paruulos filios suos, morbo epileptico la-borantes, ad Diui sepulchrum sistit, sanita-tem eis impetrat; & beneficij accepti memor-quotannis Monasterium Andreouienſe, fa-cros

croſque Serui Dei cineres, vna cum liberis inuiſit.

Eodem quoque anno 1633. die 18. Febr. Nobilis Thomas Brzeźniański è famulatio Reuerendiſſimi tunc Remigij Koniecpolſki Episcopi Chełmenſis, & Abbatix Andreouiſis Adminiſtratoris grauiſſimo, dentiũ dolore exagitatus, ad opem Serui Dei confugit, ac ſacrum Miſſæ ſacrificium pro peccatis ſuis fieri procurauit, ſtatimque intra Miſſæ celebrationem cruciatu doloris liberatus, ad rei memoriam, & gratitudinis perpetuum monumentum, ſeriem facti laminæ argenteæ inſcribi iuſſit, & ad ſepulchrum Diui appendit.

CAPVT DECIMVM.

*De Miraculis, sub ipsum tempus subleuationis
Cinerum Diui Vincentij Kadlubkonis,
factis.*

ET si passim nobis diuinâ bonitas San-
ctorum confert patrocinia quos pro
nostris culpis intercessores implorare
non dubitemus, diuersisq; Prouincijs, di-
uersos largitus sit Tutelares generatim & cõ-
muniter honorandos attamen particulari-
bus quoque locis, speciales quosdam attri-
buit Patronos ac defensores, specialiter &
propensius amplectendos à fidelibus, & exo-
randos è quibus Andreouiensibus quoque
& vicinâ vniuersæ Seruum suum Vincenti-
um Kadlubkonem, Præsidem adhibuit di-
ues in misericordia Dominus. Cuius suffra-
gijs,

gijs, vt plebs vniuersa, ita & Monasticæ vitæ cultores innituntur, qui pro Regum incolumitate, & totius Regni stabilitate, atque eorum, qui curis Regni distinentur conseruatione, Deum omnipotentem deprecantur. Ad comprobandum igitur quanti meriti, quantæque sanctitatis inclytus hic Confessor sit, noluit pius Pater cælestis occultum manere, quod apud illum non latebat, sed fieret hominibus quoque exploratum, quanta gloria ille polleat in cælis, ad cuius suffragium tot & tanta miracula, nostris adspectibus sine exposita vult fieri in terris. Post horas itaq; Vesperarum à Monachis decantatas, vt ossa Serui Dei fuerunt subleuata (quod accidit die 19. Augusti Anno Domini 1633.) Sacerdotesque illi, qui ad hunc actum solennitatis fuerunt ab extra aduocati, ad sua diuersoria in oppidum abiissent honestus vir Matthæus Gozdowski domi suæ decumbens, audiro à
So-

Sodalibus Franciscanis de Obseruantia, sublatos esse certis cerimoniaj sacros cineres Diuini viri, forèque crastina luce deuotionem solennem, Venerationis illius causâ, quasi è somno aliquo dulci, à diuturna ægro- tatione euigilans, statim verbis conceptis votum emisit, se velle pedes ire ad deuotionem illam, qualis qualis valetudo tunc acciderit & toto corde sperabat eius pia intercessione se die crastino saluum & incolumem futurum. Res mira, in qua Numinis fauorem agnoscas, vix verba finiuit, statim febris illa, quæ eum diuturno tempore quatiebat, doloresque capitis insoliti quos miser diu noctuque assiduo perpetiebatur cessauere. Et ille in pedes erectus, facta gratiarum actione Deo Præpotenti, cibum ad reficiendas vires alacriter sumpsit, dieque sequenti, prædictam abiit, grauedinem quâdam in capite velut à multo somno sensit, sed
vbi

vbi templum intrauit, & Diui sepulchrum
adspexit, statim omni dolore, grauedine, ac
debilitate liberatus fuit. Quapropter gratijs
immortalibus pro tanto beneficio redditis,
mox filium suum Ioannem phtisi intereà
temporis laborantē aduocare iussit & eidem
benignitati Diuinæ, atque tutelæ S. Vincen-
tij commendauit. Qui mox accurens, simili-
ter eius ope, vt & pater suus, incolumitati
redditus, toties deinceps sacrum tumulum
veneratus est. Crescentibus siquidem in di-
es miraculis ibi in tantum per vniuersam Po-
loniam nomen Diui Vincentij inclaruit, vt
populum cōcurrentem Ecclesia capere non
valeat, Monachi que nunc de dilatando cho-
ro templi cogitent. Etenim statim á suble-
uatione ossium illius quocunq; genere mor-
bi vexati tenebantur, celerem eius suffragijs
reportabant salutem. Nec enim Christus
Dominus lucernam suam sub modio diutiùs

P

late-

latere passus est, sed magnalia Dei, per vicôs villas, & oppida, vox publica personabat. Morbus & tempestas, fames & annonæ caritas, grando & sterilitas, insolens miles, & noxia vis procellarû, ab hac regione emigrasse videntur, quæ antea sæpius solum Andreouienne damnosa infusione populabantur.

CAPVT VNDECIMVM.

*De Febricantibus, per merita Serui
Dei sanatis.*

PROMulgatâ famâ subleuationis Lipsanorum Diui Vincentij, populus ad sepulchrum illius, turmatim cæpit in suis necessitatibus confluere: alij Dei gratiam adipisci, alij contagia euadere peroptantes. Atque ita quotidianis horis vel momentis Christi gloriâ per eum, de sanitatis beneficijs splen-

splendefcente, reuertebantur ſuo potiti optatæ ſalutis defiderio. Surdis auditum, cæcis viſum, mutis loquēdi officiū, claudis grefſū, paralyticis curationem membrorum; denique omnibus omnia, per eius interceſſionem Pater miſericors largiebatur. Sed & hodie ad locum ſepulturæ eius diuerſa fiunt, eaſque creberrima, miracula, operante Ieſu Chriſto Dei Filio, quorum nonnulla in Febricantibus ſanatis exhibita, pro captu virium, vt à Monachis conſcripta habentur, in laudem & gloriam Præpotentis Dei, recensere inſtituimus.

Anno igitur 1633. Honeſtus Ioannes Kardasz ciuis Andreouienſis, in opinatò febrì maligna & Peripleumonia correptus, omniumque membrorum dolorem ac debilitatem ſentiens, preſbyterum aduocari rogauit, & ex emologeſi ſacra præmunitus quid de ſe vniuerſi Imperator ſtatueret paratus ex-

pectare voluit. Sed quia nocturno tēpore tarde Sacerdos veniebat, & ille angustijs morbi vndiq; oppressus certam sibi imminere iam vitæ metam videbat ad Diui Vincentij auxilium confugere decreuit, illoque suffragatore Numen Diuinum placare. Quem vt pio affectu ingeminauit confestim ad se venientem luce ingenti circumfusus vidit habitu quidem Pontificio, sed quem desuper alba toga Monachalis contegebat. His verbis se consolantem. Ne dubites fili, mox conualesces. Et hoc dicto disparuit. Æger verò, visione tam læta & iucunda recreatus, derepente sanum se & incolumem sensit. Primoque mane ad sacrum eius tumulum veniens Monachis visionem illam narrauit, Sacrumq; de SS. Trinitate fieri rogauit; & Mnemosynon agnitæ beneficentiæ, melioris metalli tabelam, Diui Confessoris tumulo appendit. 17. Augusti.

Anno

Anno 1634. Nobilis Alexandra Krzencka de Gozno, febri maligna laborans, Diui Vincentij sepulchrum visitaturam se promissit & è morbo tam periculoso eius intercessionem euasit. Quapropter Gratiarum actionibus redditis, gratitudinis monumentum, tabula argentea ad tumulum eius sacrum appensa, supplex reliquit 10. Septembris.

Anno 1633. Frater Benedictus Professus Conuentus Andreouienfis more Religionis Conuersus dictus, febri ardentissima capitique doloribus maximis tota nocte laborans ad Diuum Patronum suum Vincen-tium Kadlubkonem primo mane confugit, & Sacro Missæ officio audito, gustauit de vinò illo quo Sancti ossa abluta fuere: sensitq; quasi manuleuari de toto corpore suo, præcipuè verò de capite grauedinem quandam, & super induci refrigerium suaue & sanitatem. Hic Andreouiæ in oppido natus,

cum puer adhuc Scholas frequentaret, sæpe-
fæpius duos Religionis Cisterciensis Mona-
chos per somnium sibi comparere videbat
(vbi ipse credit, Beatum Vincentium & Bea-
tum Nicolaum, primum Superiorem con-
uentus huius Andreouiensis) persuadentes
sibi continuò vt Religionem istam ingrede-
retur. Euigilans puer, referebat somnium
aliquoties matri, quæ non modo dissuadebat,
sed & hortabatur etiam filium; melius inqui-
ens fieri Sacerdotem, quam Mechanicum ali-
quem agerè. Spreuit ille, vti puer monita
Matris & Sanctorum iteratas per somnium
visiones. Sed paulò adultior factus, Mensa-
torumque artificio deditus, fit breui lignifa-
ber egregius. Stimulante attamen conscien-
tiæ assiduâ sineresi, ingreditur Ordinem
Cisterciensem, Claræ tumbæ, propè Craco-
uiam & fit nouitius Conuersus. Vbi cum
toto probationis anno iuuaret in laboribus

artifices quosdam Germanos in Monasterio illo Sculptro nescio quid elaborantes non modo artem ab eis ingenij sagacitate percepit, sed & Magister illorum breui factus est. Tandem die professionis adueniente, habitum deposuit & licentiam abeundi à superiore petijt cogitans animo se posse commodius in sæculo viuere quam in Monasterio, præcipuè callens iam artem & lignariam & sculptoriam. Dimissus itaque, redijt Andreouiam, quæ patria sibi erat: cæpitque cogitare de statu vitæ, & arte, in quali commodo loco exercenda. Cum interim dormienti comparent per somnium duo illi Religiosi Cistercienses, quos antea, sæpius videre solebat, & inter se ratiocinantes quærent vbi nam sit illè homo. Tum vnus ex eis dixit pollice eum monstrando, ecce est habitu sæculari. Cui respondens alter. Verè factus est filius diaboli. Quo audito, consternatus ille, cui-

gilat

gilat è somno, & è lecto se proripiens neminem quidem videt, sed timore ingenti percellitur, ruminans intra se diligenter, cur diaboli filius fuerit appellatus. Quapropter re-collecto animo, genibusque flexis votum ferò concipit, & vt primum illuxisset, aditum se Monasterium & petiturum ingressum religionis animo sincero spondet. Interea recitatis precibus, quas memoriâ tenebat, iterum se ad quietem componit; & vt primum in dulcem prolabitur somnum, ecce turmatim Spiritus maligni adsunt, & cur votum religionis fecerit minaciter increpant, nisi que redire ad sæculum, voluerit, varijs modis nocere promittunt. Addunt & blanditias varias, prosperitatemque in omnibus pollicentur. Perterritus ille visione tam horrida & consternatus exanguis fere totus se ad preces prouoluit & Domino Deo commendat, propositumque suum seruiendi in
Reli-

Religione amplius non mutaturum se promittit; atque ita in oratione vsque ad diluculum perseuerat. Et sole orto, recta cum sua intentione ad Monasterium pergit: vbi hominem sibi benè antea cognitum ad portam claustrī reperit, qui diligenti perquisitione sciscitatur à iuvene, quid nam hic velit, & cur adeo tempestiuè ad portam Monasterij venerit. Respondet ille vt sacræ huic Congregationi Monachorum adnumerari valeam. Cui bonus ille vir, cæpit multis rationibus, ne id faceret dissuadere faustos successus lætosque dies atque fortunam ingentem famamque ex arte quam callebat promittens. Cui hic nihil regerens, cogitauit intra se ipsum esse oratorem illorum Spirituum malignorum, qui idem fere per somnium, illudentes ei, suis persuasionibus adferebant. Interim prodeunte è camera quodam ex Conuersis Fratribus, de Superiore serio quærit

Q

grauī

gravi in negotio quodam volens eum allo-
qui. Conuersus respondit, Superiorem in
templo nunc esse, & forsan ad altare sacra fa-
cientem. Intran igitur templum vterque
& post factam, adorationem Sanctissimi Sa-
cramenti, videt secularis iste sepulchrum Di-
ui Vincentij ante altare maius lapide vetusto
coopertum & quærit à Fratre illo Conuerso
quod nam esset monumentum illud & cui
erectum? Respondet Conuersus, esse monu-
mentum Episcopi Cracouiensis qui resigna-
to Pontificatu, Monachum agebat, & hic in
Religione mortuus pro sancto habetur. Tū
ille intra se, Si Episcopus Cracouiensis tanta-
rum possessionum ac reddituum Dominus, re-
lictis diuitijs & dignitate se pauperem Mona-
chum fecit, cur non & ego me, qui vilis con-
ditionis, & pauper sum? Atque ita factus
Monachus & Professus sepulchrum Diui
Vincentij tanto in honore semper habuit, vt
nuf.

nusquam illud pedibus conculcare ausus fu-
erit quamuis omnes alij Fratres eo indiscri-
minatim incederent, ad altare maius acce-
dentes. Semper siquidem cogitabat intra se
illum fuisse & non alium, qui sibi toties per
somnia apparuisset, & ad ingressum reli-
gionis excitasset. Igitur exacto decennio in
Religione, cæpit cogitare die quadam zelo
ingenti accensus, quomodo res ista honorifi-
ca toti Ordini Cisterciensi foret, si huius San-
cti ossa, per aliquem virum in dignitate Ec-
clesiastica conspicuum, & amatorem Mona-
sticæ vitæ fuissent subleuata, & publicæ ve-
nerationi exposita. Et ecce intra semetipsum
quasi responsum quoddam sensit. Cur non
tua metipsum operâ. Cohorruit itaque eius-
modi responso in animo suo enato. Et quis
ego sum, reflexione sui facta, qui ista attenta-
re, audeam mente agitare cæpit. Cui Geni-
us aut Numen quoddam intra cogitationes

mentis imperans. Aude modo & age, perficies. Prouolutus igitur in terram Deo cogitatum negotium commendauit qui Sanctorum suorum quando vult & per quem vult gloriam in terris reuelat; sed & quibus per eorum merita misereri vult, ibi nomen eorum illustrat, & ad sepulchra illorum aut reliquias pro suo beneplacito virtutes operatur. Ex eo igitur tempore D. Vincentium in Patronum sibi assumpsit, & vt patetaceret dignitatem quam in cælo habet anima eius, ossa eius de terra leuari procurauit Fratribus ad id sua simplicitate persuadente & sumptu de labore Manuum suarum Domino Deo suppeditante. Qui nihil habenti & paupertatem professo, eam mentem cælitus indidit, vt nullo magistro vsus, organa præstantissimo artificio conficeret, eaque Superioris permissu venderet; atque inde sumptus ad actum subleuationis spectantes sufficienter pro-

procuraret, Mausolæum Diuo suo Patrono marmoreum extrueret, Altare Christi Crucifixi sumptuosissimum & organum artificiosissimum in templo sua manu factum erigeret, atque nunc denuum sphaeras diuersimodas, Astrolabia globos, quadratos quadrantes, Horologia variaque tum Astrologica tum Geometrica instrumenta vsui Fratrum & ornamento Bibliothecæ Monasterij conficeret. Hic itaque, vti diximus feбри ardenti & Optalmiâ grauitè afflictus, ad sui Patroni opem confugiens miraculosè conualuit vino de ablutis reliquijs eius gustato. Anno 1633.

Anno 1637. Generosus Zdislaus Zamoiscki de Terra Leopoliensi, cum Sophia de Brzezie Lanckoronska vxore sua, venientes Andreouiam ad sepulchrum Serui Dei Vincentij Kadłubkonis, retulerunt vt visitata Diua Claromontana, Czenstochouiam redi-

rent per oppidum Chencinense, ibique mæsti de infirmitate filiæ suæ Marianæ, quæ annos nata sex febribus ex itinere ardentibus laborabat, remedia modo quærerent à deuota virgine Elizabetha Grabowska Tertij Ordinis S. Francisci. Quæ continuò fore sanam dixit si magna cum pietate & fiducia eam ad sepulchrum Diui Vincentij sistere vellent. Fecimus, inquiunt, vt illa nobis suasset, & filiam nostram Diuo supplices præsentauimus incolumem. Ac Deo omnipotenti pro collatis beneficij diuersis quibusuis sed & pro restituta nobis filia, huius præsentis miraculi testimonium in scripto relinquimus. Datum in Conuentu Andreouienfi 1637. 4. Septembris. Qua scriptura Monachi recepta solennes laudes offerunt Deo & sancto Patrono.

Anno 1640. Nobilis Virgo Heduigis Łodzinska de Przyłęczek annorum duodecim

cum febris malignâ per integram septimanam adustâ, cum nullis medicamentis iuari posset, à pia matre (quæ paulò ante maiorem natu filiam Annam cæcitate multatam Diui Vincentij intercessione sanitati restitutam vidit) ad serui Dei sepulchrum voto promissa protinùs ardores internos in corpore suo residere sensit & die sequenti benè valens ac sana Andreouiam voti exsoluendi causa venit 9. Septembris.

Anno 1640. Honeſta Agnes Petruſowa de oppido Chencinenſe ardentibus acutis febrium pulſibus per dies viginti ſine intermiſſione vrgebatur, cumq; nullâ ſpē ſalutis videret, ſacris ſe Catholico ritu Sacramentis præmuniuit, & morbo ingraueſcēte mortem iam iam præſtolabatur. Cum interim Sancti Vincentij imago in mentem illi obrepiſſet; ergo calentibus votis Diuum inuocat, & ſepulchrum illius ſacrum ſe viſitaturam
pro.

promittit & ecce inopinatò refrigerationem quandam in corpore toto sensit atque conualefcere incipit. Post dies igitur aliquot viribus ex debilitate reſectis, ad ſepulchrum Sancti cum marito ſuo venit & in gratiarum actionem ſacrum fieri curat 21. Ianuarij 1640.

Anno 1633. Stanislaus Gauenda febris per quinque hebdomadas acutâ aduſtus, nec vitam hanc mortalem ſperans, ad Diui Vincentij patrocnium confugit, vinum de ablutione Lipſanorum eius maxima cum deuotione bibit; & miraculoſè conualeſcens ſepulchrum eius adit, die 16. Decembris, & Gratiarum actiones Deo, Sanctoq; eius Confeſſori reddit

Anno 1633. Venerabilis Pater Melchior Thoſaſzowic Nouicampianus Vicarius ad Eccleſiam Seciminenſem febris maligna afflictuſ & ad limina fati iam appuſſus, San-
 Ai

cti Vincentij opem & auxilium deuotè implorare cæpit, & mox virum Sanctum lecto suo assistere luce amictum vidit sanitatemq; ab eo recepit mirifice consolatus in anima visione illa. Quare die eadem Sacrum Missæ sacrificium pro gratiarum actione celebravit, ita valens & incolumis ac si nusquam infirmaretur. Postea Andreouiam adiens votum ad sacrum eius sepulchrum exsoluit die 22. Ianuarij.

Anno 1634. Andreas Kwapien de Oleſzno maligna febris laborans ad extrema iam ferè deuenerat, sed Patris cuiusdam è Sodali-
tate S. Francisci Conuentus Neokorczynen-
sis commendatione Diuo Vincentio oblatus,
cunctorum cum admiratione ingenti, hora
eadem è lecto surrexit, & glorificans Deum
paucos intra dies Andreouiam peregrinationem suscepit, ac die 18. Ianuarij gratiarum actionem Sancto ad eius sepulchrum reddidit.

R

An.

Anno 1635. Religiosus Frater Ioannes Waxman Ord: Præd: feбри maligna decumbens cū à medicis remedium iam desperaret, vinum sumpsit ex ablutione reliquiarum Diui Vincentij, Superiore cum ad visitandum tumulū ipsius sacrum offerere. Igitur precibus Confessoris Sancti pristinae sanitati restitutus, votum die vigesima quarta Iulij expleuit, vna cum Venerabili Patre Vincentio eiusdem Instituti Professo.

Anno 1635. Honestā Potentiana Szumka de oppido Andreouienſi feбри calida exagitata in delirium inciderat, multasq; blasphemias in Sanctos euomuerat. Aduocatur Sacerdos, qui omnino mente captam videns, nec dispositam ad receptionem Sacramentorum, quæsiuit ab ea: num sciret quisnam Sanctorum in Cœnobio Cisterciensium miraculis clareret. Respondit se nescire. Tum Sacerdos. Est Vincentius Sanctus cui

temet

temet commenda, Respondit, faciam libentissime & facio. Et interim obdormiuit. Post horam verò vnam aut pauló amplius euigilans sana & bene valens, quæsiuit ab astantibus, cur imago Crucifixi ad lectum suum fuisset applicata, Dixerunt te periclitante de vita sacerdos eam admouit, qui te etiam Diuo Vincentio commendauit, cuius necesse est vt tumultum visites & Sacra fieri cures. Raspondit primo mane omnia diuino freta auxilio faciam, nunc sumpto cibo cubitum ibo. Crastina itaque die quæ fuit 26. Decembris ad templum veniens Deo Opt. Max. eiusque eximio Confessori Vincentio Sancto gratias reddidit, seque sacris mysterijs post expiationem delictorum piè confortauit.

Anno 1640. Feliciana Tangoborska de Wengrzynowo toto mense Maio febriliter vexata, Medicis nihil proficientibus

R 2

Sacris

Sacris se mysterijs præmuniuit & loquelâ amissâ fatalem iam horam expectabat. Interim mater ipsius Catharina Czeska de Dombrowica turbata casu dilectæ filiæ Dium Vincentium inuocauit. Quo audito illa moribunda statim prolocuta est & Serui Dei opem implorare cæpit seque totam sanam illicò sensit. Quare die 6. Iunij Andreouiam veniens sacrum viri Dei bustum religiosè venerata est, gratiarumque actiones Deo seruatori solennes fieri procurauit.

Anno 1635. Nobilis Hyacinthus Waxman diuturnis vexatus febribus, colicisque doloribus laterum sanitatem amiserat. Post fusas verò preces, ab amicis ad sepulchrum S. Vincentij visitandum voto obstrictus, & febribus liberatus est & laterum obtinuit pristinas vires. Paucosque intra dies votum exsoluens, tabulam argenteam testem beneficentiæ reliquit 8. Aprilis.

Anno

Anno 1635. Nobilis Sophia Lubomir-
ska de Sadłowo inter febricitandum pleuræ
& sincopis affectiones perpeſſa tum plicę do-
lores ſuaſu Parochi ſui ad Diui Vincentij ſe-
pulchrū peregrinationem promiſit, interq;
ſacra Miſſæ ſolennia ab eodem celebrata ſa-
nitatem ſenſit, & paulò poſt vires priſtinas
recepit. Votumque conceptum, quæ paulò
ante aliorum manibus portabatur, pedibus
ſuis gaudens peregit. 23. Aprilis.

Anno 1636. Nobilis Sophia Karczo-
wiſka de Latawicze filiam ſuam febribus ve-
xatam & apoſtemate ad auriculam ſiniſtram
enato Diui Vincentij vino perunctam & po-
tatam ſanam recepit ſacrumque eius ſepul-
chrum cum deuotione viſitauit & Symbo-
lum beneficentiæ acceptæ tabulam argente-
am appendit.

Sed enumerare omnes & Cathalogum
recenſere eorum qui viri Dei beneficio à ma-

lignitate febrium liberati sunt, omninò impossibile est, quod nec singuli ab ipsis sodalibus Cistercij Andreouiensis connotati sint, nec nobis vniuersos ea affectione liberatos nominatim referre, ob tædium legentium consentaneum visum fuerit. Sufficit vnico verbo admonuisse, vino de ablutione reliquiarum illius & laterculis de sepulchro eius, innumerabiles morbos eosque varios fuisse sanatos: & quod ad sacrum tumulum eius multa vsque in præsens Dominus miraculorum signa efficiat, quæ illic in Chartophilatio Cœnobij conscripta habentur, in laudem & gloriam Præpotentis Dei, qui est benedictus in sæcula.

CAPVT

CAPVT DVODECIMVM

De Paralyticorum Sanatione.

GLoriosus Dei athleta Vincentius cognomento Kadlubcus, nostra ætate, ad honorem & gloriam nominis Christi, atque totius spem Christianæ plebis, eius suffragia postulantis, honorificè exaltatus, cum alios diuersos, ac infinitos penè morbos, tum membrorum dissolutionem, frigida vt inquit Medici ex causa prouenientem, quam Paralyfim vocant, diuinitus curare solet, quo nos ad reddendam Deo gloriam calidiores efficiat. Longum profectò esset omnes enumerare, quos sua apud Deum interueniente suffragatione, pristinum restituit sanitati, qui sacrum eius tumulum venerati sunt: vbi pereius merita & preces,

ma-

magnas hodie dum virtutes Diuina potentia quotidie efficere dignatur. Aliquot attamen exempla ad consolationem piorum, affereamus.

Anno 1633. Catharina Sucha, præ morbi grauitate, membra dissoluta habens, loco se mouere nequibat, pedumque simul ac manuum vsum deperdiderat. Igitur à baiulis in templum Monasterij Andreouienſis portata ſacra ſynaxi primo ſe præmuniuit, poſtmodum guſtauit de vino, quæ Reliquiæ D. Vincentij fuerunt ablutæ, & in populi frequentia mox conualuit miraculoſè. Suiſq; pedibus Deum glorificans domum remcauit.

Anno 1633. Honeſta Hedwigis Krzeczówna acerrimo correpta morbo motum ferè totius corporis ita deperdiderat vt vltimam ſibi horam imminere iam videret. Quapropter ad D. Vincentij merita magna
cum

cum deuotione confugiens, subito se curam sensit sepulchrum Diui inuifit, & tabulam argenteam mnemosynon beneficij accepti appendit: postque Synaxim sacram receptam gratias immensas agens Deo & S. Vincentio læta inde & incolumis digressa est.

Anno 1633. Frater Helias Węlicki eiusdem Conuentus Andreouienfis Professus à Paralyfi liberatus, superiorum suorum permissu eiusmodi testimonium nobilior metallo insculptum ad bustum Serui Dei venerandum affixit.

Ad maiorem Dei omnipotentis gloriam Beatissimæ V. MARIÆ, necnon Beati Vincentij Kadlubkonis perenne decus. Frater Helias Węlicki Monachus. Sacri Ord: Cisterciën: Professus huius domus, Diuina ope, meritisque Beati Vincentij suffragantibus à morbo sciaticës & ab infestatione paralyfis utroque periculoso exanimis voto

S libe.

liberatus, gratitudinis suæ testandæ, hanc vilem laminam argenteam, in rei memoriam perpetuam D. D. D. die 1. Iulij 1633.

Anno 1634. Catharina Fektusowa Herpetas perpetuens & manum dexteram mouere ob Paralyfim superuenientem nequens ad D. Vincentij opem supplex confugit, visitatoque eius sacro busto, expiatisq; sceleribus & mente Sacramentis Diuinis cõmunitâ sanitatem pristinam recepit, 20. Iulij & signum beneficentiæ acceptæ manum cæca formatam plebis consuetudine, ad Diui monumentum reliquit.

Anno 1634. Ioannes Karcz Ciuis Chencinensis Arteriacus totus, & capitis dolores ingentes atque neruorum contractionem multo tempore passus, ad extremum denique vitæ augescentibus se affectionibus adactus, non aliunde opem quærere quam à Deo ipso vitæ authore, Seruisq; illius charis

in quibus gloriam suam mortalibus declarat. Igitur ad Sancti viri opem accurrens, promisit se diligentissimum fore in excidendis marmoribus pro exornando tumulo ipsius. Atque ita miraculosè conualuit, è strato surrexit, atque Diui sepulchrum pergens argenteā tabulā testē beneficij exorati appēdit.

Anno 1634. Nobilis Hieronymus Paczek Artetica siue Paralyfi verius laborans, ferè per annum integrum adeo compages membrorum dissolutas atque debilitatas habuit, vt post omnes conatus Medicorum vsum ad extremum manuum pedumq; amiserit. Suasu igitur Sacerdotis cuiusdam è Societate IESV ad Diuum Vincentium respexit, eiusque sacrum sepulchrum visitare statuit promittens in honorem ipsius singulis ferijs quintis per annum pauperes prandio lauto & cœna excipere duos cereos Diuo offerre & tabulam argenteam cum beneficij

agnitione descripta ad tumulum eius appendere. Voto sic emissio, statim meliorationem sensit, & paucos intra dies pristinam sanitatem recuperavit. Andreouiamque ocius pergens votum emissum lubens exsoluit, die 8. Nouembris.

Anno 1634. Gregorius Skorka de Karniowice Artetica laborās, & quasi ad Paralyfim vergens, Diui Vincentij sepulchrum visitare proposuit, & membrorum firmitate & cōsolidatione miraculosè obtenta votum exsoluit die 3. Ianuarij iterum atque iterum tumulum eius sacrum veneratus.

Anno 1634. Stanislaus Więcek ciuis Miechouieñ: per mediū paralyfi tactus, vino partē affectā de ablutione Reliquiarū S. Vincentij perungens sanus & robustus euasit, votumq; ad sacrum tumulum eius cum gratiarum actione 15. Maij persoluit.

Anno 1634. Honestā Dorothea Saldō-

dſowa de villa Kſzany propè Opatoueciam, Paralyſi per medium tacta, duos menſes in luſtu & melancholia exegit, non valens è lecto per ſe ſurgere. Tandem audiens de Diui Vincentij virtutibus & miraculis aſſiduus, ad eius ſacrum ſepulchrum ſe deportari rogauit, plenam ſpem animo gerens, quod ad tactum tumuli eius priſtinam ſanitatē receptura foret. Igitur voto emiſſo ſtatim meliuſcule ſe habere ſenſit, ac paucos poſt dies iter propoſitum pedes ſuſcepit; quæ antea à baiulis portabatur, & læta peregit, Sanctum Confeſſorem die 15. Decembris in templo Andreouienſi venerata.

Anno 1640. Nobilis Maximiliani Borowski, vxor paralytica voto viſitandi ſepulchrum B. Vincentij per Sacerdotes pro ea ſacrificia offerentes, magna cum fiducia concepto, ſtatim meliuſcule habere cæpit. Miſſoq; Andreouiam ad Patrem Priorem, qui

vinum adferret ablutione ossium Diui huius celebre vbique & sacrum, vt primum ore gustauit, confestim è lecto surrexit, membrorumq; vsum & incolumitatem recepit. Tum factis domigratiarum actionibus Omnipotenti Deo post dies aliquot sacrum Diui Cōfessoristumulum visitauit.

Anno 1640. Reuerendus Albertus Zawadkowitz Præpositus & Plebanus in oppido Klwow Archidiæcesis Gnesnensis præsens in Monasterio Andreouienſi testatus est ore & scriptura. Matrem suam septuagenariam, Anno Domini 1639. infra octauas S. Stanislai Episcopi & Martyris paralyſi tactam, quinq; hebdomadis decubuisse, omnibus sensibus destitutam. Voro verò facto ad sepulchrum S. Vincentij, sanitati pristinx Deo auxiliante ac Sancti huius meritis restitutā esse. Quæ hodie dū vivit, ad maiore Dei omnipotētis gloriā, sanctiq; huius viri beneficiorū prædicationē. die 5. Iunij anno quo sup.

CAPVT DECIMVM TERTIVM.

De Claudis, gressum & sanitatem D. Vincentij suffragatione recipientibus.

ANno 1633. Stanislaus Szafranek ciuis Andreouienſis fracto crure per annos quadraginta fluxum tabis ſeu Herpeſtiomenes patiebatur, conſumptiſque ferè omnibus bonis ſuis in comparandis Medicinis ad paupertatem deuenerat. Vt verò Sancti Vincentij oſſa fuerunt ſubleuata & vino pro more abluta, impetratis à Sacriſta Cœnobij aliquot guttis vini illius, locum doloris perunxit & puluere de ſepulchro eiufdem Sancti maxima cum fiducia conſperſit, ac omnibus vicinis in admirationem cōuerſis, gressum tanto tempore amiſſum recepit atq;

atque suis pedibus die 3. Septembris Diui sepulchrum adiit, ceram effigiatam cum reliquis sanitatem obtinentibus in pariete appendens, ut sint monimenta virtutum Christi; & ea videntes vniuersi enarrent magnalia eius.

Anno 1633. Ioannes Madeyski vnus è seruis Illustrissimi Præsulis Chelmenfis Remigij Koniecpolski Abbatiae Andreouiensis Administratoris perpetui, pedis dolore atque febris calidæ ardoribus exagitatus Diuum Vincentium inuocauit auxiliatorem, obtentaque cælitus sanitate die sequenti sepulchrum eius inuisit ac iureiurando asseruit se in somnis vidisse tumbam Sancti, hanc ipsissimam, quam nunc in Sacratio Monasterij videret, luce ineffabili circumseptam antequam duos cereos ardentes. Quapropter omnes laudarunt vno ore Christum, Confessorem eius prædicando, ad cuius tumulum id

genus quotidianis consolationibus Religiosi
Sodales Cistercienses recreantur. Hoc verò
accidit die 8. Maij Anno 1633.

Anno 1633. Honesta Agnes Bartizelowa de Oleszno pedum dolore affecta ad Diui Vincentij medelam supplex confugit, & vino de ablutione reliquiarum illius perungendo, laterculoque de sepulchro eiusdem in puluerem confuso fistulas defluxum attrahentes respergendo paucos intra dies sanitatem recepit & gressum firmum absque omni claudicatione. Veniensque ad sepulchrum eius, pedes, quæ antea portabatur à baiulis, Diui beneficium in se collatum palam prædicabat, & cera pedem effigiatum ad parietem appendit. 7. Septembris.

Anno 1634. Simon figulus Andreouienſis, dolorē pedis nimium perferens, nec tota septimana progredi quidpiā valēs, laterculum de sepulchro S. Vincentij strophio inuolu-

T

tum

tum cum reuerentia magna & fiducia pedi affecto applicuit, & 1. Iulij gressum integrum & firmum recepit. Quare ad sacrum tumulum confugiens pro acquisita sanitate gratias peregit Sacrosanctam Synaxim sumpsit & Hymnum Ambrosianum decantari curauit.

Anno 1634. Andreæ Rodarij Neokorczynensis vxor, septennio vsu pedum carens, vt primum de vino Diui Vincentij gustauit, mox grabato suo surgens gressum recepit, & ad Diui sepulchrū pedes veniens pro præstito beneficio gratias qua par erat deuotione reddidit die 26. Augusti.

Anno 1634. Anna Watrobina de oppido Xiaz quindecim annorum spatio pedis vnus dolores pertulit, vsuque illius ob herpestiomenes molestiam caruit. Vino itaque quo cineres Beati Cōfessoris abluti fuere aliquoties respergendo, sanitatem paucos in-

era dies recuperavit, & tumulum eius 17. Martij visitans, Gratias immortales Deo Sanctoq̃ue eius Confessori reddidit.

Anno 1635. Honestā Agnes Sabelczykova manus dolorem immensum patiens, nec usum illius habens, vino S. Vincentij perunxit & sepulchrum eius deuotè visitauit, in signum beneficentiæ acceptæ manum argentæ ad bustum eius appendens.

Anno 1640. Nobilis Elizabeth Strázizowna Generosi Stanislai Suchocki coniunx, pedum dolore laborans, perq̃ue duos continuos menses decumbens omnem vim gradiendi perdiderat. Sed auditis, ad sepulchrum Serui Dei Vincentij tot ac tantis miraculis patratis, ipsa quoque illud deuotè visitare constituit. Et vix votum emisit, protinus usum pedum recepit. Surgensq̃ue è lecto perambulare cæpit, & psallere Deo, qui per sanctos suos magnalia operatur. Munus

verò ad tumulum sancti obtulit die 17. Aug.
Anni 1640.

Anno 1640. Nobilis Christina Olszewska quatuor mensibus usu pedum carens ingentesque dolores maximè nocturno tempore in ijs perferens, cum nullis medicamentis lenire dolorem potuisset, inaudiuit à visitantibus, se matronis apud Diui Vincentij sepulchrum complures claudos gratia Dei sanitatem obtinuisse. Itaque & ipsa visitare tumulum eius sacrum instituit, eiusque precibus sese commendauit. Et ecce mox dolor ille intensus remisit, illaque rebus suis dispositis post aliquod tempus Andreouiam ueniens, gratiarum actionem sumptis sacris mysterijs solennem peregit. 26. Febr.

CAPVT

CAPVT DECIMVM QVARTVM

*De curatione Hypochondriacorum, Phre-
neticorum, & exhorrentium
Phantasmata.*

Posteaquam vicinia tota profusam benignitatem Sancti Confessoris in suis necessitatibus experta esset, ceperunt longinqui etiam ad limina tanti Patris venerabundi aduolare, eumque sibi pariter cum finitimis in patronum, assumere.

Anno itaque 1634. Thomas Sernik, de Wolia propè Zarnoueciam sita, nocturnis illusionibus perterrefactus, vti naturâ melancholicus erat, assiduè phantasmatibus exagitabatur, & in phrenesim deinceps ob id lapsus timore animo, occupato in blasphemias assiduè erumpebat Demum & Cardiaca emo

riebatur, cibum per sex ferè septimanas, atq;
potum abhorrens. Quare & somnum ieiuno
stomacho capere haud quaquam poterat,
& debilitatem virium in dies maiorem senti-
ebat. Conclamatum itaque erat de illo, nec
vitam quispiam ei pollicebatur, præter ve-
nerabilem Patrem Valentinum, vicarium
Zarnouiensem. Qui vicem eius miseratus,
toto animo cælestem ei studet conciliare
medicinam, atque Sancti Vincentij patroci-
nio commendat, vouens in basilica Andreo-
uiensi ad loculum illius sacrum, cum munu-
sculi alicuius oblatione. Itaque totus humi
prostermitur, tacitisque lachrimis & preci-
bus Dominum, & Sanctum Vincentium in-
terpellans, orat vt ægri membra & animus sa-
netur. Et pius Confessor adeò eius precibus
annuit, vt mox incolumis surgeret, & lumi-
ne mentis illustratus, deuoto animo & ser-
mone Christi nomen benediceret, & paucos
in.

intra dies votum religiosè persoluerit. Andreouiam 15. Ianuarij veniens.

Eodem anno 1634. Eua Cwikowa Cloubucensis, ex melancholia hypoondriaca, in maniam & horrores phantasmatum inciderrat, atque demum furibunda facta, agitatione assidua, atque inedia, diuersas sibi affectiones adauxit, ita vt omnium opinione fatis iam appropinquare videretur. Interim vicinæ fæminæ eam visitantes Sancti Vincentij mentionem iniecerunt, vinoque de ablutione Cinerum eius sacrorum allato, ægram potarunt, & ad ædem Cœnobij Andreouiensis, in qua beatissimi Præfulis ossa quiescunt, eam perducturam vouerunt. Res mira, vt vinum ori iufusum deglutijt, mente & corpore statim sanata fuerit. Igitur tanto miraculo conspecto, tota vicinia in domum eius concurrit, gratulatur, miratur, & summam ac Sacrosanctam Trinitatem, in B. Vincentij

tij meritis plebs vniuersa benedicat. Illa verò voti exsoluendi gratia, ad tumulum eius venerandum, vbi omnis generis, salutaris medicina exhibetur, quamprimum perrexit: gratiarumque actiones die 17. Maij, vt in anniuersarijs Fratrum habetur, cum lætitia & exultatione reddidit.

Anno 1634. Iustina quoque Notarij Malogoscensis vxor, puerum suum ex apparitione phantasmatum. Fortassis malitia hostis humani obiectorum, & sibi occurrentium perterritum, horrentemque ex eo conspectum humanum, ad Diui loculum supplex obtulit, rogauitque multo lachrimarum imbres Sancti Vincentij patrociniò dæmonium meridianum ab eo repelli, cum crassi humoris, melancholiam nociuam & furorem generante contumauit. Quod vbi impetrauit, gratiarum actiones solennes. 8. Iulij decantari procurauit, seque ipsam aduersus
omnes

omnes insultus infernales sanctis Sacramen-
tis præmuniuit.

Itidem 1634. Agnes Odbiezanka de
Włoszczowa, phrenesi furibunda ac rabiosa,
ferreos torques & cathenas quibus vincieba-
tur rumpebat, persequabaturque homines
& vulnerabat, dentibus etiam laniendo. .
Murus quo includeretur, stupendis viribus,
absque vlllo instrumento diruit, & in syluas
profugiens, velut rabiosa fera vagabatur in
quemuis obuiam sæuiendo. Capta igitur &
domum adducta, vino de ablutione reliquia-
rum S. Vincentij pota, confestim ad se redijt,
& ad sacrum eius tumulum 28. Iulij prouolu-
ta, integram sanitatem impetrauit.

1634. Institoris Mogilensis vxor, re
& nomine hac in parte Fœlix; quod phrene-
si è morbo diuturno, contracta Patris Fr. Bar-
tholomæi, Professi Monasterij Claræ tum-
bæ orationibus Diuo Vincentio commenda-

Vita & Miracula

ta & vino de exuijs ipsius ablutis hausto, sanitatem miraculosè obtinuerit. Quæ rebus demum suis domi ordinatis ad sacrum eius sepulchrum peregrinationem suscepit, proque recuperata valetudine, die ii. Nouembris, gratias Deo Præpotenti Andreouic reddidit: vbi multis in Deum credentibus, & fideliter petentibus sanitates diuersæ iugiter conferuntur, præstante & miserante Domino Iesu Christo, qui Confessorem suum tot signis clarificare non desinit.

CAPVT DECIMUM QVINTVM

De illuminatione cæcorum virtute Serui Dei

VINCENTII KADLVBKONIS.

QVisempiternæ lucis arcem, Angelicosque ordines miratur Beatissimus Vincentius noster, non corpoream
mo-

modo sanitatem oculorum lumine orbatis impetrare à Deo solet, sed cælestis quoque luminis menti copiam maiorem afflare consuevit, quo ut scilicet temporalibus tenebris discussis operum maiestatis intendant eius, qui est lux vera omnem illuminans hominem. Cuius nutu & dispositione mulier quædam.

Anno 1633. Régina Boſkowa de villa Zdanowice duodecim annis dolores capitis assiduos sentiens utroque lumine cæcutiebat, ut verò audiuit de subleuatione Cinerum Beati Vincentij (ab eo enim tempore, ex illo venerando beati Antistitis loculo morborum omnium multifaria est curatio profecta, & quibuslibet corporum infirmitatibus Sancti Præfulis pietas medicatur) & miraculis diuersis ad sepulchrum eius factis, statim & ipsa voto concepto visitare illud cum deuotione cupiens, itineri se accinxit;

primaque statim nocte per somnium Diuum luce ingenti circumfufum vidit. Præ gaudio igitur expergefacta, & lumen oculorum protinus, & fanitatem capitis ab illa visione recepit, veniensque ad templum Andreouienfe atque imaginem Diui conſpicata eſt, palam omnibus eiufmodi virum nocte præteritâ ſe vidiffe & ab eo fanitatem obtinuiſſe glorificans Deum prædicabat. Quapropter beneficij memor poſt peractas gratiarum actiones ſolennes Mnemoſynon agniti beneficij crucem argenteam ad eius ſepulchrum appendit.

Eodem anno 1633. Nobilis Sophia Karczowſka cognatam ſuam vndecim annorum virginem ex morbo monoculam factam, madefactione vini de reliquijs Beati Vincētij viſum ei reſtituit, & ad ſepulchrum illius ſanam & clarè lumen ſolis videntem. II. Septembris eam præſentauit.

An-

Anno 1633. Catharina Iastrzębska cancro in facie affecta serpente in dies malo, oculum sinistrum deperdiderat, quare ad Diui Vincentij tumulum votum emisit, laterculoq; è sepulchro illius apostemati applicato, sanitatem acquisiuit, & votum promissum maxima cum deuotione 29. Septembris exsoluit.

Anno 1633. Honeſta Anna Czechowicowna è Setrapia Smolenſcenſi per ſeptennium luminibus orbata, religionis ergo diuerſa pia loca in Polonia viſitans ad Diui quoq; Vincentij ſepulchrum venit. Vbi more peregrinantium ſacris expiata myſterijs vino ablutione reliquiarum ſancti Confessoris, infra orationem ad tumulum eius oculos aſperſo miraculoſè ſtatim viſum amiſſum recepit, glorificansque Deum publicè, obtenti beneficij teſtimonium quod in patria exhiberet à Reuerendo Patre Martino Sule-

ouio Coenobij Andreouiensis Præfecto in scriptis accepit die 9. Septembris.

Anno 1634. Nobilis Ioannes Rzecki è Podolia luminibus captus cum diuersa loca pia etiam apud exteros celeberrima visitasset, tandem domum rediens inaudiuit de Sâctitate & miraculis ad sepulchrum Diui Vincentij fieri solitis magna cum fiducia eo statim contendit certocertius sperans se ad eius sacrum tumulum visum perditum recepturum. Nec eum sua fefellit opinio, vt enim ad tumulum eius deductus, vino de reliquijs eius sacrato oculos sibi perunxisset statim lumen cæli videre cæpit & glorificans Deum cum gaudio in patriam repedauit 27. Iulij.

Anno 1634. Matthias Wdowczyk agricola villæ Brinicensis filiam duodecim annorum à triennio lumine vnius oculi orbata, ad Diui sacrophagum præsentauit, & vino de sacris eius exuuijs ablutis ocu-

lo ci

lo ei peruncto, sanam domum reduxit, peractis gratiarum actionibus 30. Iulij.

Anno 1634. Nobilis Simon Golian de Strozysko septem mensibus oculorum dolorem, & cæcitatem perpeffus tumore superciliorum visum omnino impediēte, cum medicinæ causâ diuersas ciuitates peragraret. Contigit vt Nouam ciuitatem Corcinensem transiens de miraculis & curationibus varijs sancti Vincentij inaudiret, donatusque à ciue quodam esset vasculo vini ex abluttone Lipfanorum eius sacрати, quo recitatis cum vxore simul quinquies Salutationibus Angelicis & Oratione Dominica, magna cum fiducia oculos sibi perunxit, atque protinùs lumen amissum recepit. Igitur magnitudine miraculi permotus recta Andreouiam ad Diui sepulchrum perrexit & sacra synaxi cōmunitus, post solennes gratiarum actiones Deo Præpotenti & sancto Vincentio peractas domum lætus abiit 10. Octobr. An-

Anno 1634. Franciscus Hortulanus de villa Tur, puerum suum variolarum violentia ex cæcatum post vnus anni spatium ad Diui Vincentij sepulchrum offerens, visu redonatum domum retulit 18. Martij, Gratiarum actione peracta. Quis non miretur tua Christe magnalia? Quia Vincentius lux in Domino fuerat, & vt filius lucis ambulauerat, tu lux vera omnem hominem illuminans data ad preces eius puero innocenti luce, & patrem illius & omnes miraculum id videntes ad æternam lucem per bona opera procurandam benignè inuitasti.

Anno 1634. Catharina Mazurkova de Piotrkowice quæ ad tres menses luminibus mulctata fuerat, ad sepulchrum verò Diui Vincentij adducta, Quo in loco in hodiernum vsque diem sanctus Confessor frequentes operatur curationes, & multa miracula, cui libet roganti benignè subueniens, & eius
cu.

curam Christi mandato gerens, visum prostrata in terram impetrauit, & sacris communita Sacramentis, benè valens & videns 15. Martij domum redijt.

Anno 1634. Dorothea Stankowa de villa Pilczyce, apud Predborem dolore capitis oppressa lumen oculorum omnino perdiderat, sincopisque insuper malum cum tempore acquisiuerat. Igitur ad D. Vincentium deuota sepulchrum eius 12. Aug. visitat, squanimas oculorum deponit, & magnalia Dei loquens domum læta abit.

Anno 1634. Iacobus Georgij ex districtu Stenzycensi, monocus ex vi morbi factus, cum circa Opatouiam iter peragens, à quadam deuota fæmina de miraculis & sanctitate Diui Vincentij inaudisset, recta ad sepulchrum illius contendit, & squanimâ de oculo ipsius in templo decidente visum ex in-

X

regro

regro recepit Gratiâque Deo & Sancto eius Confessori ibidem reddidit. 22. Nouemb.

Anno 1634. Honeſta Sophia Bogdallowa de Brynica doloribus capitis nimium afflicta aciem quoque oculorum hebetatam habuit. Proinde ad Diui Vincentij opem & patrocinium confugiens vinoque de eius reliquijs ſacrato caput & oculos perungens incontinenti miraculoſè ſana & incolumis facta, ad tumulum eius cucurrit, & Miſſa de SS. Trinitate fieri procurata ſignum obtente beneficiæ ceræ imprimi conſolationibusque miraculorum patratorum inſcribi à Sodalibus Cœnobij rogauit.

Anno 1634. Honeſta Anna Celeiowa oculorum dolores ingêtes ſeu Ophthalmiam vna cum marito ſuo perpeſſa. Quare vterq; vino de reliquijs ablutis Sancti Vincentij oculos madefaciendo miraculoſè recipiunt viſum & die 6. Iulij Andreouix comparentes
ſi.

signum testimonij cera effictum ad Sarco-
phagum Diui relinquunt.

Anno. 1634. Barbara Babicowa Ingē-
tem oculorum dolorē perpeſſa, vino de ab-
lutione reliquiarum Sancti Confessoris 8.
Iulij curata, & rei testimonium nobilioris
metalli tabulæ in scriptum ad Diui tumultū
appendit 8. Iulij.

Anno. 1634. Iustina Baruska filium
Christophorum nouem mensibus vno oculo
cæcucientem, post multas variasq; medici-
nas in vanum adhibitas tandē cum vino de
reliquijs ablutis Sancti Vincentij curauit, &
ad sacrum eius sepulchrum arrhabonem ac-
ceptæ beneficentiæ posuit 21. Iulij.

Anno 1634. Honestus Ioannes Babi-
cki organarius Reuerendi Patris Gomolin-
ski Præpositi Iwanouiensis, in morbi graui-
tate visu oculi dextri priuatus per quinquen-
nium orbitatem illam perpeſſus est. Tandem

voto ad Diui Vincētij sepulchrum cuius iam tunc fama longè latèque diffusa erat religiosa mente concepto. Cùm aliquoties vino de ablutione ossium illius sacrarum illud cum firma spe madefecisset, lumen miraculosè recuperavit. & Andreouiam 25. veniens Iulij Gratias lucis datori solennes pereggit.

Anno 1634. Honeſta Sophia Paleczkowicowa fabri lignarij in oppido Neokorczy-nenſi vxor Ophthalmia laborās, præque dolorum intensione tota ſeptimana cæcutiens, Diui Vincentij auxilium implorauit, & vino de reliquijs illius perunxit, atque mox ſana & benè videns ad ſepulchrum eius 18. Ianuarij venit.

Anno 1637. Nicolaus Gołuchowski ciuis Leopoliensis virulentia Plicæ per tres annos luminibus orbatus fuerat, ſed vt audiuit nouum in Polonia ſyduſ illuxiſſe Beatum Vincentium, qui ſua interceſſione apud De-

um

um varios morbos in hominibus curare cœpit. Rogauit vicinam suam quandam, timoratam fœminam & religiosam, sed iam in viduitate constitutam quo veller pietate Christiana ducta cum filio suo Bartholomæo eius misereri, illumque Andreouiam ad sepulchrum Diui Vincentij deducere; habebat enim spem firmissimam, quod eius suffragiis lumen oculorum suorum recepturus foret. Paruit illa petitioni vti pia, deduxitque eum ad locum optatum licet non absque molestia tam prolixi itineris. Sed vbi ad templum ventum est accepto vino de ablutione Lipsanorum sancti viri, sacroque Missæ officio de more audito diuertit in domum Pauli Babica ciuis Andreouienfis absque vlla consolatione. Quin imo sub vesperum febris malignâ miser correptus intra aliquot horas ita debilitatus fuerat, vt omnes ferè consolantes eum, & remedijs diuersis iuuantes, de vita il-

lius desperauerint. Nocte igitur concubia cum omnes somno indulgerent, ille Diui nihilominus nomen in ore & mente assidue habens, vinum quod è templo acceperat oculosque suos eo perfuderat, præ ardore nimio viscerum è febre proueniente ebiberat, vel sitim qualitercunque restinguere cupiens. Cum interim totum se refrigeratum miraculosè sentiens in somnum dulcissimum prolabitur? Expergefactusque sole iam orto, & benè sanum se esse aduertit & oculum sinistrum aperiens, lucem cæli & cuncta quæ in domo agebantur videt. Igitur lætior factus atque tumultum Diui quantocius currens gratias Deo Patri misericordiarum reddidit, & lumen plenum recepit die decima nona Maij.

Anno 1638. Honeſta Heduijs Szpitalanka, de oppido Włoſczowa, Deo permittente viſu penitus orbata à feſto S. Luciaꝝ uſque ad
fe-

festum sancti Patris Benedicti lumen celi non vidit. Interea visitante illam quodam Sacerdote sæculari & consolante, facta est inter colloquendum mentio S. Vincentij quem Dominus ad gloriæ cælestis sublimis fastigium prouexit, & per eius intercessionem multa in Æde Androuiensi miracula ex fide peccantibus Christi benignitate exhibentur. Qui onere Episcopalis sarcinæ expeditus, & de naufragio mundi se enataste lætatus, portum Andreouensis Cœnobij expetijt & contemplationi vacans habitauit secum. Hunc ex vinea sua omnipotens Deus vnum electum, seu palmitem ad nos vsque extendit qui scilicet tanto vernat flore sanctitatis, tanto fructu exuberat beneficentiæ erga gentem suam, vt credatur de corpore illius esse, qui dicit de seipso per Euangelistam. Ego sum vitis vera vos palmites. Igitur hortatur ægram sacerdos vt se commendaret Deo, postea

stea intercessioni huius Sancti. Prouolutusq; ipse ingenua votum concepit, & adituram promittit sacrum eius tumultum, vbi meritis eius omnibus pio corde quærentibus præstantur multa beneficia vt primum á Domino visum deperditum recepisset. Dixit ille & Numen diuinum adorauit: hæc verò continuò visum pristinum recipiens & ad monasterium accurrens, Fratribus loci, & populo vniuerso, Dei mirabilia in se manifestata exposuit die 29. Martij. Mirantur omnes qui aderant, & illa gratias agens Deo domum læta reuertitur.

Anno 1639. Iacobus Sokołowski ciuis Leopoliensis, nouem mensibus & amplius oculorum dolorem, & vnà cæcitatem suffere-
rens, cum multis medicamentis humanis visum restaurare potuisset, suasuque medicorum opem diuinam & cælestia remedia querere iussus fuisset; loca cultu Diuæ Virginis
in

in Russia celebriora Socaliam atque Podkamienum ex voto visitavit. Et gratiâ non impetratâ tristis cum vxore mœsta domum redijt, quæ magis de morbi mariti sui sollicita fuit quàm ille de doloribus & afflictione sua. Respexit igitur Consolator optimus Deus, ad preces famulæ suæ, & misit ad eam per somnium quendam ex Ordine Cisterciensi virum sanctum candido habitu indutum qui comparens placidissimè dixit. Virum tuum Diuo Vincentio commenda, & sanabitur. Et his dictis disparuit. Fæmina die sequenti profiliens è lecto, currus statim domesticus incumbit moniti salutaris oblita: & vt postea ipsa falsa est, somnia & visiones eiusmodi nihili æstimans. Sed ecce nocte sequenti, monitor diuinus iterum adest, forma hominis senis & iam benè ætatis prouectæ, habitu quali & primò, candidus, in-
quiens. Maritum tuum Diuo Vincentio of-

Y

fer,

fer, & sanabitur; domi verò tuæ omnibus
portis hæc verba Polonicè superscribe **L A V-**
DET VR SANCTISSIMVM SACRAMENTVM.
Quod pia materfamilias primo statim dilu-
culo scribi curauit, de Diuo verò Vincentio
nusquam notitiam aliquam habens, Discal-
ceatos Carmelitas qui in vicinia erant adijt
sciscitando cum diligentia magna, quo nam
in templo vrbis Seruus Dei Vincentius quie-
sceret. Sed cum responsum accepisset, Vin-
centium Seruum Dei quiescere in Monaste-
rio Andreouienfi in Minori Polonia, confe-
ssim maritum suum eò misit addito custode
& conductore Reuerendo Patre Bartholo-
mæo Skibinski Ecclesiæ S. Annæ in subur-
bio appellato Cracouienfi Præposito. Qui
vt primum iter suum aggressi sunt, statim
cæcutiens ille miser, visum ad intetcessio-
nem D. Vincentij ex integro recepit. Et tu-
mulum in quo sacræ illius exuviæ quiescunt
pro-

profundè veneratus. Litanias de B. Virgine
atque missam, pro gratiarum actione solen-
niter decantari curauit. die 20 Nouembris
anno 1639.

Anno 1640. Honeſta Regina Franci-
kowa de oppido Radoszyce filiam itidem no-
mine Reginam ſeptem annorum cæcitate
mulctatam cuius oculos palpebræ compref-
ſerant, & omni videndi facultate priuârant
ad Diui Vincentij tumulum adduxerat, quæ
vt confeſſione peccatorum facta manu teti-
git, deterſâ caligine oculorum ex fide abſceſ-
ſit videns ipſo die Sancto Stanislao Martyre
Sacro, anno 1640. populo vniuerſo Deum
glorificante in Sanctis ſuis.

Anno 1640. Nobilis Virgo Anna Ło-
dzińska de Przyłęczek annorum iam quinde-
cim, poſt ingentes capitis dolores ſeu oph-
thalmiâ cæpit oculis caligare, veluti nebula
quadam viſum offuſcante. Adhibita medi-

camenta varia maxima cum diligentia ultra nouem menses nil opis attulerunt, quin imo corporeis destituta viribus, acri cæpit febre pulsari, concuti, atque discrucuari. Quapropter mæsta parens illius, fœmina Hæretica humanis auxilijs non proficientibus, ad Diui Vincentij merita confugit, diuinamque opẽ eius interuentu postulauit, & ad sacrum eius sepulchrum filiam sistens, gratiam quam sperabat impetrauit quæ scotomia per sumptionem synaxis depulsa læta & benè videns abiit 8. Septembr. anno 1640. vt liquidò daretur intelligi Beatum Vincentium non modo in terris clarere miraculis, sed etiam in cælis gloria frui sempiterna in Christo Iesu. Cui gloria & potentia cum Patre & Sancto Spiritu in infinitas myriades sæculorum.

CAPVT DECIMVM SEXTVM.

De Auditu Surdis restituto.

FActa, vti diximus subleuatione exuuiarum Diui Confessoris Vincentij, quem Deus Omnipotens tot signis dignum omni veneratione declarauerat; maiora per eum cœpit operari in populo, curare morbos, & varijs pressos calamitatibus infinitis afficere beneficijs. Quos inter.

Nobilis Elizabeth Popławska, mediæ ac florentis ætatis matrona, sed moribus sancta & pudica vidua, velut altera Iudith mundi illecebras fugiens, permissione Diuina, adeò laborabat ex capite, vt prorsus auditum deperderet. Adhibebantur medicorum fomenta varia: sed inde in tantum excreuit dolor, vt & mente, & mouendi facultate desti-

tueretur. Ad virum igitur Dei Vincentium, cum lachrymis & orationibus accurrens, post expiationem Sacramentalem omnium delictorum, dolorum quoque remissionem, stans ad loculum eius cum deuotione, sensibilem se habere asseruit, & sub finem Missæ auditum deperditum miraculosè recepit, die 3. Iulij, Anno 1634. Quapropter in Symbolum acceptæ beneficentiæ, rem secum gestam, tabulæ melioris metalli inscriptam, apud Diui bustum lubens suspendit.

Quo etiam tempore, & Nobilis Barbara Salomea Lacka, ex nimia morbi grauitate, perduto vſu sermonis & auditu vicinam se morti iudicauit. Ratione tamen pollens firma ac memoria, cum multis lachrymis salutem à Domino, per B. Vincentij merita petiit, vinumque ex ablutione Cinerum illius, sibi dari, certis signis ac nutibus postulauit. Quo cum deuotione & spe firma sanitatis gustata-

stato, tum ipsa die 15. Augusti, subito & præter omnium opinionem conualuit, tum filiam quoque suam, nomine Elizabetham, eodem cœlesti medicamine die sequenti, à morbo & morte liberauit. Hæc siquidem vlcere pessimo, Cancris appellatione horrendo, faciem & capitis partem sinistram infectam habebat, nec vlla arte humana mederi poterat. Quin imò medicamentis adhibitis malum illud exacerbatum, ex commotione humorum anciput magis occupabat, quàm leniebatur: singulis nouilunijs recrudescens, & in maiorem quantitatem accrescens. Interea temporis superueniens in opinatò, deuota Deo monialis: Elizabeth Grabowska, Tertij Ordinis S. Francisci in Claustro Chencinensi habitans, vino supradictò S. Vincentij contra omnem assensum medentium, vlcus illud inungere iubet: votumque nuncupat nomine decumbentis Virginis, limina

Diui

Diui Vincentij astituram, reddituramq; gra-
tes Deo pro benigna & misericordi castigati-
one ad tumultum eius. Vix hæc effata, cum
ægra melius se habere dicit, & ad Ædem An-
dreouiensem vna cum matre sana & incolu-
mis pergit, vt lamina argentea 16. Augusti
appensa ibidem gratitudinis ergo, latius te-
statur. Vbi multa similinm affectionum cu-
rationis exempla S. Confessoris virtute pa-
trata prolixitatis vitandæ causa præterimus.

CAPVT DECIMVM SEPTIMVM

De morbo Comitiali repulso.

ANte subleuationem Cinerum Diui
Vincentij Deus ad eius intercessio-
nem permulta est operatus miracula,
vti supra monuimus, sed incuria Monacho-
rum non sunt scripto comprehensa. Hæc
ta-

tamen laminæ argenteæ circa sarcophagum eius pendentes testantur, loco suo adnotauimus; sed euoluendo diligentius omnia, hoc vnicum triennio & amplius, ante subleuationem eius patratum, hic inter Epilepticos curatos inferendum putauimus. Quod est tale.

Anno 1630. Nobilis Sophia Mlecka, febre maligna laborans, sensus ferè omnes perdiderat, ob morbi grauitatem cadaueri similis epilepsiâ eam, à die Dominico, vsque ad vesperam feriæ quintæ absque omni intermissione quassante. Quare conclamatum iam erat de ea: maritusque vicinis ac cognatis præ desperatione cõuocatis, funeri necessaria apparabat. Cum interim Sacerdos quidam pius, Nicolaus Chrzelcicki inopinatò superueniens, misertus eius vicem, prouoluitur in genua, & quam Dominus nostra ætate mirificè dignatus est, Diuum Vincentium

Z

auxi-

auxiliatorem aduocat; hortaturque omnes circumstantes ad recitandum secum Litani-
as deuotè, ad Beatissimam Virginem hono-
randam, ipse votum nuncupans comparitu-
ram cum deuotione ad tumulum Sancti Cõ-
fessoris Andreouix, vbi primum sanitatem
resumpsisset. Quod dum Sacerdos agit, de-
cumbens in somnum interea suauem inci-
dens, post duas ferè horas expergefacta sana,
cibum postulauit. Refocillatisque viribus è
lecto surrexit, & gratias Deo Præpotenti,
cum dicto Sacerdote, pro obtenta incolumi-
rate supplex reddidit. Tum triduo meliori
conualescentiæ concessa, 29. Iunij ad tumu-
lum Diui, cum munere se præsentauit, Hym-
num Ambrosianum solenniter, ac Missæ sa-
crificium decantari currauit.

1633. Ioannes Secemski, ciuis Andre-
ouienfis, filium suum feбри maligna integra
septimana laborantem, morboque regio cõ-
qual-

quassatum pro desperato habens. Diuo eum Vincentio sanandum commisit, propinatoq; illi vino, de ablutione cinerum eius sacrorum, die sequenti post sudores nocturnos sanum & incolumen vidit, & ad Ædem Cœnobij Cisterciensis currens, cum gratiarum actione, apud loculum eius venerandum, ex voto eum præsentauit, atque tabulam argenteam in pignus & memoriam tanti beneficii lubens appendit.

Anno 1634. Dorothea Krowczyna per octiduum morbo comitali quassata & mentis inops, D. Vincentij intercessione sanitatem obtinuit, vt primum collo illius particula panni de habitu eius sacro fuit appensa, adque tumulum eius ex conceptis verbis, die 20. Septembris pensum deuotionis exsoluit.

1634. Agnes Pilchowa, de villa Słupy, gemellosepilepsiâ laborantes Andreouiam

portauit, non ignara quomodo mirificauit Dominus Sanctum suum Confessorem Vincentium. Ad cuius loculum cum lachrymis 5. Febr. procumbens, vtriq̃ue à Deo sanitatem impetrauit.

1634. Heduigis de Walkanowo fabri ferrarij vxor, filium paruulum epilepsia ferè iam enecatū, procumbens in genua Diui Vincentij tutelæ commisit, & post fusas ad Deum humili corde preces, statim sanum vidit, & ad Diui tumulum 16. Aprilis adduxit.

1634. Honeſta Roſa Kloſowicowna Scalmiriensis, puerum suum regio morbo debilitatum, & iam fatiſ destinatum, inuocatione D. Vincentij miraculoſè ſanatum recepit. Vtque voto ſeſe obſtrinxerat, ad ſacrum eius ſepulchrum cum eo venit, Miſſas fieri procurauit, & ad perpetuum rei monumentum, laminæ argenteæ inſcribi acceptum beneficium iuſſit 16. April. Ia-

1634. Iacobus Paczowic ciuis Brzeżi-
nensis febris & epilepsia malè exagitatus S.
Vincentium tantorum impetratorem mira-
culorum supplex inuocauit. Et promittens
sacrum eius bustum in coram venerari, sanus
in posterum ac benè valens vixit. Votum ve-
rò conceptum die 15. Martij Andreouix ex-
soluit. Dominus enim, qui facit mirabilia
magna solus, eò amore quo hominem rede-
mit à morte æterna, voluit quoque & à tem-
poralibus miserijs, intercessione Serui sui li-
berare.

1635. Agnes Porwilowa de Luborzy-
ca, filium passionibus epilepsix subiectum
habens, inuocatione S. Vincentij præmissa,
& voto eum sistendi se ad tumulum sacrum
eius, vino de ablutione reliquiarum illius ad
bibendum ei porrecto, sanitati restituit, &
vnà cum marito suo Andreouiam deduxit
12. Maij.

Anno 1635. Honeſta Catharina Bor-
kowska ciuis Crac : die quadam è templo re-
diens, Cardiacâ primò, mox autem Apople-
xia enecata, inter manus fuorum concidit.
Inter eiulatus itaq; domesticorum & turba-
tionem mariti, quædam accurrens matrona
vino eam Diui Vincentij reſperſit atque ori
infudit. Quo deguſtato, velut è ſomno ali-
quo graui ſpiritum retraxit. Et pro benefi-
cio accepto gratias Diuo reddere cupiens, ad
ſarcophagum eius venerandum, in rei me-
moriâ tabellam argenteam vnâ cum mari-
to appendit, deſque SS. Trinitate Miſſam
ſolennem & Litanias de Beata Virgine de-
cantari fecit. die 14. Maij.

Anno 1636. Dorothea Krowczyna de
villa Szadek, filiam duodecennalem Epilep-
ſiæ affectionibus ſubiectam, & quadam vi-
ce tota ſeptimana quaſſatum, abſque vlla
ſumptione cibi aut potus, Diui Vincen-

tij

tij patrocínio suafu vicinorum commenda-
uit, votoque nuncupato, ac vino de ablutio-
ne exuiarum illius facrarum illi dato cæ-
litus sanatam & benè valentem, ad fepul-
chrum illius venerandum die 20. Septembris
adduxit.

Anno 1637. Laurentius aduocatus de
Bobrza, accedens cum deuotione ad Ædem
Andreouienfem Fratrum Cifterciensium
die 8. Septemb. Anni 1638, præfentauit ex
voto filium Albertum ad tumulum Diui Cō-
fessoris anno superiore, puta 1637. morbo
Comitali adeò laborantem, vt pro exanimi
reputaretur ab omnibus, qui tamen vt pri-
mum fuit patrocínio Sancti cum voto illius
ad facrum fepulchrum commendatus con-
ualuerat. Quod dilatum fuit hucusque ob
curas domesticas, fed compensatum deuoti-
one ardentiore, & monumento etiam in fcrip-
pto Sodalibus loci relicto.

Anno

Anno 1637. Marina Gierczonka de Szydłouia octodecem annorum virgo, toto biennio comitali morbo laborans, nimium miseros parentes contristauerat. Cum tempore quodam Venerabilis Stephanus Cynski actu Subdiaconus diuino planè nutu excitatus, vltro ægram visitauit, & vt ipse ad sanctum Vincentium erat deuotus, multa corā parentibus decumbentis tunc de gloria eius & miraculis piè locutus, persuasit vt ad sepulchrum illius filiam voto concepto sisterent. Interea verò temporis vinum illi propinarent de reliquijs illius sacratum, quod secum attulerat. Parent monitis mœsti parentes, & illa vt primùm vinum illud gustauit, confestim vegeta & sana facta, in posterum morbo illo nusquam turbata fuit. Dotumque nuncupatum die 20. Maij cum parentibus suis exsoluit. Sed quis potest & alia multa admiranda Sancti huius Confessoris beneficia, Ictc.

Ictericis, Spleneticis, Hecticis, Spasmoque laborantibus apud eius sacrum tumulum collata enumerare? quorum tanta est copia, ut referri omnia vix possint: opusque sit calamo scribæ illius velociter scribentis, qui virtutis suæ digito, in monte Sinari tabulas lapideas Moyfi exarauit.

CAPVT DECIMVM OCTAVVM

De Tabæ & Hydropisi laborantibus.

VTablurduu senuer putauimus ea loqui quæ nō oportet: ita ea mandare silentio ex quibus mentes humanę erga sanctos deuotionem concipiant æque inconsistentaneu esse arbitrati sumus. Res igitur Diui Confessoris Vincentij connotaturi statuimus tradere pijs auribus ut hydropicis benignus esse voluerit quotiescunque inuo-

catus ab eis fuerit ante & post translationem
Lipfanorum suorum. Et ante quidem.

Anno 1633. Honestā Sophia Dzieb-
dzina de oppido Andreouienſi tabe ac hy-
dropiſi conſumpta morti ſe vicinam eſſe vi-
dens, teſtamento res ſuas ita diſpoſuit, vt iam
vltimum vale domeſticis atque amicis ſuis
dictura eſſet. Interim audiuit quendam ex-
circumſtantibus Diuum Vincentium inge-
minantem, cuius oſſa nuper ſubleuata fue-
runt: igitur voce illa quaſi cælitus miſſa ex-
citata ad Monasterium vini parum rogitanſ
quo exnuix ſacræ Beati illius ablutæ fuerunt
celerrimè expediuit ſeſe eiſ patrocinio ar-
dentibus interea votis ac precibus com-
mendans. Adfertur vinum & datur illi bi-
bendum cum reuerentia. Quod poſtea
quàm bibit eadem hora ſanata mirificè, lau-
dans Deum authorem ſalutis ſuæ veluti pō-
dere aliquo ſe eſſe leuatam aſſtantibus dixit
die prima Iunij 1633.

Anno

Anno 1633. Nobilis Anna Roznowa de Boleſzyce Cathecticis & Arteriacis doloribus afflicta cum tumorem ventris in dies augeri animaduertisset facile finem vitæ imminere sibi augurabatur. Audiens tamen de diuerſis miraculis apud Diui Vincentij ſepulchrum ſpe firma animum reaſſumpſit, eiſque patrociniſ remoris Medicis ſeſe cõmendauit, & ſacrum eiſ tumultum viſitare vouit. Cuius ope & interceſſione breuiter è lecto ſurgens, promiſſum lubens & læta votum exſoluit, poſtque peractas gratiarum actiones tabellam argenteam cum tali ſubſcriptione ad ſepulchrum eiſ appendit.

*Mira loci pietas, & prompta precantibus ara
Spes hominum placida proſperitate iuuat.*

Die 19. Septembris.

Anno 1633. Matthiæ Oeconomi Krzen-
 censis filius adolescēs hydropicus decum-
 bebat, quem Parochus loci illius visitans Diuo
 Vincentio precibus calidè fufis commenda-
 uit promittens eum ad sepulchrum Diui præ-
 sentaturum vbi primum conualuiffet. Igitur
 de veste illius sacra particulam panno feri-
 ceo inclufam collo ipsius appendit, & sacrum
 de SS. Trinitate ad intentionem recuperan-
 dæ sanitatis celebrauit, atque ita eum pristi-
 næ sanitati restituit die 8. Septemb.

Anno 1633. Sophia Golecka de villa
 Targowisko squinanciâ laborans in febrim
 acutam inciderat, exque inflammatione ni-
 mia linguam tumore fœtido infectam ac in-
 fertam humore habebat vt claudi non possit,
 hinc hydropis contagium per viscera serpe-
 re cœpit. Quare humanis opibus destituta
 ad cælestem medicum confugit, qui ei men-
 tem inspirauit, vt vino de reliquijs S. Vin-
 cen-

centij ablutis linguam & corpus totum per-
ungeret eiusque suffragia supplex inuocaret.
Fecit misera reuerentiam erga eius sacra ossa
promittens & die sequenti per omnia sana
atque incolumis ad Diui sepulchrum perue-
nit Deo Omnipotenti qui sperantium in se
semper complet vota, ore & corde toto gra-
tias agens Sanctumque Confessorem quâ
par erat deuotione ac pietate extollens quod
mortem certo tunc imminere putarant eius
ope miraculose euasisset. 27. Septemb.

Anno 1634. Stanislai Przetacznik de
Smogorzowo puer hydropi timpanitide in-
tumescens, anhelus iacebat in lecto, ut autem
vino de reliquijs S. Vincentij perunctus fuit,
in spatio trium horarum ad pristinam sani-
tatem rediit sepulchrumque Sancti vnâ cum
Patre Ophthalmia laborante & matre plicæ do-
loribus excruciatâ die 17. Febr. visitauit. Qui
omnes voti sui cōpotes domum recesserunt,
Diuina sic volente bonitate. Aa3 CA-

CAPVT DECIMVM NONVM.

De Plica doloribus lenatis.

Nillus profectò morbus ætate nostra plica grauior in Polonia inualuit qui omnem sexum, ætatem, & conditionem hominum ita suo malo implicuit, vt nè infantes iam ab hac contagie liberi esse possint. Olim huius pestis in Oriente mentio vix solis Medicis cognita fuit: tandem è Circassia in Gettas transijt: ab his Roxolani infecti & Daces. Patrum verò nostrorum memoria Pocucia Russiæ Rubæ Prouincia propter aquas Tyræ malè audijt; quasi is per mineralia loca è carpato mōte decurrens inficeret suis vndis habitatores. Vitabantur igitur Haliciensis Terræ propter contagium istud incolæ communissimè. Tandem in
Rus-

Russia vniuersa diutina commoratio nociua
Polonis videbatur. Nunc permixtis iam
omnibus inter se Sarmatiæ indigenis
omnes promiscuè istud malum inua-
sit. Nec medellam vllam humanitùs in-
uentam admittit. Imò exarcebatur tanto ma-
gis: & alios excæcat, alios contrahit, alios
intestinatorum doloribus excruciat, alios in
delirium vertit ob nimias capitis affectiones
aut infectiones. Cælitùs igitur quæritur me-
dicina, & cum multis in alijs locis sanctitate
venerandis solent miseri homines suas con-
solationes & sanitatem quærere, tum apud
loculum Diui Confessoris Vincentij, tan-
quam miraculorum thesaurum indeficien-
tem, ex quo percipitur magna Spiritualis
vtilitas, & variorum morborum ineffabilis
planè curationis gratia. Sed præcipuè hic
plica laborantes sospitatem acquirere solent,
vti tot nodi complicatorum crinium ad eius

Sar.

Sarcophagum appensi testantur. Ego certitudinis ergo aliquot hic exempla adnotabo.

Anno 1633. Honesta Heduigis Szcerbionka plica laborans & vt fieri in tali morbo affolet omnium capitis membrorum cōuulsionem perpetuens suasu amicorum ad Diui Vincentij merita confugit, & sacrum eius tumulum visitare decreuit, vbi illicò benè sana & valens facta votum exsoluit Sacrificia Missarum fieri curauit, & tabulam argenteam vt posteris sit perpetua memoria appendit. Mensis Iunij 10. die Anno 1633.

Anno 1633. Bartholomæus Pasternaczek ciuis Neokorczynensis filium suum plica laborantem ad Diui Vincentij sepulchrū præsentans cum deuotionem suam peregrisset, sanitatem ei à Deo Suffragatione Sancti Confessoris facilè impetrauit, vbi paulò antè alterum quoque filium suum Phrysi emorientem sanum receperat. Igitur Sacrificio
incru.

incruento in laudem & honorem SS. Trinitatis procurato, post sacram Communionem sospes cum gaudio est regressus. 25. Octob.

Anno 1634. Nobilis Elizabeth Ie-
ziorkowska filiam suam itidem Elizabetham
ad tumulum Diui præsentavit, gratias agens
quod eius intercessione à Cephalea & plicæ
malo fuerit liberata die 17. Ianuarij, cuius-
dam vetulæ pauperrimæ oblatione ad sepul-
chrum eius visitandum voto obstricta. Quo
vix emisso virguncula protinùs ab affectio-
nibus illis malis liberata fuit.

Anno 1634. Catharina Smigmatoris
Miechouiensis vxor plica laborans pedumq;
ac manuum dolorem & conuulsionem (vt
malum hoc fieri solet) seu incuruationem
perpetiens, vino de reliquijs Beati Vincentij
corpus suum totum perunxit & Diui sepul-
chrum visitare statuit. Quare cælitus resti-
tuta sibi sanitate votum maxima cum exul-
tatione die 26. April. expleuit. Bb An-

Anno 1640. Gregorius Rebiecki cuius Racouienſis plicæ doloribus trium menſium tempore adeò excruciatuſ ut vim ſibi inferre voluerit, mortem potiùs præoptans quam adeò miſeram vitam agere. Die igitur quadam ſomno dulciſſimo (qui toto morbi tempore longiſſimè ab eo præ doloribus aberat) præoccupata vidit in ſomnis religioſum quendam candido habitu, & de eiufdem ſepulchro in ſecum colloquentem, vidit & imaginem ad ſiniſtram latus in Choro templi maiore & Epithaphium ſcriptum ſub imagine ſe legiſſe tale omninò quale in rei veritate, deinceps in templo Andreouienſi oculis conſpexit. Poſtquam verò euigilauit nullum prorsus dolorem in ſe ſenſit, & ſurgens è garbato ſuo gratias imprimis Domino Deo, poſtea verò interceſſori ſuo Beato Vincentio reddidit. Atque Andreouiam Profeſtus ad ſepulchrum eiufdem teſtimonium rei factæ

Etæ manu propria scriptum in Chartophylacio Monasterij reliquit die 4. Iulij 1640.

Sunt complures alij apud Beati viri sepulchrum reſtituti, quemadmodum teſtatur hinc inde pendentia ad eius ſepulchrum diuerſorum morborum inſtrumenta vel ſymbola: quibus conuincitur, quàm magna & ineffabilis ſit in Regis Æterni conſpectu Sanctorum gloria quorum animæ inter innumeras cæleſtium ſpirituum fulgent cateruas veneranda verò capita inter homines quieſcentia ab Angelis viſitantur & tandem poſt multa ſæcula elapſa admirandis ſignis ac virtutibꝫ in multorum populorum notitiā & venerationem veniunt & proſunt ſupplicantibus, coronante illorum meritò, gratia Domini noſtri Ieſu Chriſti, cui gloria & potentia in ſæculorum ſæcula.

CAPVT VIGESIMVM

*De parturientibus, auxilio Serui Dei
VINCENTII, in periculis
adiutis.*

VT alijs in necessitatibus & periculis accurritur quotidie ad Seruum Dei Vincentium, ita & tempore partus vota concipere assolent puerperæ, eius intercessione securitatē à partus periculis obtenturæ. Ac propterea grauidæ vndiq; ad eius tumulum supplices accurrunt. Aliæ pro felici puerperio gratias Deo Præpotenti persoluunt, Dabo exempla aliquot, nam singulas enumerare esset longum.

Anno 1633. Famatus Ioannes Osobiecki ciuis Andreouiensis vxorem suam grauissimè in partu laborantem vel potiùs animam
iam

iam vnà cum partu in ventre incluso agentem auxilium à Domino Sancti Vincentij precibus interuenientibus postulauit & tempestiuè exauditus manum adiutricem sensit. Illa enim quæ doloribus deficiebat & tam de vita sua quàm foetus in vtero inclusi desperabat amicorum monitu. Sumpto vino illo quo ossa Diui fuère abluta partum absque vlllo dolore enixa est. Cuius rei testem tabelam ad sepulchrum Diui argenteam vt posteris sit perpetua memoria appendit die 20. April.

Anno 1633. Honesti Adami Rogowski Cracouiæ habitantis coniunx partu difficili laborans, sumpto vino de ablutione reliquiarum Diui Vincentij filium quidem feliciter enixa, ast ipsamet clausis in vtero membranis quibus partus inuoluebatur ex putre factione earum malè habere cœpit, nec superuiuere possibile erat opinione medicorum atque

prudentium ea in re matronarum, nisi auxilium de super adueniret. Pater igitur decumbentis honestus Alexander Kawadzi Bononiensis, audiens quanto honore Seruum suum Vincentium, Dominus in cælo ita extulisset, ut ad eius suffragia mira in terris patrare non desistat, prostratus terræ immensis singultibus inuocat Christum ut deficiente doloribus filiæ suæ mittat opitulatorem Beatum Vincentium, quem illa electum in patronum perpetuò veneraretur & sacrum eius tumulum visiteret. Audiit Numen Æternum, & illa agonizans petijt à circumstantibus sacerdotibus laterculum è sepulchro eius sacro capiti suo supponi spem firmam in animo habens statim putredines illas effusum confirmante eam in præposito Patre Francisco Nouoskurski. Factum quod postulauit, miraculosè & subsecutum quod sperauit, nec mora sana & sospes ad Diui sepulchrum
pro-

properauit, & tabellam, rei seriem continen-
tem, è meliori metallo ad tumbam illius ap-
pendit 8. Augusti.

Anno 1634. Ioannes Drobiecki ci-
uis Andreouiensis vxorem suam in partu pe-
riclitantem Diuo Vincentio commendauit,
vinumque ei bibendum de reliquijs illius
propinauit. Quo gustato partum feliciter
enixa, apud tumulum eius gratiarum actio-
nes reddidit, & tabellam argenteam appen-
dit.

Anno 1634. Nobilis Ioannes Olsze-
wski cum vxore sua Catherina Mazowiecka
venientes ad sepulchrum Diui Vincentij pa-
lâm confessi sunt & in scripto testimonium
reliquerunt, Quod tempore quo vterum illa
gestaret fuissent in itinere ambo in partibus
Masouiæ. Periclitanteque in partu vxore sua
& nimium laborante, ille ipse procumbens
in terram votum ad sepulchrum Diui Vin-
cen.

centij venerandum fecit. Hinc parturiens doloribus soluta filium mox enixa est & ad diuersorium benè sana ac viribus firma peruenit. Domumq; reuerſi filio nomen Franciſci in lauacro Baptiſmi impoſuerunt & votum promiſſum deuotè exoluentes vnà cum infante ſepulchrum Diui iuiſerunt Anno 1634 die verò 20. Decemb.]

Anno 1636. Nobilis Dorothea Boianowska de Zawada partu laborans vt Diuum Vincentium inuocauit, filium feliciter peperit 9. Aprilis, remotisq; eius ope doloribus omnibus ſepulchrum eius ſacrum ſoſpes inuiſit vnà cum Nobili Elizabetha Kraficka de Peleſnica in caſu ſimili tempore eodem à ſancto Confeſſore adiuta. Dum enim ſalutis remedium in periculo ſimili poſitæ à Beato Vincentio poſtularent, vtramq; ſub momento curauit.

Anno

Anno 1637. Anna de villa Bolestaw
propè Corczynum Organarij vxor partu
difficili laborans cum partum exanimem in
lucem edidisset præ dolore & mœstitia quasi
extra se posita ingenti voce. Adiuua me Bea-
te Vincenti adiuua rogo, clamare cœpit.
Quo clamore velut è somno excitatus infans
ploratum statim emisit, accurrente tota vici-
nia adrei miraculum. Quare & in Baptismo
nomen Vincentij puero inditum fuit, vt si vi-
uere cum contigisset tota sua ætate Diui Pa-
troni beneficium recognosceret, sin verò ali-
ter in Fatis esset (caput etenim disruptum ha-
bebat) gratior in conspectu Diuino, patrocini-
ante pro alumno suo, sancto Confessore cō-
pareret. Et ita factum post diem septimam
elapsam cum natus fuisset die 30. Iunij.

Anno 1638. Similiter Stanislai Olsze-
wiski coniunx grauida, vnà cum marito vo-
tum ad Diuum Vincentium facère. Cuius

ope puerpera partum feliciter enixa tabellam argenteam per Paulum Zyzka Plebanum Złotnicensem ad sepulchrum Diui Scarbimiria misit. 4. Octob. 1638.

Anno 1638. Nobilis Sophia de Krzyztoporzyce Lipska Vexilliferi Terræ Sochaczouiensis vxor, in partu periclitans ad opē Diui Vincentij confugit. Quem vt ingeminavit languor omnis vt fumus evanuit, illaq; desiderij sui compos facta, testem suæ liberationis tabellam, cum epistola manu propria subscripta, ad tumbam illius appendendam transmisit, vbi vsque in præsens diuinâ operante gratiâ plurima per eius intercessionem puerperæ beneficia & partum facilem à Deo Opt. Max. impetrant, sperantque se compotes fore salutis.

CAPVT VIGESIMVM PRIMVM

De Sanatione, alui profluuium, Stranguriam aut Calculum passorum.

ET si multa admiranda in vita & post mortem Seruus Dei Vincentius fecerit per quæ memoria nominis eius superuiuat: tamen quia operibus eius ac meritis etiam hæc prærogatiua debetur, vt curatio, alui profluuium, stranguriam, aut calculi dolores passorum eius intercessione obtenta in literas dirigatur, placuit summam pauca exempla conscribere: non quod aliquem Catholicorum in Polonia lateat tanti Pontificis vita, & apud Deum merita, sed vt ad posteros quoque nostros incomparabile nomen sanctitatis, & grande documentum religiosè humilitatis in immortalem memo-

riam porrigatur. Sufficiens nobis duo vel tria exempla, sed quorum evidens est testimonium & veritas inconcussa.

Anno 1633. Andreas Roszkowic ciuis Wodzislawiensis quinque hebdomadis Thénasmon & alui profluuium passus, cum intestinorum nimio dolore excruciatu deficeret, iamque de vita desperaret, amicorum monitu, visitato sepulchro Diui Vincentij cum deuotione, sumptoque vino de ablutione reliquiarum illius sanitatem obtinuit. 26. Augusti.

Anno 1633. Nobilis Anna Czechowska calculi in vesica aut renibus enati cruciatibus multo tempore tormentata, cum nullum à medicis subsidium inueniret ad Dei ipsius opem mediante Seruo eius Vincentio accurrit, & sanitatem breui prece apud sepulchrum eius impetrauit procurato Missæ Sacrificio de SS. Trinitate decantato. Igitur bene.

beneficij memor, laminæ argentæ quam ad parietem tumuli appendit rei factæ ordinem inscribi iussit die 5. Septemb.

Anno 1634. Honesti Nicolai Dukla ciuis Miechouiensis vxor feбри acuta & dissenteria laborans, per exemologesim præparata, fata sua anhelans expectabat. Maximo-perè etenim eam atterebat æstus in frigore, & horror cibi languente stomacho: Cum interim maritus inuocatione Beati Vincentij curari morbos diuersos inaudiens sacrum eius tumulum, visitare flebiliter deuouit. Quæ vbi repulso morbo & debilitate sanam se illicò & benè confirmatam sensit, ad Diui sepulchrum venerandum vnà cum marito lubens & læta processit, redditisque gratiarum actionibus 2. Septemb. domum sospes & incolumis redijt.

Anno 1638. Thomas Cebula de Oppido Iwaniska magna infirmitate debilita-

tus, cum à Doctoribus medicis pro incurabili iudicatus, fuisset derelictus, & humi de more deuotè plebis prostratus calculo premente vitam exhalaret Voto facto ad sepulchrum B. Vincentij protinùs conualuit, & die sequenti per omnia sanus factus itineri se accinxit visitauique Monasterium Andreouienſe die 30. Maij anno 1638.

CAPVT VIGESIMVM SECVNDVM.

De Incendio, Serui Dei ope, exſtincto.

Q Vilenocinia malè blandientis mundi tam conſtanti calcauit animo, vt nudus credatur euolâſſe de ſæculo B. Vincentius Kadlubkonis Episcopus Cracouiensis tranſſatus ad gloriam cæleſtem, tam magna & mira in hominibus ſua impetrati-
one operatus eſt, vt magnitudinis eius con-
tem-

platione considerata, imparem me esse confitear prosequi calamo pro meritum honore tam grandia nostra ætate ab illo miracula edita Quorum non postremum illud est, quod ignis elemento imperitauerit virtute sibi ab illo igni inextinguibili & omnia consumente Christo Iesu concessa.

Anno 1634 Oppidum Chencinense vt totum est more nostro Polonico è lignis exstructum, immanis flamma tempore quodam corripuerat nec potuit quisquam vllum tanto malo afferre remedium, elemento in sicca ligna vehementer sæuiente. Tum vxor illius muratoris Sebastiani Fodiga qui sepulchrum Diui Vincentij Andreouæ, aperiebat, habens laterculum de sepulchro eius sacro, vniuersam turbam hominum ad Diui opem implorandam clara voce concitat, vir Dei, vir Dei, succurre ciuitati cum ignibus colluctanti, & hæc dicens, laterculum illum
ma-

magna cum fiducia in ignem mittit. Res mira ignis cunctis inspectantibus statim recedere coepit, & mox totum sopitum fuit incendium, permultis præ gaudio fluentibus & Christum in suo Cōfessore laudantibus quod tantum miraculum in oculis infidelium Iudæorum fecerit. 17. Iulij,

Crescente verò interim fama, Sanctitatis illius & longè lateque peruagante, ne tantiluminis fulgor absconderetur sub modio, sed vt secundum dicta veritatis, supra candelabrum posito illi, multi ab eo illuminarentur, famatus quoq; Martinus Fabrowic Anno 1634. ciuis Clobucensis incendio in patria sua oborto, remedio eodem quo & Chencinenses ciues, id est, protectione Diui Vincentij vsus vinum de ablutione reliquiarum eius, cum lagenâ simul, in ignem proiecit, Diuumque in adiutorium miseræ ciuitatis inuocauit, & statim flammæ vehementiam
post

post fufas preces fopiuuit, incendiumque ex-
ortum miraculofè exftinxit. Proquo bene-
ficio, gratias apud eius facrum fepulchrum,
vnà cum vicinis fuis, Domino Deo peragens
die 7. Septemb. hoc quoque factum fuum,
fubiureiurando Fratribus Cœnobij narra-
uit.

CAPVT VIGESIMVM TERTIVM.

*De præftigijs maleficarum atque vene-
ficijs repulfis.*

QVoniam ij quibus placet, viuere ci-
tra repræhenfionem, maximè oppu-
gnantur à malignis infidijs, proinde
mirari non debet Chriftianus homo quod
coniuges fæpiſſimè viciffim ſibi honorem
tribuentes & beneuolè ac fideliter inter ſe af-
fecti in terdum incidant intetationem &

castes diaboli, cum nemo sit qui non appetatur inimici huius insidijs, maximè autem illi qui nullis turpibus immixtum desiderijs animum gerunt. Quare inuidens honestati eorum submittit instrumenta sua, sagas, lenas, præstigiatores maleficos & magos, per quos ad præuaricandum legem Diuinam rectos corde inducere studet. Qui dum non proficiunt virus malitiæ emittit & velut in Iobum Sanctum vlcera postulas, Herpetes, Alopeciam, Lentiginem carbunculos, diuersaque alia apostemata & morbos veneneficio suo immittit. Sed quæ omnia nocere nobis, nisi Deo pro peccatis permittente, minimè possunt, repellunturque tunc, cum nostri velut misereri, aut emendationem vitæ nostræ vider.

Sed frustra has insidias molitus est aduerfarius in honestum Andream Słaboszowski ciuem Pinczowień: vnà cum vxore sua

tota

toto sexennio corporis quandam exulcerationem seu Herpetes perpetientes, secus enim euenit totum in coniugio illo, quam ipse imaginabatur.

Anno etenim 1634. Crebrescente in dies fama miraculorum ad sepulchrum viri Dei Kadlubkonis patratorum, procurarunt in primis vinum de ablutione reliquiarum illius, deinde expiatis sceleribus suis per sacram Confessionem atque communionem Synaxeos illud cum reuerentia & deuotione biberunt sperantes salutem à Dño, quam paucissimas intra horas consecuti sospites & mundi facti sunt glorificantes Deum in Sancto eius Confessore Vincentio cuius sepulchrum cum deuotione protinus visiterunt & gratiarum actione peracta. laminæ argenteæ rei factura inscribi procurarunt, & appenderunt die 24. Iulij vbi multi homines morbi-

di in præsentem etiam diem optata salute potiuntur.

Anno 1633. Honeſta Marina Papieſka Andreouienſis à pueritia malignitate ſagarum in morbos diuerſos inciderat, Alopeciamque, Lentigines, atque poſtulas, toto corpore veneficio illarum ſparſas, magna cum moleſtia ſua perpetiebatur, nullis medicamentis proficientibus. Poſtquam verò innotuerat gloria Diui Vincentij, illa quoque ad ſepulchrū eius accurrēs, de vino illo bibit, quo ſacra eius Lipſana abluta fuerunt: & ſtatim ſanitatē in corpore & animo obtinuit, male à ſe factorem culpam deplorans 24. Auguſti, & hymnis glorificans Deum qui laudabilis & glorioſus eſt in ſæcula.

CAPVT VIGESIMVM QVARTVM.

*De morſu viperarum per D. Vincentium
ſanato.*

INter alios morbos à S. Vincentio ſanatos, etiam colubri morſus & inſectorum venena, à reliquijs illius euauerūt, & vel ſolo attractu ab infecti depulſa ſunt, tam præclaro ſigno Domino eius ſanctitatem demõſtrante.

Anno ſiquidem 1634. Clemens Koſcielski vnâ cum coniuge ſua Marina præſentarunt ad ſepulchrum S. Vincentij Virginem quandam ſeruientem in domo ſua & gratiarum actiones pro ea fieri curarunt quod interceſſione inclyti Confessoris fuerit à morſu colubri cuius ſpedem mortifero in prato quodam herbas colligentem pupugit & ita

ſanatus. Dd. 3. venen.

veneno infecit vt intra spatium vnius horæ virulentia per totum corpus sese diffundente intumuerit sanitati fuit restituta, per terræ è sepulchro Beati Vincentij particulæ sua vino madefacto loco affecto applicatæ, ab eodem Clemente Koscielski & ad tumulum eius sacrum incruenta sacrificia fieri promittente. Etenim post hoc votum emissum puella doloribus liberata post fusas preces ad Deum in somnum prolapsa die crastina sana & incolumis surrexit adque Diui sepulchrum veniens magnalia Dei loquebatur.

Anno 1634. Anna Loinakowa de Przybyławice, gramen colligens à serpente calcato morfu percusa venenoso valdè sed vino de ablutione reliquiarum S. Vincentij, à ferrifabro Rogouienfi impetrato, manum virulentia veneni tumescentem perunxit, illa à morte præseruata atque optimè sana ad Diui sepulchrum cum munere & gratiarum actione peruenit 20. Ferb. An-

Anno 1634. Sophia Marcisiowa de Skroniowo, Apostema diu in pectore canceratum gerens Diui Vincentij vino perunxit, & crastina die sana facta ad sacrum eius tumulum glorificans Deum die 17. Aprilis accessit, & sana ad propria remeavit.

Anno 1634. Catharina Baranowa de villa Rogow filiam suam ex colubri morfu venenoso tumescenti inuocato Diui Vincentij nomine laterculoque de sepulchro illius in puluerem redacto & vino madefacto, digito læso applicato, & ex uitæ periculo exemit ac illam saluam ad Diui tumulum præsentauit 25 Maij.

Anno 1636. Albertus Zapart de Chorzewa infecti cuiusdam morfu venenoso intumuerat totus, cumq; nullum medicamentum prodesset Diui Vincentij tutelæ se commisit & vt primum laterculum de sepulchro illius contusum, loco arroso applicuit curatio.

tionem obtinuit. Die igitur 13. Maij Andreouiam veniens apud sacrum eius tumulum Gratias Deo Præpotenti submissas reddidit.

CAPVT VIGESIMVM QVINTVM.

*De variorum morborum curatione, per
Seruum Dei Vincentium;
patrata.*

INfinitum esset speciatim quosuis morbos virtute Sancti Confessoris sanatos enumerari præsertim cum ad eius exuiarum translationem multa è vicinis pagis confluxisset turba curationem in suis infirmitatibus eius suffragatione à Deo salutis authore postulans. Generatim igitur comprehendemus in hoc capite quotquot innominatis vexati morbis ex vino, quo sacra eius ossa abluta fuerunt cum fiducia gustarunt & sanitatem obtinuerunt. Et in primis. An.

Anno 1633. Statim à subleuatione Lipfanorum Diui, Nobilis Thomas Brzeźniański de familia Illustris. Antistitis Remigij Koniecpolski Episcopi Chelmeñ & Abbatiae Andreouienfis, Administratoris nimio dentium dolore discruciatus ad Diui Vincentij opem cōfugit, & procurato Missæ sacrificio pro peccatis suis tabellaque argentea in signum accepti beneficij ad sepulchrum eius appensa illicò se sensit doloribus liberatum die 8. Februarij.

Anno 1633. Nobilis Sophia Grzywinska, diuersis affectionibus morbisque debilitata cum nullum in medicina remedium inueniret ad Beati Confessoris Vincentij patrocinium confugit. Haustoque parumper de vino quo sacræ eius reliquiae ablutæ fuerunt, statim vires recepit Deumque in Sancto eius vt par erat mirificè collaudās omnes

Ec

via-

vicinos suos nō domesticos modò compulit exultare in Domino, & gratias agere.

Anno 1633. Benedictus Kosicki ciuis Andreouienfis Scyathicos dolores per multos dies passus vt vinum ab ablutione reliquiarum Diui Vincentij hausit, incolumis statim euasit Menfe Maio die 27.

Anno 1633. Tempore eodem & Albertus Mazan vicinus & conciuis eius, filium suum Albertum morbo grauissimo decumbentem & iam deploratum vt Diui Vincentij patrocinio commisit, ad cuius tumulum orantibus quotidie præstantur à Domino immensa beneficia vbi & illo supplex ad crucifixi imaginem filio sanitatem impetrauit. Taçto siquidem & osculato beati tumulo pristinam recipere sanitatem meruit ex templo, & sacrum Missæ officium in honorem & laudem SS. Trinitatis decantari procurat.

curauit arrhabone ex voto ad Diui sepulchrum appenso.

Anno 1633. Honeſta Magdalena Chudzikowa acerrimo correpta morbo cum diutius torſiones ventriculi ſuſſerre nequiſſet ad ingrediendum viam vniuerſæ carnis ſe reſq; ſuas iam diſpoſuerat cum tum vicinorum ſuaſu ad Diui Vincentij opem confugiſſet, bibiſſetque è vino quo ſacra eius oſſa abluta fuère eadem hora ſanitatem obtinuit, templumque Ciſterciensium adiit, & gratiarum actiones Deo Sanctoꝛum Vincentio reddidit Menſe Iunio die 5.

Anno 1633. Honeſta Anna Bożycza-wſka filiam ſuam paruam anniuerſario morbo laborantem linguamque exertam adeò tumidam geſtantem. Vt ore claudi non poſſit, precibus Diui Vincentij & meritis commendata madefaſtaq; lingua eius vino, quo reliquię Sancti ablutæ fuerunt ſubito cura-

Ee 2

uit:

uit: & vnà famulam suam graui totius corporis dolore ac debilitate affectam. Quapropter cum ijs sepulchrum Diui adiit & mnemosynon beneficij accepti tabellam argenteam appendit. Sacro de SS. Trinitate decantato.

Anno 1633. Benedictus Koricki Ciuis Andreouiensis Scyathicæ doloribus oppressus, gustato vino de ablutione reliquiarum Diui Vincentij conualuit, & primum in opido in Ecclesia Parochiali Clero conuocato gratias Deo reddidit, postea tumulum Diui 28. Maij veneratus est.

Anno 1633. Nobilis Martinus Lipnicki filium suum variolarum postulis malè affectum ad Diui Confessoris sepulchrum vouit, & die 16. Octob. sanatum præsentauit glorificans Deum, vt tabula argentea sua inscriptione attestatur.

An-

Anno. 1633. Bartholomæus Pasternaczek ciuis Neokorczynēsis filium paruulum phtyfi laborantem & iam omnino exanguem vino de reliquijs S. Vincentij in os eius infuso à morte liberauit, & sanitate pristina redonatum ad tumulum Diui stetit die 20. Octobr. ipse cum vxore sacro pœnitentiæ Sacramento expiatus gratias pro beneficio obtento religiosè decantans.

Anno. 1633. Stanislaus Krzywinszczyk ciuis Wodzisłauiensis filium habens à natiuitate distortum & compage neruorum carentem vt audiuit de subleuatione cinerum Diui Vincentij ad quorum tactū multi ægri sanantur, perrexit & ipse ad eam solennitatem filium verò cum matre curru vehi iussit. Ingressus templum Cœnobij Andreouienē: & vinum puero de ablutione cinerum Diui bibendum dedit, mox compactis neruis sepulchrum Diui circumeuntem vidit.

Igitur sacra in gratiarum actionē peragi curavit & puerum ē cera effictum inter alia testimonio collatæ per sanctum Confessorem beneficentiæ religiosè posuit.

Anno 1634. Honesti Christophori We-
soly cuius Malogoscensis puer tertium iam
annum decumbens, per totam septimanam
vsu loquellæ caruit nihilque penitus illis die-
bus cibi aut potus sumpsit, sed assiduè agonē
agere videbatur. Mœstus parens quod nec
vium posset habere nec mortuum sepelire,
die Dominico audiens pro more Sacrum
Missæ officium, Diuum quoque Vincenti-
um inuocauit promittens filium si eius ope
superuixerit ad sepulchrum illius præsentaturum.
Matre cum filia ad lectum moribun-
di assistantibus alba columba per foramen fra-
ctæ fenestræ intrans, ter puerum illum capi-
te inclinato circumuolauit & per eandem
vitri fracturam abiens, omnes domus fene-
stras

strasma ita concussit, ut tremere per notabile spatium viderentur. Puer interim surgens rogauit dari sibi cibum atque potum, quo refocillatus lætus lætum parentem à templo redeuntem salutauit. Atque vna omnes ad Serui Dei tumulum die 4. Iulij peregrinationem susceperunt refectioneque sacra synaxi magnificabant Deum qui mirabilis est in Sanctis suis.

Anno 1634. Andreas Muszka de Włoszczowa, arbores in syluis excidens baiulansque nimium adeò vehementem conuulsionem intestinorum sensit, ut sanguis ore illius naso, auribusque statim proruperit, & quod mirabilius audias, latere dextro guttatim sudor sanguineus stillaret. In grauem igitur morbum prolapsus quid aliud quam mortem expectare debuerat. Cum interim pii homines Diuo eum Vincentio commendantes ad sepulchrum illius peregrinationem subituum

rum

rum destinarent, & vino de reliquijs eius potum lecto superposuerunt sanitatem illius magna cum fiducia præstolantes. Qui miraculosè confurgens sospes & valens itineri se accinxit & votum promissum die 20. Iulij exsoluit.

Anno 1634. Mulier quædam nomine Sophia Kucharzowa de oppido Andreouienfi, intestinorum cruciatibus laborans, vinum de ablutione Cinerum Diui Vincentij hausit, & omnem dolorum molestiam protinùs euasit, & ad sepulchrum Diui accurrès gratias Deo Præpotenti reddidit & tabulæ argenteæ obtentum beneficium inscribi iussit.

Anno 1634. Bartholomæus Gruska propè Chenciniam habitans grauitè ab aduersario in caput percussus vñ loquendi amiserat doloribusque oppressus iam iam animam exhalabat. Cum forte fortuna domũ ipsius Cistercienses Monachi è Cœnobio

An-

Andreouienſi aliquorſum tendentes tranſi-
rent. Quos conſpicata vxor ipſius clami-
tare cum lachrymis ingentibus cæpit, velint
ex Chriſtiana pietate morientis animam Do-
mino Deo commendare, vel ſi aliquo modo
iuuare poſſibile laboranti in agone aliquod
ſubſidium vitæ ferre. Fratres lachrymis &
affectu moti deſcendunt in domum morien-
tis. (erat is prior Couuentus cum ſocio ſuo)
& nullam aliam rationem iuuandi habentes
Diuam Virginem Sanctumque Confes-
ſorem Vincentium in auxilium vocant. Quod
moribundus audiens, ſtatim prolocu-
tus eſt & Diui tumultum ſe viſitaturum cum
deuotione promiſit: atque ex eo deinceps
conualuit; & ad eius Sarcophagum tabu-
lam argenteam arrhabonem percepti bene-
ficij venerabundus appendit 25. Iunij.

Anno 1634. Hedwigis Kozuſzkowa
ſielifmo laborans nec cibum nec potum de-

glutire valuit, arteria aspera ita inflammata & constricta, vt ab inedia mortis periculum immineret. Igitur sumpto cum deuotione debita vino de ablutione ossium Sancti Vincentij, sanitatem inopinatam obtinuit, Atque Diui sepulchrum post expiationem delictorum signum beneficij obtenti ceræ impressum venerabunda reliquit.

Anno 1634. Regina Pazdźierowa ciuis Miechouiensis cum curru in præcipitum cadens manum dexteram in partes aliquot confregerat, atque periculose ægrotabat. Igitur voto ad Diui Vincentij sepulchrum facto, celerrimè conualuit, & in signum gratitudinis manum argenteam ad sacrum eius bustum appendit. 8. Martij.

Anno 1637. Nobilis Susanna Koweska Generosi Alexandri Koweski Vicecapitanei Zatoriensis filia, octo annos nata, graui ac diuturno morbo excruciat, & cum eiu-
latu

latu continuo torſiones ſtomachi perferens
nec malum ſuperare valens iam ad limina
Fati properare videretur. Cū interim accitus
Venerabilis Pater Valentinus, Parochus lo-
ci, vt eam ad mortem diſponeret & Sacra-
mentis ritu Catholico præmuniret, vt erat
ipſe deuotus erga, Sanctum Vincentium
Confefſorem: ita & parentibus illius ſuaſit,
offerre eam in protectionem & patrociniū
huius Diui. Aſſenſerunt mœſti parentes, &
filia ſubitò cum admiratione omnium pri-
ſtinæ valetudini reſtituta eſt. Cuius nomi-
ne tabulam idem prædictus Parochus tan-
quam teſtis oculatus ad ſepulchrum Beati
Vincentij appendit 1637 die verò 27. Iulij.
Cui hæc coram Fratribus Cœnobij ex fide
referentibus addebat authoritatem tum mo-
deſtia eius & facies canicie veneranda tum
lachrymæ ab immenſo animi gaudio ex-
preſſæ.

Anno 1637. Alexander Liczko de Owczary in itinere lapsus cum equo, graviter concussus ægrotavit, idque longò tempore satis. Ab vxore igitur voto obstrictus visitare tumulum Diui Confessoris Vincentij Kadłubkonis paucos intra dies conualuit, & cum consorte sua simul Andreouiam veniens gratias Deo pro recuperata sanitate reddidit, & in gratitudinis signum tabulæ argentæ hoc beneficium inscribi curauit. die 1. Februarij.

Anno 1635. Nobilis Gaspar Bystrzowski itineri se accingens morbo inopinato de nocte correptus ac spatio aliquot horarum conflictatus tandem ad extremum vitæ deuenerat terminum non modò loquella sed sensibus insuper omnibus & pulsu venarum amisso, vxor mœsta, Lelouia Chyrurgos aduocat, remedia adhibet. Et cum non proficiunt, sacerdotem Venerabilem Patrem Alber-

Albertum Karſniczam Vicarium Lelouient-
ſem adducit, qui extremam vnctionem ſi re-
ſpiſaſſet adhiberet, atque animam è corpo-
ris ergaſtulo abeuntem precibus Diuinæ
maieſtati commendaret. Adeſt ille & pre-
cibus adhibitis ritu Catholico ſpiritum auo-
lantem proſequitur cum interim Nobilis
Catharina Pawłowska, mater vxoris mori-
bundi Byſtrzonowski accurrit, electuaria
quæ probatiſſima habebat adhibet & cum
minimè proficere videt, Sectæ Lutheranæ,
fœmina Diuum Vincentium religioſè inuo-
cat, eiusque tot miracula patrata vel no-
lens & non credens deprædicat modo vt ge-
nerum ſeruet. Cuius inopinata pietate filia
motam marito in aurem inſuſurrat, velit no-
men ſalutare I E S V S ingeminare ante-
quam ex hac vita migraret. Exclamat ille
clara voce I E S V S, & rogat nè ſe dulciter
dormientem impedian, euigilaturum ubi

fatis somno indulserit. Cōmendant eū interim omnes afftātes D. Vincentij patrocinio, & post duas horas sub vesperam expergiscentem interrogant quid actum fuerit cum illo. Qui per omnia sanus factus, vice versa quærit ab illis, quid velint à dormiente, cur sacerdotes, medicos, & tot luminaria adhibuerint. Tum narratur illi tempus ægritudinis eius modus adhibitorum remediorum, & vitæ desperata salus, nisi hæretica mulier Diuum Vincentium ingemināset. Quo intellecto; serjò pro peccatis dolens, sepulchrū Diui Vincentij maxima cum deuotionè inuisit crimina exemologesi sacra expiauit, & gratijs, gratibusq; Seruo Dei præstitis. 11. Nouemb. supremum numen glorificans, domū sospes redijt.

Anno 1638. Nobilis Virgo Leonora Tengoborska voto facto ad sepulchrum Diui Vincentij subito è magno valetudinis suæ
peri-

periculo conualuit quæ tota miserè contracta nullo pedum manuumque officio uti potuit, varijsque affectionibus & doloribus diuexata fuit. Igitur beneficij memor ad imaginem Diui tabellam argenteam cum inscriptione rei factæ appendendam misit die 24. Martij.

Anno 1640. Duo Fratres Ordinis Cisterciensis è Monasterio Sczyrzycensi Pater Iacobus, & Frater Valerianus in morbi grauitate è medicis derelicti consensu superiorum suorum fecerant votum visitandi monumentum Diui Vincentij, cuius intercessione pristina sanitati sunt restituti. Vt igitur redderent vota facta, cum literis sui Superioris Fratris Martini Pawlikowski & licentia Abbatis se Andreouix præsentarunt die 27. Iuij 1640.

Anno 1640. Nobilis matrona Elizabeth de Bystrzeiowice Zaboriska per biduum
coli.

colicos dolores & ilei intestini cruciatus passa erga beatissimum Vincentium Kadlubkonem magna animi deuotione concepta, fleuit largiter & votum Domino nuncupauit visitaturam se Sarcophagum eius. Interea verò hausto vino de ablutione ossium eius sacrato indulcem somnum prolapsa per aliquot horas suauiter dormiuit. Atque tandem euigilans cibo corpus debilitatum reficere à circumstantibus petijt, protinusque reddendarum gratiarum actionum causa pro obtenta sanitate in viam se dedit. Cumque 2. Ianuarij sacrum eius sepulchrum honorasset hymnis & glorificationibus pristinam sanitatem totaliter obtinuit.

Anno 1640. Nobilis Sophia Morſka de Zagaiowo propè Viſliciam habitans per duos annos. Hecticis Asthmaticis Lientericisq; doloribus excrucitata post tot in vanum sumpta medicamina doloribus ad extreme-

tremum oppressa vsum loquellæ perdidit. Cumque desperatæ iam salutis esset, ignota omnibus fœmina quædam aduenit & Diui Vincentij nomine ingeminato inter tumultuantes domesticos nescitur quo abiit & unde fuerit. Hæc verò quæ infirmabatur ad nomen Vincentij loquellam miraculosè statim resumens, seque celeberrimum eius tumulum adituram deuotè obstringens protinus sanam & saluam sensit Andreouiam iter suscepit gratiarumq; actiones solennes cum hymnis & incruento sacrificio die 12. Iunii peregit.

CAPVT VIGESIMVM SEXTVM.

De Suscitatione Mortuorum.

Sic glorificat Christus D. suam maiestatem puro corde in hac vita glorificantes illis quibus maiorum miraculorum, quæ

Gg

ipse

iple in terris conuersatus fecerit virtutem impertitur. De illo enim in Euangelio legimus quod tres solummodo ad vitam mortuos reduxerit ex eius autem discipulis complures numeramus qui vltra triginta ad vitam reuocauerint defunctos. Sed quos inter & Vincentius Sanctus non minus viuis quam defunctis compatiens compluribus vitam redonauit, præstante hac in parte largius quam alijs gratiam Christo Iesu Saluatore nostro qui suæ diuinitatis vim per Seruos suos fideles vt vult exercet, & quantum vult pro sua bonitate, sanationum dona tribuit.

Anno igitur 1594. Infans agricolæ cuiusdam de villa Mokrsko dicti Wrobel, à matre propria baiulatus & per interuentionem negotij cuiusdam relictus in animaduertenter decidens in aquas suffocatus fuit. Nec mater animaduertit nisi post duas, aut ampli-

us

us horas curis distenta domesticis. Igitur in lachrymas & eiulatus prorumpens infantem humi positum cum tota domo Diui Vincentij patrocinio commendat, plenaque spei & vitæ infantis secura die sequenti Andreouiam pergit, positumque ante altare Christi Crucifixi in medio chori Diuum Confessorem toto pectore inuocat, Dominumque Iesum pro sua simplicitate cordis rogat velit Serui sui gloriam manifestare atque eius precibus puerum sibi rediuuium redonare. Quod dum orat infans inuagitus prorumpit in præsentia tot hominum & Fratrum Sodalium Cœnobij Andreouiensis præcipuè verò Patris Iacobi Iasinski Prioris Conuentus. Quiseriem rei in Diarijs domus connotare iussit.

Anno 1633. Laurentius Ioachimuscuius Andreouiensis quatuor filios habebat Simonem iam adultum, Adamum verò Ioannem, & Iacobum, minorennes, iusserat

itaque natu maiorem præparare argillam
pro vsibus domesticis, quam ille humi effos-
sam curru conuehebât in prædium, fratres
natu minores vti puerorum mos est sequebā-
tur currum ludentes; Tandem fossam sub-
intrarunt & domunculas ex argilla plasma-
bant, cum interim humus nimium suffossa
desuper cadens oppressit omnes ludicro oc-
cupatos. Post horam autem elapsam aut am-
plius redit cum curru natu maior frater qui
argillam deuehebat, & videns hiatum mon-
tis terra coopertum fratresq; ibi ludētes non
comparere, curru relicto & bobus ad Patrē
ocylsimè properat, nuncians fratres montis
ruinâ esse oppressos, & quos tot viri robusti
defodere vix valeant. Consternatus Pater,
citissimè conuocatis cum ligonibus rusticis
properat ad eliberandum sobolem suam ter-
ræ hiatu oppressam. sed ecce videt nimiam
humum proruisse in eos vt vanus sit omnis
la-

labor in effodiendo positus. Mærore igitur
vrgēte è paternis viscerib⁹ vocem ad Diuum
Vincentium emittit, eumq; solum post Deū
liberatorē liberorum suorum appellat, & vi-
uos conspecturum se omnes firmiter credit.
Iubetq; remouere humum quantum possi-
bile putat ad respirandum suffosis sufficere.
Quod dum omnes maximò conatu faciunt,
audiunt quidem vocem è terra quandam
prosilire sed prorsus nihil significatiuam.
Instant igitur operi absque intermissione,
imò maiori cum nisu & conatu. Ac inprimis
effoderunt Ioannem septennem penitus vita
carentem, tandem & Iacobum sexennalem
omni spiritu carentem atque vltimo Ada-
mum duodennē sed maximo cum periculo
etiā suo, terra magis ac magis super eos ruēte
Cæterum pueri omnes inuenti sunt habitu
sedentium & in modum orantium manibus
complicatis. Quo signo per moti omnes,

qui humum illam effodebant vnanimi voce
Diuum Vincentium ingeminarunt eiusque
precibus & auxilio suffocatos illos tres pue-
ros commendarunt. Interea temporis vi-
num de ablutione sacrorum eius cinerum al-
latum fuit, quo singulorum cadauerum ora,
oculos & aures cum religione & spe firma
madefecerunt. Cum ecce tres pueri illi ve-
lut è somno excitati parentem miraculi ma-
gnitudine consternatum alloqui cæperunt,
omnesq; ad rei nouitatem accurrentes penè
in admirationem redanimatione rapuerūt.
Quod beneficium soli Deo læti parentes tri-
buendo, Missam de SS. Trinitate decantari
à Monachis efflagitarunt, & in signū gratitu-
dinis, trium puerorum è terra prodeuntium
effigiem apud Diui sepulchrum appende-
runt die 19 Septemb.

Anno 1633. Margarita Sobkowico-
wa ciuis Andreouiensis filiolo suo agonizanti
opem

opem à Diuo Vincentio petijt, infusaq; guttula vini ori eius quo ossa Diui abluta fuerunt in instanti sanatum eum à morbo vidit. Quare prostrata in terram adorauit Altissimum bonorum omnium vitæq; largitorem puerumque iam deploratum benè sanum & valentem ad tumulum Sancti præsentauit die 10. April.

Anno 1634. Regina Sizwina de Baudrychowice, morbo graui oppressa quinque diebus pro mortua censebatur, quod omnibus sensibus destituta, nullum aliud signum vitæ daret, præter respirationem exiguam quæ vix in speculo admoto deprehendi potuit. Igitur à Nobili matrona quadam eo superueniente ad Diui Vincentij sepulchrum oblata vinoq; de reliquijs eius ablutis refocillata manifeste respirauit, & aliquot post horas ad se redijt. Ac tandem 15. Ianuarij tumulum Diui venerata, peractis Deo Præpotenti

tigratiarum actionibus domum incolumis redijt.

Anno 1634. Sophia Snopkowa de Luborzyca, per annos quindecim & amplius asthma & sincopen passa, ad extremum inopinato cadens super terram ab omnibus pro mortua habita est. Interim superueniente quadam piâ ac deuotâ matronâ, & multis sermonibus persuadente domesticis in Diui Vincentij patrocinium commendata fuit, vinoq; de reliquijs ipsius gutturi, infuso paulò reforta, liberio rem respirationem in posterum habuit. Confestimq; omnium cum admiratione surgens sepulchrum eius sacrum visitare proposuit. Quod & præstitit 10. Februarij maxima cum deuotione.

Anno 1636. Heduigis molinatoris KŹzanensis vxor, filium paruulum ope Diui Confessoris vitæ & incolumitati restitutum ad sepulchrum eius obtulit Gratias Deo Præpo-

potenti agens, quod prolapsus in aquam & suffocatus, rotaque molendini totus contusus & fractus ad inuocationem nominis eius respirare, cæperit & paucos intra dies ad se redierit nulla alia medicina adhibita Præsentatus Andreouix 12. Maij.

Anno 1636. Christophorus Wroblik de Wasniowo, vxorem suam Emerencianam integro die partu laborantem Diuo Vincentio commendauit. Quod vt fecit illa quidem doloribus statim soluta fuit sed partum suffocatum enixa est. Igitur equo celeri fratri suo Alberto germano Vicario Opatouiensi de gaudio & mærore suo nunciat magnopere rogitando quatenus sacrificio celebrato partum exanimem Seruo Dei Vincentio in tutelam offerat, vt baptismo saltim reanimatus initiari possit. Paret lubens fraternæ petitioni Presbyter, & fiducia magna excitat9 rediuium Alberti nomine appellari.

ri iubet. Nuncius itaque Opatouia reuersus infantem viuum iam & sanum reperit. Quē deinceps parentes læti ad sepulchrum Diui magna cum religione 18. Septemb. præsentarunt Magnificantes Deum qui in Sanctis suis gloriosus est in sæcula.

Anno 1638. Christophorus Ruskowski Organarius de Konieczno filium suum itidem nomine Christophorum trium annorum morte abreptum ad inuocationem Beati Vincentij reuixisse bona fide asseruit quem ad Diui monumentum vnà cum filia quinq; annos nata nomine Barbara è semestri ægrotatione conualescentem præsentauit & miserationes Domini corde & ore confessus est. Quo miraculo omnium audientium ita exhilarata fuerunt pectora, vt omnes in laudes Dei Sanctique Vincentij per quem ipsi quoque beneficia poscerent protinus prorumperent.

An.

Anno 1640. Lublini in foro Stramī-
neo puer sex annorum ferè ceciderat in aquā
ad molendinum maius protrususque impe-
tu aquæ ad rotam ingentem grana tunc mo-
lentem confractus totus & suffocatus, motū
rotæ retinuit corpore suo ita stricte inter asse-
res intruso, vt cursus machinæ impediretur.
Erumpunt itaque artis molinatoriæ homi-
nes, vt videant, quid cursum aquæ & rotæ
volutationem impediatur, & ecce puerum exa-
nimem totumq; iam contusum motu ingenti
rotæ illius aduertunt. Tandem catharactis
aquarum seratis extrahunt, & cuius esset dili-
genter inquirunt. Tunc ad rei spectaculum
concurrente vicinia mæsti quoque parentes
interueniunt agnoscunt prolem suam & ca-
sum lamentantur plorant & tandem funus
cogitant. Cum inrerim ad spectaculum ma-
gis ac magis plebe accurrente, duo quoque
nobiles superueniunt, & eiulantem matrem

consolaturi, dicunt: Andreouix esse recen-
ter nunc subleuata ossa Diui Vincentij Ka-
d'lubkonis ad cuius tumulum mira quotidie
patrantur beneficia, & per viciniam vniuer-
sam sicut expetuntur votis, ita præstante Do-
mino nostro Iesu Christo frequentibus ap-
probantur miraculis. Faceret votum sisten-
di se eo cum rediuiuo puero & Deus consola-
tionis fortasse respiciet lachrymas suas: Facit
mater quod suadetur & ecce malis rube-
scentibus puer quasi de graui somno suscita-
tus excutitur apertisque oculis mox se in pe-
des erigit & omnes tam inopinato miraculo
consternatos ad reddendas præ gaudio cum
lachrymas gratiarum actiones omnipotenti
Deo concitauit die 22. Iunij Anno 1640. Cu-
ius rei fidem & testimonia oculata perquisi-
uit Frater Iacobus Prior eiusdem Conuen-
tus Andreouiensis Lublini tunc negotiorum
causa commorans & Illustrissimo Antistiti
Re-

Remigio Koniecpolski tanquam Administratori Monasterij sui diligentissimè illico perscripsit.

CAPVT VIGESIMVM SEPTIMVM

*De Animalibus à Sancto Vincentio
curatis.*

Multa profectò sunt serui Dei Vincen-
tij & admiranda valdè gesta, quæ, vel
fama referente, vel virorum piorum
authore testimonio, ad nos peruenêre, quæ
ramen vniuersa stylo comprehendere non
possumus; partim, ob infinitum laborem, in
enumerandis nominibus & cognominibus
eorum qui beneficia ab eo reportarunt; par-
tim ob vitandam prolixitatem, & tædium le-
gentium miracula sancti. Prout & illa, quæ
in brutis animalibus sanandis Deus illius in-

tercessione fieri voluit recensere est difficile. Verum ad elucidationē sanctitatis Viri Dei, duo aut tria memoria digna exempla adferemus: ex quibus facile quisque agnoscere poterit, quantus apud Summum Arctiatrum Deum sit vir iste beatissimus, quantumque valeat, vel obtinēdo quæcunque poposcerit, vel exterminando, quæcunq; in mortali vita constitutus vitauerit.

Anno 1634. Honestus Thomas Cyprijski ciuis Andreouiensis, iter domo remotius agens, & equum, quo vehebatur, ex defatigatione, morbo sibi incognito correptum habens, cum nullum in syluis consultorem, aut remedium curandi habere potuisset & noctis superuenientis tenebras solus exhorruisset, procumbens in genua Diui Vincentij opem calidis precibus exorauit. Et ab oratione firmior ipse animo surgēs, equū quoq; sanatum & robustum continuò animaduertit,

tit, & reliquum itineris gaudens ac securus peregit. Tandem tumulum Diui adiens & glorificans Deum, equi efflicti statuam ceream inibi reliquit; vt per hæc recenseat memoria posterorum, quanta illic per nomen Vincentij claruerit gratia Dei.

Anno 1634. Pauper agricola villæ Racouiensis, nominatus Ioannes Skowronek, bouem fluxu sanguinis interitui vicinum cernens, Diui Patroni sui Vincentij curæ indubitata commisit, sperans cum aratro vtilem fore ope illius cælitus superueniente. Quod vt assequeretur promisit se loculum eius sacrum deuotè visitaturum, & oblaturum ad altare munus pro viribus & conditione sua. Audiit Sanctus, & misertus sortis clientis sui, bouem extemplò sanauit, ne inde ad egestatem vergere videatur. Et rusticus arietem pro boue restituto lubenti animo offerens, testatus est gratitudinem suam: & ad

rei perpetuam memoriam inter alia apud sacrum eius tumulum mnemosyna appensa, taurum etiam è cera formatum die 28. Iulij reliquit, & in sancto Confessore Deum ipsum glorificans, lætus rus suum redijt.

Anno 1634. Sophia Raczowa Andreouienſis, vaccam, quam vnicam habebat, inedia pereuntem ob exulcerationem inteſtinorum, pane intincto vino S. Vincentij, & in os animalis inſeſto, ſubitò reſtaurauit, ac die ſequenti ad mulgendum vtilem habuit. Quapropter miraculo permota, ſtatim Diui ſepulchrum adiit, & gratias Deo Præpotenti agens, miraculi ſeriem tabellæ argenteæ inſcribi curauit, & die 19. Iunij. ad Diui Sarco-phagum appendit.

Anno 1635. Sophia Flackowa, ciuis Pinczouienſis, vaccam morbo pereuntem Diui Confessoris Vincentij tutelæ commendauit: paucosque intra dies benè ſanam, cer-

to pretio vendidit. Deque pecunia illa, partem pauperibus, partem sacris faciundis in templo Cœnobij Andreouiensis dedit: reliquum verò in vltus proprios conuertit, apud tumulum Diui solennibus Deo gratiarum actionibus, pro beneficio tanto factis.

Anno 1635. Sophia de villa Obidziec, pecoribus pecudibusq; vicinorum passim contagio pereuntibus, suum pecus quod nōdum pestilentia vastatum fuerat D. Vincentij curæ commisit, voto sese obstringens sepulchrum illius sacrum deuotè, & cum oblatione adituram. Ergo voti compos facta, die 21. Iunij promissum exoluit Deo gratias referēs, cunctisq; mente deuota patefaciens, quod per Beatum Vincentium pecus suum periculum contagionis euaserit.

CAPVT VIGESIMVM OCTAVVM.

*De punitione, illudentium Viro Dei, atq;
negligentium reddere vota
promissa.*

SANCTUS & magnus Confessor Dei Vincentius, apertissima mortalibus conferens beneficia, contra omnes morbos ac vitia, morbo etiam punire voluit sanctitati suæ, homines minus affectos aut in votis Deo pro acceptis beneficijs, exsoluendis negligentes: vt & intemperantem illorum linguam castigaret, curandoq; illatum in pænâ dolorē, benignum se clientibus suis monstraret, & horum ingratitude exprobratâ alios in reddendis gratijs debili admoneret.

Anno itaque 1634. Honestus Ioannes Madeyski. artis ephippiariæ ciuis Andre-
dre.

dreouienſis, febrī maligna oppreſſus anno ſuperiore, 1633, voto ad tumultum D. Vincentij factō, miraculoſè conualuerat, uſumq; gradiendi deperditum, veniens ad Ædem ſacram recuperauerat. Sed quia à potationibus & ebrietate aſſueta, uti Diuo ſuo patrono & Deo Omnipotenti promiſerat, non deſtitit, in eundem ferè morbum anno ſequenti incidit, vlceribus inſuper, & ilei inteſtini cruciatibus caſtigatus. Quare obrutus ſuperuenientibus malis, iterum Serui Dei opẽ implorat, vota noua addit, & vitæ diſſolutioris emendationem ſeriò promittit, modo priſtinæ ſanitati reſtitui poſſit. Audit ille benignè; & media nocte ad ſe clamantem, ſomno iucundo beat, & malis omnibus diuinitùs medetur. Expergefactus igitur poſt aliquod tempus, qui malè habebat, cum per omnia ſanum ac ſoſpitem ſe videt, cæpit flexis genibus, in gratiarum actionem, Roſarium B.

V. Mariæ recitare: & ecce interim videt processionem Monachorum Cisterciensium, è sacrario templi ad Cœnobium siti procedere, per ambitum Monasterij, ad Sarcophagum. Diuo Vincentio nouiter exstructum. Ad quod duæ candelæ supramodum lucentes locatæ erant: tertiâ verò vir quidam aspectu venerabilis, & habitu Episcopali vestitus manu vna tenebat, altera verò librum precationum. Tandem Monachus vestitu albo procedebat Sacrosanctam hostiam deferens in vase argenteo (vulgo Monstrantia dicto) quem penè sequebatur Angelus, manu vna baculum pastorem, altera verò tiaram Pontificiam gerens. Deinde præibat tumbam cum reliquis stella è cælo perueniens lucidissimam Capsam autem seu loculum portabāt quatuor monachi fertis aureis redimiti. quos iterum sequebantur duo venerabiles Monachi, iunior alter & alter senio decorus, qui
mani-

manibus suis coronam lucidissimam gestabant. Qui omnes ad altare maius accedentes Sacrosanctam Eucharistiam ibi locatam adorabant; & tandem ad supradictum sepulchrum ordine suo procedentes, tumbam seu capsam cum reliquijs quas honorifice deferebant, in illud cum reuerentia deposuerunt. Tunc Episcopus ille, qui cereum manu tenebat ad sepulchrum illud astant, extincto lumine continuo disparuit. Et Angelus similiter cum illo. Monachi verò qui tumbam deferebant, aut processionaliter incedebant flexis ad tumulum genibus, aliquantulum orarunt, ac postea omnes simul disparuerunt. Prædictus verò Ioannes Madeyski qui hanc visionem habuit, consternatus animo, corpore quoque totus tremebat, & Diuum Vincentium iteratis vocibus ingeminando, firmissimo se voto obstrinxit, abstinere ab omni peccato & ebrietate, ac prima

luce ad tumulum eius currens, recuperatæ sanitatis symbolum tabulæ argenteæ impressum, in pariete appendit, & quam viderat visionem, glorificans Deum, Sodalibus Cœnobij iureiurando exposuit, sacris ac Diuinis mysterijs præmunitus.

Anno 1634. Stanislai figuli Neokorczynensis, vxor nomine Sophia, morbo grauissimo ex Artetica, Ophtalmiaq; commixto, periculosè decumbens in lecto, cum iam loquellam amisisset, vino de ablutione reliquiarum S. Vincentij à marito peruncta & potata miraculosè vitam à Deo impetrauit & incolumitatem. Sed quia sepulchrum Diui, ob curas domesticas visitare neglexit, post elapsum semestre, ijsdem affectionibus, aut forsan grauioribus punita, iterato votis & donis placat Sancti Confessoris gratiam: promittitq; seriò ac sedulò, ad tumulum eius sacrum accedere venerabunda, quam primum
con-

conualuisset peregrinatione pedes suscepta. Igitur sic animata conualuit, & ad redditio- nem gatiarum properauit die 6. Augusti. cum nusquam fuerit difficile Deo, exaudire preces miserorum, fideliter ad se clamantium. Et mulier impetrata venia, impetrauit simul & sanitatem. Fletusque ab omnibus præ læ- titia, Deo laudes, Deo gratias, clamantibus cum marito. Crescit debito Confessori reue- rentia, fama volat per totam viciniam, discur- ritque longius per totam Poloniam, quod eis Dominus patronum tanti meriti excitasset, qui sibi contra omnia aduersa præsidio, vel remedio esset.

Est & aliud miraculum, quo Dominus voluit omnibus testatum efficere, quantis or- natus sit meritis Antistes beatissimus, Vin- centius Kadlubkonis. Episcopus quidam vi- sitans sepulchrum eius cum deuotione, vt na- tura facetus erat, abitionem parans & iter su-
um

um prosequens, iocosè quidem, quoad sæculum nostrum & mores deprauatos, sed parū consideratè, quoad viri Dei humilitatem & sanctimoniam, ad suos conuersus dixit. Magna profectò huius Sancti moderatio animi & humilitas, qui Senatoria Pontificiaq; dignitate spretâ, insulforum Monachorum sese discretioni commiserat. Quod si ego ad similem insaniam deuenissem aliquando, rogo vos, ligatum potius sub custodia asseruate, quam vt me monachum fieri permittatis. Vix effatus ista, cum ecce Neme-sis à tergo superueniens, horrore quodam totum perfudit, & rhedam conscendentem frigore primò ac æstu postea ingenti febris quartanæ exagitauit. Quo malo anno integro quassatus, cum iam sibi finem vitæ imminere animaduertisset, deq; commissis culpis seriò dolere cœpisset: ecce videt senem quendam venerandum, habitu monacha-

chali albo splendentem ad se venire, qui talibus eum affatus postea disparuit. *Ego sum*, inquit, *Vincentius de domo Rosarum*, cui tu nuper illusisti: rogavi pro te *Altissimum*, qui veniam tibi dedit, sed vitā prolōgare noluit. Episcopus ille tali nuncio consternatus, in lachrymas prorupit, & culpam deprecatur, pectusq; crebro tundens, almi Patris auxilium possit; & familia conuocata, domum suam disponit, sacris se mysterijs & viatico munit, tum deniq; manibus extensis ad Deum, spiritum ei magna cum fiducia reddidit. Ostenditq; in eo virtus diuina geminam potentiam, tum vindictæ, tum veniæ.

Anno 1638. Generosus Eustachius Domaszewski, ex Districtu Lucouien. de Armis Ostrew. 16 Maji Andreouiam veniens, visitare limina S. Vincentij Kadlubkonis, vnâ cum focero suo Nobili Georgio Czekanowski, & vxore sua Anna de Zaskocze, è Satrapia

Culmensi, eiusmodi relationem suæ ægritudinis atque conualescentiæ in Monasterio reliquit. Tempore, inquit, quodam Carmelita Cōuentus Cracouiē. veniens ad hospitium meum Lublini petijt à me dari sibi eleemosynam; quam vt abundantio-rem haberet, offerebat mihi particulam laterculi de sepulchro B. Vincentij, cuius miraculorum fama tunc percrebuerat in tota Polonia. Cui ego (parum de miraculis credēs, quæ passim à Monachis sparguntur) Pater, scio pro certo hunc laterculum esse simplicem, nec virtutem in se vllā sanandi morbos habere, sed vt liberaliores tibi patronos efficias, soles vnicuique eiusmodi munus offerre. Hæc quia seriò locutus sum, & laterculum illum contempsi, statim morbo Hemorogidiaco correptus fui, magisq; ac magis in dies intestinorum dolorem persenssi, qui me ad animi deliquium adigebant. Sumpsi & de laterculo illo à Carmelita mihi obla-

oblato aliquoties; sed frustra, & absque ullo profectu: Numine Sancto meam incredulitatem per biennium puniente. Accidit, ut villam Opalenicza, propè Brodniciam, descenderem consultò ad nobilem quandam matronam, & pietatè conspicuam, Euam Rokitnicka, quærens ab illa remedium aliquod infirmitati meæ. Hæc inter reliquias diuersas, habuit quoque particulam laterculi de sepulchro B. Vincentij, monuitque me primò, ut fide plena, & deuotione religiosa erga hunc Sanctum, sumerem pulueris parùm cum vino, obstringeremq; me voto adire tumulum eius sacrum, & munus aliquod, cum gratiarum actione offerre, atq; perpetuò habere illum in Patronum sibi. Feci, quod iussus eram, & vino illo cum fiducia magna hausto, protinus conualui. Atque ideo hanc peregrinationem suscepi, ut voto exsolutus, quam Deus misericordiam facere mecum, huius San-

Et intercessione dignatus est, vobis Patres Religiosissimi sepulchri illius custodibus, ore, & scriptura mea, testatam facerem.

CAPVT VIGESIMVM NONVM

*De Testimonijs piorum Virorum, obtenta
per Diuum Vincentium, pristina
sanctatis.*

QVam etsi optimè sciam & credam, quod excellens gloria seipsa sit contenta, nec vnquam alieno præconio egeat: præsertim illorum qui in cælo coronas adepti, cum Christo regnant, nulli blasphemix, incredulitatis, aut maledicentiæ obnoxij: Tamen, vt ad eorum quoque notitiam, Sanctorum indubitata beatitudo, & virtus patrandi miracula, perueniat, qui nondum nati sunt: ideo, multi illustres in Ecclesia
Dei.

Dei viri, Martyrum, Confessorum, Virginum, diuersorumq; Seruorum Dei vitas conscripsere, vt in eis illustretur potentia Diuina infinita, quæ à cælo in ima terrarum quoque defluit, bonitatem Dei secum deferens, & opere ipso confirmans illud *Davidicum*.

Quoniam in æternum misericordia eius. Hæc siquidem fragilitati nostræ, vsque ad extremum mundi patrociniabitur, & subueniet in necessitatibus nostris. Quemadmodum igitur omnes illi felicissimi sunt, & dicuntur, qui in eam curam diligenter incumbunt, vt per veram fidem, firmam spem, & indiuiduam charitatem, semper maneant in Christi corpore mystico, quod est Ecclesia Dei viui, columna & firmamentum veritatis: ita è diuerso, non possunt non esse infelicissimi, & omni prorsus dono viuificantis Dei gratiæ non destituti, qui ab hac Ecclesia, per Schismata, & varias Hæreses segregati, in tales

præter alios errores delebuntur, vt non admittant inuocationem Sanctorum, non credant tot & tam euidentibus miraculis, ad sepulchra eorum patratis. Proinde ad conuincendam talis impiam contumacemq; incredulitatem. Diui Vincentij admirabiles virtutes, Diuina gratia nobis exhibitas, piorum virorum, & in dignitate functioneq; Ecclesiastica constitutorum, testimonijs, in illis ipsis declaratas, nonnullas hîc adferre voluimus: Et in primis.

Anno 1636. Ego Martinus Zdziewoyfki Vicepræpositus Pilcensis, S. Authoritate Apostolica Notarius publicus recognosco præfenti attestatione mea manuali, venisse me exsoluendi voti gratia ad Conuentum Andreouienfem, qui eram graui feбри continua per dies septem correptus à Dño, voto verò per Fratrem meum germanum Gregorium Zdziewoyfki actu Diaconum facto de-
repen-

repente per Dei gratiam & intercessionem
B. Vincentij (vt ego credo) à febris liberat9
& pristinæ valetudini restitutus fui.

Et incontinenti quoque simili affectione
& morbo laborās honestus quidam Ioannes
Trzonsała faber ferrarius & ciuis Pilcensis,
tertio iam recidiuus, & ab vxore atque liberis
suis deploratus voto ad Diuum Vincentium
per vxorem facto conualuit. Quæ mox ad
me cum lachrymis accurrit sacrum Missæ
sacrificium fieri pro gratiarum actione ve-
hementer rogitans. Quod ego sic & non ali-
ter factum, eadem recognitione fideliter at-
testor Anno Domini 1636. die verò 16. April.

Ego idem qui supra m. p.

1636. Ego Valentinus Kraszkwicz
Vicarius Zarnouiensis similiter recognosco,
quod sim expertus in infirmitate mea Beati
huius Vincentij Kadlubkonis merita, præci-
puè febris calida per quatuor septimanas la-
bo-

borans. Facto verò voto ab ea liberatus sum die 28. April. Anno 1636. *Jdē qui supra m. p.*

1636. Ego Stanislaus Koszukowicz Poenitentiarius Ecclesiæ Cathedr: Crac. Canonicus Sandecensis firma fide sentio, quod interuenientibus intercessionibus & meritis Diui Vincentij ad cuius solius opem confugebam, bis à porta mortis reuocatus fui cum humana deficiebant subsidia. Votum prius non per me fuerat factum qui grauissima febris calida Dzierżaznæ laborabam, sed per pios fideles mihi decumbenti assistants. Posterius verò votum ipsemet volens emisi graui laterum dolore & constipatione pressus, quod antea huius viri Dei meritis fuerim sanatus. *Ego idem qui supra m. p. Anno Dñi, 1636. die S. Helizabethæ sacro,*

1637. Ego Ioannes Smugowicz Plebanus in villa Zielenice testor hac scriptione mea, quod filia patrisfamilias dicti Blasij Pod-
fie-

fiedlik nomine Eua annorum octo morti vicina, in Parochia mea, per inuocationem B. Vincentij, & per sumptionem in parua quantitate lateris de sepulchro Beati istius, conualuerit, & pristinae sanitati restituta sit. De quo fidem facio. *Idem qui supra m. p.*

Anno Dñi 1638. 7. Nouemb. Ego Frater Carolus Traffarowicz Fratrum Eremitarum Ord S. Pauli Primi Eremitæ Presbyter Professus, pro tunc Concionator Ordinarius Conuentus Pinczouienſis, postquā in malignam febrim in Conuentu Clari Mōtis Czeſtochouiē. incidi, & vinum, quo lauabantur ossa B. Vincentij, fide firma, & deuotione maxima erga eundem, sumpsi. Ex tunc ad pristinam valetudinem redij. Quocirca in recognitionem tanti beneficiij Deo Opt. Max. imprimis, & eidem B. Vincentio, sepulchrum eius visitaui & vota mea supplex eidem persolui. *Idem qui supra m. p.*

Ego Ioannes Sadkowski Præpositus Ecclesiæ S. Iacobi Cazimiræ ad Cracouiam, Varsauiam iter agendo Andreouix in oppido in infirmitate mea, quæ mihi deuenerat, vnde nescio: sed fortassis ex frigore ingenti. Feci votum ad B. Vincentium, cuius corpus sepultum in Monasterio Reuerendiss. Ord. Cisterciensium ad oppidum hoc sito, & per eius intercessionem & misericordiam Diuinam conualui die 2. Ianuarij 1638. ad cuius rei fidem subscribo me manu propria.

Ego Stanislaus Suchorabski Vicecuratos Ecclesiæ Collegiatæ Vislicensis, bona conscientia recognosco matrem meam Catharinam dum votum in manibus meis, iam iam agonizans, post extremam vnctionem susceptam, faceret, vbi primum conualuisset visitandi sepulchrum B. Vincentij, subito cōualeſcere cæpiſſe; ſucceſſuq; temporis vti ad bonam & perfectam redijt ſanitatē, votum
hoc

hoc exsoluisse. Anno Domini, 1638. die verò 7. Iunij.

Idem qui supra m. p.

Ego Cyprianus Ioannes Machowski Plebanus Niegouienſis Anno Dñi 1639. A Dominica Paſſionis, toto reſiduo tempore Quadrageſimali, graui morbo correptus decubui, omniq; motu corporis carens, & deſtitutus humanis auxilijs, ad diuina me contuli præcipuè Clari montis Czeſtochouiẽ. ac villæ Leſniow viſitationẽ. Sed poſtquam relatum accepi de miraculis ad ſepulchrum B. Vincentij Kadlubecij Andreouiæ ab ope diuina alijsq; donis collatis quibus mortales ſunt ſanati maximopere innotescere, ad eundem vnà cum alijs parochianis meis maximè verò pauperibus me contuli, repenteq; vigorem in me ſentiens poſt vnã atque alteram Septimanam priſtinæ valetudini ſum reſtitutus. Ad cuius tumultum 4. Iulij Omnipotenti Deo gratias cum prædictis pauperi-

bus perfolui, in Monasterio Andreouienſi.
Anno Dñi 1640. *Iſdem qui ſupra m. p.*

Ego Nicolaus Raphanius Plebanus Goſ-
cenſis, teſtor quia Generoſa Dña Sophia Bel-
chacka, ſub Parochia mea exiſtens graui
morbo laborauit, ita vt iam penè agonizaret
& loquellam perdidiffet. Quæ per me voto
facto ad ſepulchrum B. Vincentij ſana facta
eſt Anno Dñi 1639. die verò 2. Iulij.

Iſdem qui ſupra m. p.

Sed quid mirum, ſi tam mira in his qui
teſtimonium perhibēt veritatis efficit vir ad-
mirabilis Vincentius? immò vero non ipſe,
ſed Deus in illo? Alioquin, *Tu es Deus*, inquit
regius Pſaltes, *qui facis mirabilia*. Nos autē
populo tuus, & oues palcux tuæ, non aliunde
ſalutem expectantes, niſi à te, Domine, qui
creaſti, & redemiſti nos. Et cui pro tam im-
menſo beneficio, & amore ineffabili, ſit à no-
bis, & ab omni creatura, Gratia, Gloria, &
Honorificatio, in ſæculorum ſæcula. CA-

CAPVT VLTIMVM.

*Breuem Parænesin ad Sodales Cistercienses,
Andreouia habitantes, continens.*

Quemadmodum diuitibus sæculi huius, mos est, ad Regiam procedentibus, ante se viros industrios præmittere, qui hospitales musas, & necessarios sibi apparatus commodè procurent: ita vobis Fratres Charissimi, in militanti hac Ecclesia constitutis, gratum sit, è Cistercio Andreouienſi, præmiſſiſſe ad Curiam illam cæleſtem, quo omnes properamus, tot viros Sanctos è medio veſtrum, Polono ſanguine cretos, qui interim, & apud Supremum Numen, vobis ſint placidi oratores, & in quibus vos ſuſcipiant poſtmodum, ſydereas prouehât in mæſiſſiones. Quos inter, habetis inclytum Antiltitè Vincentium Kadlubconem Episcopum Cra-couienſem: qui in corpore degens, Chriſto Redemptori ſuo, ita accuratè ſeruiuit, vt eum

pauperem imitari cupiens, paupertatem voluntariam adamauerit, Senatoriâ, Pontificiâque dignitate relictâ. Pro tantis igitur virtutibus, & humilitate, post obitum in cælum receptus, sociatusque Sanctorum Confessorum agminibus, regnat coronatus in gloria cælesti, Regni nostri Polonici misérias prospiciēs, & necessitatibus popularium suorum quotidie subueniens apud Deum. Habes igitur Andreouia tuum singulare solatium, obtines speciale patrocinium, & inter alios quos præmisisti intercessores, peculiari dono Dei, possides tutelarem tuum Diuum, auerruncatorem mali Vincentium Kadlubcum. Per eius siquidē merita, coepit tui profectus initium: cum Ioannes quintus numero, Abbas tuus á Boleslao pudico sanctissimo atque liberalissimo Principe, Iuris Theutonici libertates, oppido vestro impetrasset, & prærogatiuas omnes: quibus deinde in omnem profeci-

fecistis honestatem, plerisque alijs, clariorib9
oppidis, in senium quodammodo abeuntib9.
Per hunc tutelarē tuum effloruisti, vnā cum
Cænobio in pulchræ iuuentutis statum, diu
ab omnibus spreta. Nunc te protegit suis suf-
fragijs Sanctissimus Præsul, qui te hucusque
prouexit, vt inclarescente in dies Vincentij
nomine, Andreouia quoque passim prædice-
tur. Ab eo siquidem tempore, quo sacri eius
Cineres subleuati sunt. tot in templo vestro,
Sodales Charissimi, edita sunt miracula, tot
hominum peractæ sunt gratiarum actiones
Deo, vt numerari non possint. Quādo omni-
bus per eius merita Numen Æternum illic in-
uocantibus in veritate, nunquam non patuit
Diuinæ misericordiæ ostium. Hunc igitur
vobis Fratres Charissimi, omnibusque Polo-
niam inhabitantibus, Sacri vestri Ordinis Ci-
sterciensis Professis, quasi speculum quoddā
post Mellissuum Patrem vestrum Bernardum
pro-

Hexastichon in laudem eiusdē Ordinis

Vt rutilum sydus quondam Cistercius Ordo
Splenduit; & purum sparsit in orbe iubar
Melliflui fulgens Bernardi Spiritus almus,
Noctibus astrum ardens solq; diebus erat
Ast ubi luciflui radiantia lumina solis
Condidit occasus, nocte tegente polum:
Abdidit almificam lucem nox tetra tenebris
Sorduit ordo sacer, languit & omne decus.
Protinus emicuit iam claro mane reiecto
Matutinum astrum, sole micante nouo
Exoritur lumen cali obseruantia sacra.
Omnem opplens terram, lumine sydereo.

